

**NATIONAL ASSEMBLY OF
SEYCHELLES**

Thursday 21st November 2024

The Assembly met at 9am

National Anthem

Moment of Reflection

*Mr Deputy Speaker in the
Chair*

MR DEPUTY SPEAKER

Bonzour tou Manm Onorab. Tou travayer Sekretarya e piblik an zeneral ki pe – ki'n zwenn nou ozordi bomaten *Jeudi* 21 Novanm e pe swiv kontinyasyon travay Lasanble dan Staz Komite pour *Appropriation Bill*, 2025.

Donk, ozordi nou pou kontinyen avek bann lezot antite ki pe vin kot nou. E prensipalman tou bann antite ki tonm anba *President's Office* ki osi konpri Departman *Legal Affairs*.

Nou ava dir *Hansard Reporter* pou apel premye delegasyon ki pou zwenn nou ozordi. E nou ava demann *Deputy Serzan* pou met nou dan Staz Komite. *Thanks*.

OFFICE OF THE PRESIDENT

MR DEPUTY SPEAKER

Mon ava dir bonzour e byenveni delegasyon ki fek zwenn nou. Delegasyon sorti kot Lofis Prezidan dirize par Vis-Prezidan Mr Ahmed Afif.

I akonpannyen par Ms Thereza Dogley ki Sekreter Prensipal, Mr Marcus William ki *Financial Controller*, e Ms Margaret Bonne ki Direkter Zeneral pour Resours Imen, Zesyon Bidze avek Ladministrasyon.

Nou osi annan 2 zofisye sorti kot Minister Finans ki avek nou bomaten, Ms Astride Tamatave ki Sekreter Prensipal pour Finans, e osi Ms Laura Ah-Shung ki *Finance Analyst*.

Bidze ki nou pe konsidere la pour *The Office of the President* premye lo paz 5 a 11 pour en sonm R68 milyon 383 mil.

Solman apre i annan 2 lezot antite ki pou vini. Sa i *The Attorney General's Chamber* avek *Registration Division*. E nou pou pran vot en sel pli tar Ms Tamatave, ouswa enn par enn nou pou pran letan nou fini?

PS ASTRIDE TAMATAVE

Bonzour Mr Chair. Nou pou pran pour *Office of President* li tousel. *Registration* avek *Attorney General* ki nou pou pran zot ansanm. Mersi.

MR DEPUTY SPEAKER

Ok. Very well. Donk, mon ava envit Vis-Prezidan Afif pou fer lentrodiksyon lo son Bidze avan ki nou ouver lasal pour kestyon.

VICE-PRESIDENT AHMED AFIF

Mersi bokou Mr Chair. Bonzour Mr Chair. Bonzour *Leader of Government Business, Leader* Lopozisyon, tou bann Manm Lasanble Nasyonal e tou dimoun a lekout.

Mr Chair, i fer mwan en plezir pou mwan prezant Bidze Biro Prezidan pour 2025 ki en sonm R68.4 milyon. Mr Chair, ou a konpar sa Bidze R68.4 milyon avek Bidze pour menm *portfolio* pour 2024 ki li i R78.4 milyon koman Bidze Revize. Alors sa i reprezant en rediksyon. E mon ava eksplik bann diferan konponan sa Bidze R68.4 milyon.

Premyerman, i annan sa ki nou apel peyman pour bann saler. Se travayer. E pour sa nou annan nou pour 2025 en sonm R21 milyon.

Balans diferans i al dan 2 konponan *Goods and Services*, ki li i pran en Bidze R46.4 milyon. E *capital expenditure* li i pran en total R1 milyon. Alor, se sa vreman an gro nou Bidze.

Si nou le konpar avek Bidze lannen pase Mr Speaker, nou a vwar en

logmantasyon dan *Wages and Salaries* par R1.8 milyon. E sa logmantasyon i annan pou fer avek logmantasyon ki Gouvernman in deza anonse, apartir Avril 2025, pou annan logmantasyon pou bann travayer. E sa i ganny reflekte dan Bidze *President's Office*. I pou en sonm total R500 mil avek pour bann larestan lannen R666 mil.

Answit, nou annan serten lezot ki pou annan pou fer avek *recruitment* ki ti'n ganny *delayed* an 2024 ki pou pas an 2025 pour en total R720 mil.

Answit, nou pou annan enn de logmantasyon separe pour *HR, Admin* avek nou *IT* ki i pou en total R317 mil. E sa total i a fer R1.8 milyon pour *Wages and Salaries* pour Biro Prezidan.

Goods and Services li i montre en rediksyon R8.5 milyon. E sa 8.5 i esansyelman i al en porsyon anba *office expenses*. E mon ava donn zot sa bann detay anba *hospitality* par egzanp ki annan en rediksyon R395 mil. Dan nou *printing and stationery* nou pe al bokou ver tou keksoz lo en baz *digital* e nou pe redwir ankor R200 mil ladan.

Lo kote delo ek elektrisite osi, i annan en rediksyon R1 milyon avek R324 mil.

Lo kote *transportation and travel* i annan en rediksyon R226 mil.

Lo kote *maintenance and repairs* osi, nou annan en rediksyon R2.7 milyon. Parsyelman pou fer avek *building* li menm ki nou'n fer bokou sa lannen. E alor i pou redwir en pe.

Lo kote *maintenance* bann veikil osi, nou'n reisi kapab redwir ankor pour lannen prosenn 1.5 milyon. E nou'n sey fer laplipar bann *maintenance* ki nou kapab otan anvoy en bon pe pour sa lannen.

Materials and supplies, lakwizin, *other supplies* Rediksyon R94 mil. *Other uses of Goods and Services*, pour sekirite en pti logmantasyon R280 mil.

Minor capital, en rediksyon. Li i annan en rediksyon R3.3 milyon. E sa se parske nou'n reisir kapab rod bann transpor sa lannen. Dan Bidze sa lannen. E alor nou pa pe met li dan Bidze 2025. E sa i fer en rediksyon sibstansyel.

Lo kote *non-financial assets*, sa ki nou apel *capital projects*, li osi i montre en rediksyon R3.4 milyon. E sa i akòz bokou bann travay ki nou'n deza – nou'n deza fer sa lannen. E alor sa i pou redwir nou Bidze pour lannen prosenn. Vwala an gro bann

detay *President's Office* Mr Speaker.

MR DEPUTY SPEAKER

Mersi Vis-Prezidan. Nou pou ouver lasal aprezan pour kestyon. E mon le zis sinyal bann Manm ki sa *heading* nou pe pran li ziska 10 er. *So, let's be mindful of time.*

Nou kestyon i *straight to the point*. E larepons parey Speaker ti pe egzize ki nou kapab *summarise* byen bann kestyon, larepons ki nou donnen. Premye i annan entervenans Onorab Gill.

HON CHURCHILL GILL

Mersi Mr Chair. Bonzour *panel* e tou dimoun ki pe ekout nou. Dan leksplikasyon pour *Wages and Salaries*, nou'n ganny dir ki i pou annan en ogmantasyon akòz sa *increase* ki i pe donnen. Me selman sa *increase* nou konnen i pou fer en lenpak lo ou *gross salary*.

Alors, mon kestyon i lo *Other Allowances* ki sorti 1.7 pou vin 2.1. Si nou kapab ganny en leksplikasyon akòz sa logmantasyon e lekel zot sa bann *allowance*?

Mon dezyenm kestyon, i anba *other insurance and fees*. Nou'n vwar i annan *insurance* pour transpor separe 1.5. Me selman sa *other insurance and Fees* li i sorti 900 mil pou vin 1.4. Si nou kapab ganny leksplikasyon e detay? Mersi.

MR DEPUTY SPEAKER

Mersi Onorab. *Panel?*

VICE-PRESIDENT AHMED AFIF

Mr Chair, avek ou permisyon mon ava permet *PS President's Office* donn detay. Mersi.

MR DEPUTY SPEAKER

Sertenman. Manmzel Dogley?

PS THEREZA DOGLEY

Ok. Mersi. Bonzour. Mersi Mr Chair. Mersi Onorab, pour ou keston. So, sa bann *allowance* bann *other allowance* ki annan pou fer, i bann *increase* dan bann *salary adjustment* pour bann *HR*, *Admin* ek *IT* ki annan en *increase* dan zot *allowance*. Mersi.

MR DEPUTY SPEAKER

Lot keston i konsernan *Other Insurance and Fees*. I 8enm laliny dan dezyenm paz *Other Goods and Services*. *PS?*

PS ASTRIDE TAMATAVE

Mersi Mr Chair. Mr Chair, sa *increase* anba *other insurance and fees* i relye avek *increase* dan nouvo kotasyon ki *President's Office* in resevwar pour *medical insurance* pour *President's Office* ki kouver bann Minis. *Thank you*, Mr Chair.

MR DEPUTY SPEAKER

Mersi. Ou annan klarifikasyon?

HON CHURCHILL GILL

Mersi pour larepons. Mon annan en klarifikasyon lo premye keston ki mon'n ganny en larepons ki sa i pour *adjustment of salaries* pour bann dimoun dan *HR*.

Mon leklersisman, eski sa 7poursan ki zot pou gannnen, sa *adjustment* i pou *over and above* apre sa? Mersi.

MR DEPUTY SPEAKER

Mersi Onorab. *PS?*

PS ASTRIDE TAMATAVE

Mersi Mr Chair. Mr Chair, nou ava rapel sa lannen Gouvernman ti fer en revizyon dan *HR*, *IT* ek *Admin cadre* dan zot *scheme*. Ti annan en revizyon *across the Board* pour tou sa 3 *common cadres*.

I zis ki letan ti fer alokasyon Bidze, sa *amount* ki'n ganny mete anba sa *code allowance* pa'n ase pou *cater* pour sa *increase* dan sa *scheme*.

Me selman, sa in pran lefe depi sa lannen sa, sa *increase*. E sa bann group dimoun zot pou ganny zot 7poursan parey tou travayer sektè piblik lannen prosenn. Mersi.

MR DEPUTY SPEAKER

Mersi. I pa kler pour ou?

HON CHURCHILL GILL

Non, Mr Chair. In dir mwan poudir sa ti en keksoz ki ti sipoze ganny ogmante pandan sa lannen.

Me prezan ou bezwen dir mwan si sa 7poursan pou vin apre ki ou'n aziste sa, oubyen zot pou ganny zot 7poursan apre i pou ganny aziste? Zis mon le sa leklersisman. Mersi.

MR DEPUTY SPEAKER

PS, ou kapab klarifye sa?

PS ASTRIDE TAMATAVE

Mr Chair, zot saler sa lannen in fini ganny aziste sa bann group dimoun. *In terms of* zot *allowance* dapre revizyon *scheme of service* pour sa 3 *common cadre*; *IT cadre*, *Admin cadre* avek *HR cadre*.

I pa zis pour *President's Office*. I pour Gouvernman an zeneral. E sa *increase* i pe zis montre – akòz ti annan en... Nou ti'n mal *allocate* sa *allowance*.

Sa lannen – 2025 mon pe *mean*, zot tou zot pou ganny zot 7poursan parey tou sekter piblik pou gannnen. Mersi.

MR DEPUTY SPEAKER

Mersi PS. Onorab Mondon.

HON TERENCE MONDON

Mersi Mr Chair. Bonzour Vis-Prezidan avek ou lekip, e PS Finans.

Mr Chair, mon kestyon i tous *maintenance and repairs*. Lofis Prezidan zot in fer resorti ki i annan en logmantasyon dan kou pou mentenir zot *fleet* transpor. E zot vwar sa koman en defi.

Anba *maintenance and repairs* mon vwar en sonm R5 milyon 488 mil Bidze Revize pour 2004. E Bidze 2025 i fer provizyon pour en sonm R4milyon.

Me ler mon konpar Bidze Revize pour 2023 e 2024, mon vwar en logmantasyon 1.1 milyon ki konfirm sa ki Biro Lofis Prezidan in fer resorti. Mon anvi konnen kwa ki pe fer sa gran logmantasyon dan *maintenance and repairs*?

Eski i annan en logmantasyon dan lakantite veikil ki zot pe servi, oubyen logmantasyon dan pri ki garaz pe sarz zot?

E mon dezyenm kestyon. Ki zot pe anvizaze fer pou adres sa defi an 2025? Mersi Mr Chair.

MR DEPUTY SPEAKER

Mersi Onorab. Mon ava envit *panel* pour en larepons. VP?

VICE-PRESIDENT AHMED AFIF

Mr Speaker, petet mon a donn en leksplikasyon zeneral e Mr William ansuit i kapab donn larestan.

Maintenance zeneralman in ogmante si ou pran sa paz ki donn rezimen tou bann kou ki sorti Bidze Revize. *Actually*, Bidze Revize si ou get li pour 2024 i R8.5 milyon li. Bidze Revize 2024.

Prezan pour 2025, *maintenance and repairs* an gro i annan en rediksyon li, R5.8 milyon. So si ou get sa ki nou pe depanse an 2025 *maintenance* an gro, i mwens ki *maintenance* ki nou pe peye an 2024 revize.

E rezon pour sa, se parske nou'n reisir kapab fer bokou bann *maintenance* plito an 2024. E se pour kwa ki oye dan Bidze 2024 ki ti 6.9. Nou pe depans 8.5.

Alor, nou'n fer en kantite sa bann gro *maintenance* an 2024 deza. Ki fer ki pour 2025 avek 5.8 selman, nou kapab redwir.

Mon bezwen dir osi Onorab, ki ou pa kapab get li an izolasyon ek *maintenance*. Ou bezwen get osi *hire charges* pour *vehicles* ki kot *State House* in preski zero.

Nou ti abitye pey sak fwa en Minis i bezwen al fer *servicing* oubyen i annan aksidan ek son loto eksetera,

ti ganny *car hire*. Nou'n fini ek sa. Napa. Pandan 3 an i napa parske nou pe servi tou nou transpor ki la.

Alor, vreman lo kote transpor mon kapab dir ou poudir sorti 8.5 revize pour 2024, nou pe desann pou vin R5.8 milyon pour 2025. Alor sa i en rediksyon.

MR DEPUTY SPEAKER

Mersi Onorab. Onorab Mondon, ou annan klarifikasyon?

HON TERENCE MONDON

Mersi Mr Chair. VP mon pe regard anba *maintenance and repairs motor vehicles*. E sa Bidze Revize i 5.488. E Bidze pour 2025 i 4 milyon.

E mon pe konpar ler mon pran Bidze Revize 2023, zot ti annan en provizyon 4milyon *target*. Me selman i ti monte pou vin – fodre nou pe get zis *motor vehicles* pour nou kapab fer sa konparezon.

Akoz 2023 Bidze Revize ti 4.377. E ler ou konpar sa 4.377 avek sa 5.488 revize pour 2025, i fer sa diferans 1.1 milyon. Mersi Mr Chair.

MR DEPUTY SPEAKER

Ou'n al get lo en lot dokiman ki pa sa enn ki devan nou? Solman i *ok* si ou kapab soz sa *figure*. VP i ava donn en lenformasyon.

VICE-PRESIDENT AHMED AFIF

Mersi Mr Chair. Mr Chair, mon krwar Onorab pe get sa paz ki annan detay li. Ki annan bann detay tou bann depans.

E ou pe al anba – mwan mon pe get li konman paz 1 anba *maintenance repairs motor vehicles*, pour 2024 i 5.488 e 5.488 i reprezant Bidze Revize. Revize pour 2024.

Se egzakteman ki mon pe dir ou. Se pour *motor vehicles* sa lannen i pli o ki sa ki nou'n fer provizyon pour lannen prosenn. E lannen prosenn parey ou pou war i 4 milyon. I mwens pour *motor vehicles*.

So, rezon i mwens, se parske nou'n reisir fer bokou bann *maintenance* sa lannen, ki lannen prosenn i pou redwir en kantite bann transpor.

Ou bezwen pran kont osi poudir anba *capital expenditure* – well, anba *minor capital* kot nou'n reisir sa lannen rod nouvo *fleet* loto.

E nou'n kapab fer bokou pour sa lannen ki nou krwar pou ed nou redwir nou kou *maintenance* pour lannen prosenn. So sorti 5.4 revize 2024, 4 milyon pour lannen prosenn.

MR DEPUTY SPEAKER

Non, VP mon krwar sa ki i pe dir li. Li in al get en sif 2023 ki

son provizyon ti bokou pli ba ki Bidze Revize pour 2024 ki 5.4.

So, i pe rode aköz in annan sa logmantasyon *from* 2023 *to* 2024. Sanmenm sa mon pe dir li poudir i pe get en lot dokiman ki napa la devan nou. Be solman mon *trust* son sif ki in dir aköz i lo FPAC li.

VICE-PRESIDENT AHMED AFIF

Mr Chair, mon krwar bokou ti annan pou fer avek bann kou *maintenance* sa letan. Petet, ou konnen sa bann – ti annan bokou sa bann transpor ki sorti 2023, ti annan serten kou; *gearbox*. Ti annan bokou keksoz ki mwan mon okouran. Parske en kantite nou sirveye.

Sirtou ler i ariv bann gro kou. Ti annan en kantite sa bann gro *maintenance* ki ti pe al konmans arive. In fini konmans arive annefe an 2024.

So, 23 malgre ki ti en pe ba. Nou nou'n vwar poudir ti pe al monte dan en fason ase ekstrenm an 2024. E sif in montre; in ariv 5.5. Me selman nou'n met li annord. E nou krwar apartir 2025, 26, 27 nou kapab tenir li 4 milyon.

Nou met en provizyon 4 milyon, pa vedir nou pou depans 4 milyon. I kapab mwens. Selman nou, nou pe fer provizyon pour nou pa bezwen neserman sak fwa

pou al *over* pour ou vin demande. Selman nou ekspekte nou kapab depans mwens ki sa. Be selman nou met en provizyon 4 milyon *for safety*. Mersi.

MR DEPUTY SPEAKER

Mersi Onorab. In persyad ou. Onorab Cosgrow?

HON WALLACE COSGROW

Mersi Mr Chairman. Mr Chairman, mon pou osi repran lo sa keston Onorab Mondon, akòz mon krwar i enportan. E mon krwar Vis-Prezidan pa'n konpran lesansyel sa keston. I enportan ki i pe dir.

Ki i pe dir se ki ou Bidze 2023 ti tan kantite. Be letan ou'n revize 2024 in mont 5.4 milyon – 5.4 milyon, en?

Now, prezan ou Bidze pli ba ankor 2025, e i pe demann ou kwa ki pou anpes li mont 5.4 milyon ankor akòz ou ti bidzet anba. In ariv 5.4 milyon. e la ou bidzet anba ankor, kwa ki pou anpes li ariv 5.4 milyon?

Be mwan Mr Chairman, mon ti ava demann Vis-Prezidan sa keston, eski i sa garaz ki zot in met anler *State House* ki pe modifiye loto ki pe fer *cost motor vehicles* ariv sa oter?

I annan en garaz anler *State House*, e ou konn tre byen i annan en garaz anler *State House* ki pe aranz tou

loto *State House*. E i annan mekanisyen ki'n sanze. E ou konnen lekel sa mekanisyen. Ou konnen kote i sorti, ki distrik. Mr Speaker, sa i mon premye keston.

Mr Chairman, mon dezyenm keston i se konsern *travel* Prezidan Larepiblik ki tonm son *overseas airfares* ki tonm apepre 5 pwen keksoz milyon.

Now, mon keston avek Vis-Prezidan i, eski i annan en *schedule travel* pour Prezidan Larepiblik? Eski i annan serten *event* ki ganny dezinyen ki Prezidan Larepiblik i bezwen *travel*, i bezwen *attend* pandan lannen? E sa i *fixed*. Nou konnen. Nou *plan*.

Ouswa ki – akòz mon war sa Bidze i sibstansyel. Eski – ouswa eski Prezidan i *travel* ki mannyer i anvi, e prezan nou *taxpayers' money* nou bezwen *bear the consequences*? So eski sa Bidze i baze lo en *plan of travel*?

Akòz si mon pa tronpe, pa ankor ariv 50 mwan. I annan plis ki 50 *travel*. So, preski tou le mwan Prezidan pa dan pei. E la nou konnen i *Ghana* pe asiste en zafer.

So eksplik nou en pti pe ki mannyer *travel* Prezidan i ganny *planned* e ki mannyer sa Bidze i ganny *allocate* avek *travel* Prezidan? Mersi bokou.

MR DEPUTY SPEAKER

Mon ava envit *panel* pour en larepons.

VICE-PRESIDENT AHMED AFIF

Mersi Mr Chair. Mr Chair, i annan 2 konponan keston. Enn lo *maintenance* ek enn lo *travel*. *Travel* parey mon'n eksplike, nou konman Biro Prezidan nou'n redwir *travel*. Nou'n redwir *maintenance* en kantite.

Wi nou'n depans 5.4 sa lannen. E nou'n met en provizyon 4 milyon pour lannen prosenn. Nou ekspekte nou pou reste dan sa *bound* 4 milyon pour la senp rezon ki nou *fleet* ozordi i bokou pli annord.

Enn;- aköz sa bann *fleet* in ganny fer bon *maintenance* lo la sa lannen. Dezyenm, se parske bann *fleet* – en porsyon sa *fleet* i nef sa lannen. Alor nou ekspekte ki lannen prosenn i pou redwir. Nou annan bokou plis leksperyans an term ki mannyer pou *maintain*.

State House si ou get sa ki i pe depanse an term *car hire*. Pa get li an izolasyon. Get *car hire*. Get *maintenance*. Sa ki nou, nou pe depanse i bokou mwens ki zanmen zot in deza depanse avan. Bokou mwens. E bann lannen ki pe vini zot pou war sa rediksyon.

Alor, nou, nou pe fer lekonomi nou. Nou pe fer lekonomi avek *taxpayers' money*. E nou krwar, nou fer lekonomi aköz nou rod bann fason pli efikas pour nou fer *maintenance*.

Par egzanp; i annan serten keksoz ki nou, nou kapab fer kot nou menm. Sanz larou. Fer *very basic maintenance*. Fer kot nou.

I annan en garaz ki nou annan nou dimoun ki nou, nou fer. Sa *basic*. Bann keksoz *basic*. Bann keksoz pli – bann keksoz pli avanse. Nou annan plizyer dimoun ki ganny sou kontrakte. E baze lo zot *skill* ek leksperyans, zot, zot ofer sa bann servis.

Alor, aköz non? Si ou en lorganizasyon ki ou annan ou 111 loto dan ou *fleet*, aköz ou pa kapab fer serten keksoz ou menm? Selman ou annan 4, 5 garaz ki a ou dispozisyon pou fer tou bann keksoz ki pli avanse.

Pou fer en sanzman en *gearbox*. Pou fer keksoz ki bezwen *heavy equipment*. Ki bezwen plis ekspertiz. Sa bann ou fer. Ou sou kontrakte.

E nou fer sa. Nou napa en sel dimoun ki fer *maintenance*. Nou pa aste pyes avek en sel dimoun nou. Nou rod pyes meyer marse kot nou gannyen. I annan lokazyon kot nou menm kapab rod nou

menm direkteman ek
fourniser deor.

Ozordi lemonn in sanze
lafason ou fer biznes. Alor nou
procure. Nou swiv tou prosedir
ki annan e nou *procure*. Nou
rod pyes. Nou rod dimoun ki
kapab aranz nou loto nou
aranze.

Nou pe depans bokou
mwens par loto ki zanmen in
deza ganny depanse. Sa mon
kapab asir zot. Sa bann loto ki
zot war i marse lo semen i an
bon kondisyon ozordi. Bon
kondisyon laplipar sa bann
loto, e nou pe fer nou mye.

Lo kote *travel* Mr Chair,
mon krwar sa keston in mont
en kantite fwa. Mwan mon'n
vin donn detay detrwa fwa lo
bann vwayaz depi 2021. Alor
mon pa pou vin repet mon
lekor isi.

Tou vwayaz ki nou, nou
peye anba Biro Prezidan se
bann vwayaz ki esansyel. E
bann vwayaz ki dan Bidze ki
zot, zot in aprouve. E zanmen
nou desote sa bann Bidze. E
tou sa bann voyaz i ganny fer
baze lo merit ki i neser pour
li ale.

E si ou le get son kou,
son benefis, pour mwan i kler.
Ou get – si ou get depi 2021
kan Prezidan in vwayaze, in
anmenn vaksen. In annenn
en lopital 40 lili. In ganny
bann *unit* lakaz Barbarons 80
unit. 80 *unit*, koz apepre R100
milyon lanmenm.

Vaksen mon pa konnen
ki pri ou mete pour lasante ou
pep. Si i annan en pri ki ou
kapab mete pour lasante ou
pep. Tousala se bann benefis.

En lopital avek 40 lili ki
vin ek son zenerater ek tou son
lekipman, *free of charge*.
Delivre kot ou. Met kot *Coast
Guard* ki nou bann dimoun in
servi dan lepok COVID. Tou sa
bann keksoz in vini.

1 *unit* K9 ki ozordi in ed
nou dan sa lalit kont drog. Sa
drog ki'n penetre partou dan
nou pei ki zot pa'n fer naryen
pandan tou zot letan. Ozordi
nou ki pe met annord sa bann
keksoz!

(APPLAUSE)

**VICE-PRESIDENT AHMED
AFIF**

E, tousala se travay ki nou pa
kapab fer nou tousel. Se
travay ki ou bezwen fer aköz
ou annan partener aletranze
ki pe travay ek ou. E ler nou pe
koz aletranze, ou vwayaze
pour ou etabli ou bann
kontak pli o nivo posib. Se
koumsa ki nou, nou travay
nou.

Nou pa vin asize konmsi
pou espere. “Ah, ou konnen, si
i annan drog pe vin en landrwa
kekfa en dimoun ava dir
nou.” Non. Nou, nou ava al fer
nou louvraz. Nou fer tou
keksoz ki nou kapab.

Benefis ki'n antre dan sa pei. Benefis ki'n antre dan sa pei pour sa depans ki nou nou'n depanse pour vwayaz. E ler mon pou – mon pou donn ou bann sif vwayaz mwan.

Sa bann sif vwayaz i pa zis Prezidan sa. I annan Prezidan. I annan son lekipaz. Parfwa i al en Minis avek li. Sa i ganny kouver anba *President's Office*.

Apré separeman. Dan bann Bidze separe. Bann Minis sakenn si zot *travel* pour zot, zot annan zot Bidze pour zot.

Par egzanp 2023; Bidze ki ti ganny mete ti R6.8 milyon. Konbyen nou'n depanse ladan? R5.5 milyon.

2024 nou annan en Bidze R7.7 milyon pour *travel*. Konbyen nou'n depanse ziska konmela? Zis 7.5 milyon. Nou pe reste dan nou Bidze nou. Benefis ki sa bann vwayaz i anmennen pour Sesel.

Mon a donn ou zis en proze. 80-unit lakaz Barbarons ki pe ganny enplimante. I apepre R100 milyon. Be si ou annan en Bidze 5, ou depans 5. Zis en proze. Mon'n nonm plizyer la. Zis enn i anmenn 100.

Be oli zot- ki problem zot annan ek sa zot? I fatig zot ler dimoun i ganny lakaz!? I fatig zot ler Prezidan i anmenn benefis pour pei!? I fatig zot ler

nou pe lalit kont drog? I fatig zot?

(Interruption)

VICE-PRESIDENT AHMED AFIF

Mon pa konnen. Mon pa konnen aköz zot pe fer tou sa tapaz. Be sa bann keksoz se pour benefis Sesel. Si ou pa kas dizef, ou pa pou gannnen lonmnet. Mersi bokou Mr Chair.

MR DEPUTY SPEAKER

Mersi VP. Onorab Adelaide.

HON FRANCOIS ADELAIDE

Mersi Mr Chair.

(Interruption)

MR DEPUTY SPEAKER

Hold on. What is the point of order?

HON WAVEL WOODCOCK

Mr Speaker, langaz ki Onorab Loze in dir la. In apel VP en dizef. E i annan bann Manm in tande la Mr Speaker.

(Interruption)

HON WAVEL WOODCOCK

I en *unparliamentary language* Mr Speaker, pour en Manm servi kont nou Vis-Prezidan Mr Speaker. Fodre ganny en *call to order*.

(Interruption)

MR DEPUTY SPEAKER

Mersi. Mersi pour ou pwen.

(Interruption)

MR DEPUTY SPEAKER

Hold on. Hold on! Hold on!

(Interruption)

MR DEPUTY SPEAKER

Silvouple! Silvouple! Silvouple.
Silvouple.

(Interruption)

MR DEPUTY SPEAKER

Silvouple, mon pe koze.
Standing Orders i dir – *well*,
letan Speaker pe koze, nou
reste trankil. E si nou ti’n fer
sa nou ti pou’n kalme.

Get sa, i ankor tro
granmaten – i ankor tro
granmaten pour mwan vin dir
avek bann gran msye ek bann
gran madanm ki apel Onorab,
ki mannyer nou pou travay
ozordi.

Mon pa pou fer sa mwan.
Mon’n promet mon lekor mon
pa pe fer sa ozordi. *Ok?* Si zot
anvi *go at each other, go*. Mon
pa pe enterfer mwan. Nou pou
kontinyen. Onorab Adelaide,
ou ki annan laparol.

HON FRANCOIS ADELAIDE

Mersi Mr Chair. Bonzour tou
dimoun. E dabor bonzour VP

avek ou lekip. Si mon lizye pe
servi mwan byen mon war en
zenn fiy Baie Lazare ki’n ganny
promote konman *PS*. Mon pe
dir ou felisitasyon pour ou dan
sa – pour ou in ariv dan sa
pozisyon dan pli o lofis dan
pei. Mersi bokou.

VP, mon premye kestyon,
akoz mon trouve poudir zot
annan *Public Service Bureau*
anba zot *portfolio*. Petet mon le
demann ou, akoz dan zot
manda mon pe trouve zot
sipoze moderniz reform e *act* –
sirtou ti annan sa zafer
scheme of service ki’n monte
dan Lasanble sirtou dan
Bidze.

Petet dir nou ki zot in
trouve ler zot in vini an 2020
ziska la? E mon war
17poursan zis dan sa letan kot
nou’n dan problem. E be,
dan bann 2019 kot ti annan
bokou bann pli bon keksoz.
Akoz ki saler pa’n monte? Sa i
mon premye kestyon.

Mon dezyenm kestyon
Mr Speaker. Lofis Prezidan i
sipoze gid nou lo bann bon
prensip. E la vi ki i annan en
Mosyon dan Lasanble ki lo
Asonpsyon. E mwan dan mon
deba Bidze mon ti demande ki
Prezidan i deklasifye sa bann
dokiman lo baz militer
Asonpsyon.

Petet dir mwan ki bann
koze ki nou annan, akoz nou
bezwen sa. Nou bezwen pour
nou fer nou debat. E nou anvi

ki dimoun i konnen ki vreman lo Asonpsyon ti pou annan e atraver sa proze lotel ki pe vini pour nou kapab fer pli bon deba dan Lasanble Nasyonal. Mersi.

MR DEPUTY SPEAKER

Mersi Onorab. Mon'n *note* 3 pwen. Mon pa tro sir lo sa enn premye. Me *panel* si i annan en larepons ki zot santi i *fit in* avek sa *portfolio*. Silvouple.

VICE-PRESIDENT AHMED AFIF

Mersi bokou Mr Speaker. Mr Speaker, mon note ki Onorab pe koz en pe lo bann saler zeneralman *scheme of service* dan Gouvernman e ki nou nou'n zwenn ler nou'n vini.

Well, mon krwar bokou dimoun i konnen ler nou ti vini, sa ki nou'n zwenn sete en sityasyon defisit – defisiter. E nou konnen aköz i ti defisiter. Prensipalman sa letan lekonomi ti'n aret net.

E an term saler kot i konsern *PSB*. Kot i konsern *PSB* ek bann saler Mr Chair, sa avek ou permisyon nou kapab kouver dan –

MR DEPUTY SPEAKER

So, we'll take it on later on alor?

VICE-PRESIDENT AHMED AFIF

Dan sesyon avek *PSB* ler i vini.

MR DEPUTY SPEAKER

Very well.

VICE-PRESIDENT AHMED AFIF

Lo kote Asonpsyon, ankör mon mazine, petet swa dan *SDF* oubyen ler i monte kot ki annan pou fer avek Asonpsyon oubyen dan en lot, sa nou kapab koz lo la.

Me mon konpran ou konsern. Definitivman mon konpran ou konsern lo kote dokiman. Lo keksoz ki annan. Nou lo nou kote si i annan okenn keksoz, lenformasyon ki zot, zot bezwen gannnen an sa ki konsern, nou'n toultan transparan lo la. Me nou pare pou fer disponib avek piblik tou lenformasyon ki annan lo la. Mersi Mr Speaker.

MR DEPUTY SPEAKER

Mersi VP. Mon a donn laparol Onorab Aglae.

HON EGBERT AGLAE

Mersi Mr Speaker. VP, bonzour ek ou *panel*, e tou dimoun a lekout. Mon premye kestyon i konsern sa *lift* 1 milyon ki ti dan Bidze 2024. VP si ou ti kapab dir nou eski sa *lift* in fini enstale, *ok?*

Dezyenm i konsern *materials and supplies*. Mon war en Bidze apepre R20 mil. E ladan i enkli *bedlinen*. Eski i ankör annan lili *State House? Bedlinen?*

E dernyen Mr Speaker. VP ou'n koz lo *travel*, *ok*. Ou'n dir poudir ou pe reste dan ou Bidze e zot pa pe... Me selman si ou kapab eksplik nou. Vi ki i annan sa kantite vizit ki Prezidan pe fer. Mon'n demann mon kestyon byen kalm la en.

Vi ki i annan bann vizit ki Prezidan i kontinyen ale, eski i annan en lot vot ki ganny servi apard sa vot ki la pou pey serten bann peyman, ouswa depans ki *entails* avek sa bann *travel*? Mersi.

MR DEPUTY SPEAKER

Mersi. Mon ti ava demann bann Manm pou reste lo 2 pwen. Onorab in lev 3 pwen. In lev *lift*. In lev *bedlinen* avek *travel*. So sa i fer 3 pwen. Pour larestan ki vini silvouple annou reste lo 2 pwen pour tou Manm kapab demann en kestyon. *Panel*?

VICE-PRESIDENT AHMED

AFIF

Mersi bokou Mr Chair. Mr Chair, avek ou permisyon mon a donn *PS* permisyon pour li reponn lo *lift*.

Lo kote sa *heading* ki apel *bedlinen*. Sa i en term ki zot servi – i en term Bidze “*clothing and bedlinen*”. Zot met tousala ansanm. Pa vedir ki nou pe aste okenn dra lili. Nou napa sa bann zafer

koumsa. Mon mazine zot familye avek sa dan zot letan.

(Interruption)

VICE-PRESIDENT AHMED

AFIF

Dan zot letan. Me selman i pa en keksoz ki nou, nou annan. Anba *travel* mon kapab asir ou tou sa ki nou depanse pour vwayaz i dan Bidze. I dan Bidze. Zot annan tou laliny Bidze, zot vot lo la. Pandan sa dernyen 3 an ki nou nou'n la, zot in vwar sa bann laliny. Nou pey zis anba la.

Mon konpran aköz parfwa zot krwar i annan lezot kont, aköz petet ti annan dan sa bann letan. Be sa bann letan in fini sa kot en larzan i monte, *cash*. Vin dan en lanvlop. Vin anler apre i dir sa, sa pour vwayaz. Sa bann zafer in fini.

(Interruption)

VICE-PRESIDENT AHMED

AFIF

Mon pe reponn kestyon, parski in demann sa. So, nou nepli annan sa bann sistenm. Tou keksoz i transparan. Tou keksoz i al dan en kod. Tou keksoz i ganny transfer dan ou kont labank. Depi ni menm *cheque* pa pe donner. Alor ou vwayaz ou al selon sa ki'n ganny aprouve. Mersi bokou.

MR DEPUTY SPEAKER

Mersi. I annan en lot pwen? Manmzel Dogley.

PS THEREZA DOGLEY

Mersi Mr Chair. Pour kestyon *lift*, nou annan nou sa bann proze ki i pe lo *procurement stage*. Parey zot konnen nou bezwen pas lo *procurement stage*. E sa *SIA* in fini pe fer li atraver kot *Tender e Tender Board* laba sipoze pe donn nou en larepons pour nou kapab konmans sa proze. Mersi.

MR DEPUTY SPEAKER

Mersi Manmzel Dogley. Pou *note* pour Minister Finans kekfw pou re get en pe bann term ki ganny servi pou evit okenn *malentendus* dan Lasanble, dan piblik pour bann laliny Bidze. Mon ava donn laparol Onorab William.

HON WAVEN WILLIAM

Mersi Mr Chairman. Bonzour Vis-Prezidan avek ou *panel*. Mr Chairman, mon ti a kontan demann Minis, par lefe ki – ouswa, mon a re fraz mon kestyon.

Vis-Prezidan, eski ou kapab konfirm avek sa Lasanble ki voyaz ki Prezidan in fer pandan sa 4 an in anmenn plis benefis ki Bidze – son Bidze lofis?

E dezyenmman. Ki ou lopinyon an vizavi e aköz ki Lopozisyon pe trakase lo sa

bann voyaz Prezidan ki pe anmenn benefis? Par egzanp Grand Anse Mahe pe al benefisye avek plis ki 80 ekek lakaz.

Ki mwan mon krwar si Prezidan i vwayaze i rod sa bann keksoz pour pep Seselwa. Prenan kont ki enn, Sesel i en pti pei vilnerab e nou napa bokou resours. E Prezidan i son devwar pour li vwayaze si i nesaser. Mersi.

MR DEPUTY SPEAKER

Mersi Onorab. Mon pa tro sir si ou kapab demann en kestyon lo lopinyon. *Not so sure, but...*

(Interruption)

MR DEPUTY SPEAKER

Ou *point of order* ou bezwen dir mwan egzakteman kote ki – ki *Order* ki ou pe...

(Interruption)

MR DEPUTY SPEAKER

Non, ou pa kapab dir mwan aköz mon pe koz lo la. Mwan *I'm thinking out loud*.

(Interruption)

MR DEPUTY SPEAKER

Non, ou bezwen koz ek mwan. Ou bezwen koz ek mwan *on-mic*. Ou bezwen koz ek mwan *on-mic*.

HON WALLACE COSGROW

Mr Chair. Ou pe ekout mwan ou? Anr, *ok* ou pe ekout mwan.

MR DEPUTY SPEAKER

Wi, wi. Mon'n dir ou koz ek mwan.

HON WALLACE COSGROW

Non, mon war ou pe get anba.

MR DEPUTY SPEAKER

Non, mon pe ekout ou.

HON WALLACE COSGROW

Me la kourtwazi ou get mwan. Mr Chair, mon *point of order* se ki Onorab pe demann Vis-Prezidan, Minis en lopinyon. E anba *Standing Order* i pa ganny drwa demann sa. Mersi bokou.

MR DEPUTY SPEAKER

Wi, ou war. Sa ki mon ti pe demann ou. Akoz mwan mon konnen ou pa kapab. So, mon pe sey aprann mon *Standing Orders* osi – osi vit.

Prezan li i lev en *point of order. The rule of the House*, ou bezwen dir “Mr Speaker, mon pe *raise* en kestyon anba *Order 36(i)* ki dir; “*a question shall not be asked for the purpose of obtaining an expression of opinion*”.

So, *whilst* mwan mon mazin en pou dir - ou, ou Manm Onorab kantmenm ou pe sey fer en latak kont mwan

poudir mon pa konnen. Mwan mon'n war lekel sa *Order*. Onorab Pillay wi, mon pe koz avek ou. Mersi.

(Interruption)

HON WALLACE COSGROW

Mr Chairman...

MR DEPUTY SPEAKER

Panel, proceed avek larepons. *Proceed* avek larepons.

HON WALLACE COSGROW

Mon kontan ou'n war kantmenm ou ti pe sey imilye mwan. Mon kontan ou'n war. Mersi bokou.

VICE-PRESIDENT AHMED AFIF

Mersi bokou Mr Chair. Mr Chair, mon le senpleman dir ki vwayaz i absoliman neseler konman en Sef Deta. Nou en pti pei 100 mil dimoun e nou pe dil avek bann pei ki bokou pli gro, ki nou depan lo la. E zot pa o bor nou souvandfwa.

Nou *motto* konman *tourism* i “*Unique by a thousand mile*”. Be si ou *unique by a thousand miles*, ou bezwen vwayaz en pe pou al koz ek dimoun pou fer zot konnen ki ou sityasyon. E sirtou kan ou pe rod led oubyen ou anvi eksplik ou sityasyon, pour zot konnen ki probleman ki pe afekte ou.

Be ou bezwen vwayaze. E ler ou vwayaze ou kalkil li dan en fason ki sa ki ou depanse ou ekspekte ou pou anmenn bokou, bokou plis benefis pour sa pei.

E se sa ki nou'n fer. Toultan nou'n ale. Nou'n vwar nou'n kapab reisir konvenk nou bann partener enternasyonal pou dir nou annan problem sanzman klima. Nou ti annan problem maladi. Vaksen. Nou ti annan problem lakaz. E sak fwa Prezidan i ale, i tournen, nou reisir ganny keksoz ki 10, menm plis ki 15 fwa sa kou sa vwayaz.

Alor, mwan mon'n trouv sa i zistifye. Napa en pei ki kapab asize. Zis asiz se zot tou dimoun i get anba. Apre nou ekspekte lemonn konpran kot nou ete, vin ed nou. I pa marse koumsa.

Si ou anvi ganny keksoz, ou bezwen leve fer ou lavwa tandé. E dimoun a regard ou. Dimoun a konpran ou sityasyon, i ava ed ou. Mr Speaker, se sa mon lopinyon.

Definitivman, bann proze ki nou pe fer. I annan proze lakaz 80 *Unit* ki pou ganny fer Barbarons. E sa pou anmenn bokou benefis pour bann zabitan, Onorab William. E mon konnen poudir ankò, tousala pe ganny fer, pa pour benefis nou biwo, *President's Office* pour Prezidan, se

benefis pep Seselwa. Se tou ki nou la.

Nou la pour en manda pour nou anmenn benefis pour pep Seselwa. Nou pe servi larzan ki dan Bidze pour nou fer sir ki nou fer nou travay parey nou sipoze. E benefis i vin pour pep Seselwa. Mersi bokou Mr Speaker.

MR DEPUTY SPEAKER

Mersi Vis-Prezidan. Mon ava donn laparol Onorab Gabriel.

HON CONRAD GABRIEL

Mersi Mr Chair. Mon a dir bonzour tou dimoun a lekout. Bonzour *panel*.

Mr Speaker, premyerman mon pou al lo Lofis *SP3. First Lady Support Services* kot 2024 ti ganny en Bidze 1.1 milyon. In ganny revize pour 960 mil. E la 2025 in ganny R800 mil.

E ler mon pe pas en pti pe dan son bann program, *office expenses* in ganny apeare R400 mil. Kot ladan i annan *official gifts* R200 mil. *Hospitality* 75 mil.

I enportan note ki sa biwo ou a krwar i pe ganny servi pour en rezon politik. Akòz ler nou gete nou war *First Lady* pe donn rekonpans serten endividi. Mon ti a kontan ki *PS – VP* i klarifye sa en pti pe.

E mon dezyenm pwen se ki ler nou gete, Lofis Prezidan li menm dan *Mid-Year Review*

in ganny en Bidze Siplemanter ki'n ganny revize, en 4.4 milyon.

So, ler ou get dan son *office expenses* ou pe vwar la *actually* sa 4.4milyon ti pour *consumables*, elektrisite, delo. Son *consumables right now* nou'n ganny apepre 3.5 milyon sa lannen. Elektrisite osi 2.9 milyon. E son delo i 660 mil.

So, i vedir ki Prezidan in war poudir - mon krwar in rekonnet sa lofis poudir sityasyon lavi in ogmante. E keksoz in vin pli ser. E in aranz son lofis byen. Zis petet VP i donn nou en klarifikasyon. Mersi.

MR DEPUTY SPEAKER

Panel, larepons?

VICE-PRESIDENT AHMED AFIF

Mersi bokou Mr Chair. Mr Chair, Biro *First Lady* i tonm konman en program anba *President's Office*. E i annan en total ki zot in vwar dan Bidze.

E sa se senpleman pou mentenir en biro en *First Lady* pou fer sir poudir i reprezant pei. I al bann fonksyon kot i montre ki mannyer nou, nou *care* pour nou dimoun dan bann diferan fonksyon ki en *First Lady* i fer. Dan nenport ki pei sa i arive. E se sa ki nou fer.

Napa naryen ladan ki ekstravagan. Napa naryen ki'n permet li desot Bidze ki'n deza ganny *allocated*. Annefe lontan ti napa ni en Bidze pour sa. Me selman, Biro Prezidan ti pe peye tou sa bann *cost* sa letan.

Me nou, nou fer li transparan. Nou fer li. Donn li en *heading*. Si i annan serten *staff* ki anba la ki ganny peye. Li i pa pran en saler li *First Lady*.

Alor si i annan enn de *staff* zot - annefe zot pa ni pran en saler. Zot pran en *allowance*. Parske bann *staff* ki deza la zot ganny en *allowance* parske zot pe ed li.

So, ankor pour nou redwir kou. E bann lezot pti keksoz ki annan pou fer avek Program *First Lady*. Mon a permet PS a donn zot en pe detay. Napa naryen ekstravagan dan sa ki i fer.

Mon krwar tou sa bann keksoz kot i ale. Kot i resevwar bann vye dimoun, oubyen al bann landrwa kot bann zenn, i montre poudir nou *care* pour nou dimoun. Nou anvi montre zot, nou anvi montre sa konpasyon. E se sa ki en Biro en *First Lady* toultan i fer dan nenport ki pei.

E sa i montre poudir nou anvi annan sa standar. Nou anvi montre poudir nou en pei ki krwar dan sa bann valer. E mon pa konnen si zot, zot krwar sa i mal. Mwan mon

krwar i byen mon. Nou pa pe depans bokou larzan.

Bidze Prezidan son – *the office* i redwir li menm li. I pe redwir kou, selman nou pe fer bokou plis. Akoz sa i vin en problem? Selman avek ou permisyon Mr Chair, mon a demann PS pou donn larestan ki enkli lo elektrisite ek delo.

MR DEPUTY SPEAKER

Manmzel Dogley?

PS THEREZA DOGLEY

Mersi Mr Chair. Pour elektrisite ou pou war ki in – i ti monte sa lannen avek konsonmasyon ki ti annan son kantite ki’n ganny servi.

Me selman ou pou war ki pour lot lannen nou’n bidzete. I pa en *increase*. En *decrease* ladan. E nou’n baz li ki nou’n pran kont ki i annan i bezwen annan en rediksyon avek lo elektrisite ek delo. Mersi.

MR DEPUTY SPEAKER

Mersi Manmzel Dogley. Mon ava pas laparol aprezan avek Onorab Pillay.

HON SEBASTIEN PILLAY

Mersi Mr Chairman. Bonzour tou dimoun. Bonzour *panel*. Mr Chairman, mon pe demann sa keston akòz sa i bann keston ki bann dimoun pe anvoy nou deor, pe demande. Sirtou la mon’n ganny en keston sorti kot pa mwens ki

4 garaz. So, mon le al lo sa size avan. Ou’n dir 2 pwen. So sa i mon premye pwen.

Mr Chairman, pour sa 4 operater in en sok pour zot aprann ki *State House* pe *maintain* en garaz. Kot par le pase in toultan leka ki zot *outsource* sa bann servis kot bann *service provider*.

E sa Bidze – sa Bidze i ti R5 pwen ekek milyon lannen pase. La 4milyon. E nou’n ganny dir *procurement* i ganny fer *in-house*. Tou keksoz i ganny fer *in-house*. Se sa ki ou’n dir an piblik.

Now, ou’n deza dan Gouvernman konman en PS. Ou’n deza dil ek Bidze *State House*. Ou’n deza aste *whatever* ki *State House* in bezwen e ou’n defann tou sa Bidze avan.

Apre ou’n vini la ou, ou’n blanm tou sa Bidze ki ou ou’n defann, ou’n dir pa ti bon. E sa ki ou pe fer ozordi i pli bon. Akòz ou ki ti PS sa letan ler *State House* ti ganny son Bidze.

Ozordi ou vin ek en Bidze kot ou pe donn 5.4 milyon pour en garaz *State House*, e ou le ankoler ler i demann ou keston lo la. So, mon keston pour ou se, lekel ki egzers prosedir kontrol lo *procurement* an sa ki konsern sa garaz?

Akòz, mon pa tro satisfè ek larepons ki mon’n gannye

lo *lift*. Mon'n ganny dir poudir *lift* i kot *SIA*. En lot proze ki pa'n materyalize akòz *staff* i *overworked*. E parey *staff* ti anvoy mwan kestyon pou demande lo *overtime* yer, ki ti ganny konfirman par *PS*. Ki mannyer mon pou konnen i annan problem *overtime*? Se *staff* ki pe dir.

So, ankor enn fwa i montre poudir lekel ki pe kontrol *procurement* pour sa Bidze 5. ekek milyon an relasyon avek sa sityasyon garaz, pour benefis bann dimoun ki pe ekoute la deor ki santi poudir i annan serten labi ki pe arive. Ou reasir zot si napa labi. Zot a ekout ou larepons. Zot a ekout mon kestyon. Zot a fer zot desizyon lo lekel ki pe koz swa laverite, oubyen ki pe dir sa ki pa korek.

Dezyenmman Mr Chairman, ou'n dir 2 pwen. Mon dezyenm pwen, mon pou retourn lo sa size *travel*. E sa ki Lepep mon'n resevwar depi yer swar Mr Chairman, pa mwens ki 10 mesaz ki'n dir demande lo sa size *travel* Prezidan.

Now, dan lepase ou'n vini ou'n dir pou dir bann Prezidan avan ti *travel* pa ti anmenn naryen. Me ou'n *still* defann Bidze ki ou ti donn zot dan Lasanble. Ou'n defann sa Bidze devan bann politisyen, akòz ou byensir ou ti form

parti sa Gouvernman. Ou ti annan pozisyon tre eleve e ou'n benefisye atraver sa Gouvernman dan lepase. E ozordi ou pe benefisye anba atraver nouvo Gouvernman. Ou siport sa lot Gouvernman.

So, mon kestyon pour ou. Mwan mon dan Lopozisyon. Ou, ou a reponn ki mannyer ou anvi reponn, se ki bann dimoun la deor pa santi poudir sa bann *travel* ki Prezidan pe *travel*, i pe anmenn en benefis tanzib pour pei, akòz i annan bokou keksoz ki i dir pou arive pou fer e pa arive.

Alors, eski Minister Finans i *conduct* okenn rev, oubyen eski Minister Finans i a pare pou met a dispozisyon piblik bann lenformasyon lo tou sa bann *travel*? Lo konbyen in koute? Lo konbyen sa bann per *diem* in arive? Lo konbyen sa bann lotel 5 *star* in arive?

Pour ki tou dimoun i ava kapab war ki sa bann depans i ganny fer dan en fason transparan; dan en fason ouver. E ki tou dimoun i a konnen egzaktman ki pe pase Mr Chairman. Mersi bokou.

MR DEPUTY SPEAKER

Mersi. I annan 2 pwen lo garaz avek *travel*. Mon konnen nou'n koz bokou lo *travel*. Me *VP*, eski ou kapab donn en klarite final lo la silvouple? Mersi.

VICE-PRESIDENT AHMED AFIF

Mersi bokou Mr Chair. Mr Chair, i paret size garaz, *maintenance* avek travel i fatig zot. Akoz? Tou lede nou *manage* nou Bidze. Tou lede nou annan benefis. E sak fwa i annan benefis, zot kriye, zot irle.

Be mwan mon pou dir ou egzakteman sa ki mon'n dir, nou, nou annan en Bidze *maintenance*. Nou swiv tou regilasyon finansyel ki annan pou fer. Nou bi prensipal se annan bon transpor. E nou *maintain* zot a en kou pli ekonomik ki annan selon mwayen ki sa Gouvernman i permet nou annan. Se tou ki nou fer nou. Nou swiv tou prosedir.

Si nou bezwen sou kontrakte pou fer en louvraz, nou sou kontrakte. Nou fer *procurement* bann *bidders* ki ganny sa bann *procurement*. Zot ganny kontra pou zot deservi nou. Si nou, nou kapab fer serten keksoz nou menm.

Nou napa en garaz avek 10 mekanisyen ladan nou. Nou annan en marmay ki li i okipe. I fer bann keksoz senp. Ou vini ou a tir en larou ou a met en lot. Ou vini ou tyeke kwa ki annan mal ek en transpor. Ou anvoy kot en garaz ou dir li donn ou en lopinyon.

Ou fer sir ou *manage* sa sistenm *procurement*. Ou annan en landrwa kot ou *store* loto. Ou met li byen pour li pa ganny abimen. Lontan i ti reste deor dan soley konman en loto *standby*. E ler ou vini lera in manz difil ladan.

Alor nou'n met en landrwa ki fermen. Se tou. I annan 2 pti masin ki ou kapab lev li. Si zot anvi apel sa en garaz, konmsi en *full-fledged* garaz ki dimoun i vin fer servis ladan, sa zot, zot anvi dir sa. Be i pa leka.

Zot ankoler aköz nou met en landrwa kouver pour nou met nou transpor ladan. I annan detrwa pti lekipman de baz ki nou kapab vini fer en pti keksoz nou menm.

Tou larestan travay mazer i ganny fer an deor e nou loto i reste dan bann meyer kondisyon posibil. E se sa ki nou, nou pe fer lo nou garaz.

Nou Bidze i ganny *maintained*. Nou napa *car hire* parey lontan. Tou dimoun i kontan. Nou pe *manage* en Bidze dan en fason profesyonnel.

Bann Minis pa pe konplent zot transpor. Bann *Constitutional Appointees* pa pe konplent zot transpor ki zot annan ki sorti kot nou. E mon krwar nou pe fer en bon louvraz. Mon pa konnen aköz

sa i vin en problemn pour zot ler en keksoz i mars byen.

Vwayaz ankor enn fwa; mon'n donn ou sif Onorab. Tou sa bann vwayaz ki nou fer i reste dan Bidze. I mwens ki Bidze ki zot in aprouve. E vwayaz i annan *per diem*. E i annan *airfares*. E i annan *other related cost*. Tou i annan en laliny Bidze.

Onorab i *Chairman FPAC*. Si onorab i santi poudir i annan labi ladan, fer *FPAC* fer lodit. Oditer Zeneral tou le lannen i fer en lodit. Si i annan keksoz mal dan sa ki nou pe fer, i a met dan son rapor. Zot manda se pran rapor Oditer Zeneral, demann kestyon.

I kler poudir zot napa kestyon lo sa Bidze. I kler poudir sa Bidze i montre poudir *President's Office* pe *manage* son Bidze ekstrememan byen. Mon le felisit *PS*, son lekip, Minister Finans ki ed nou. Nou pe fer en bon travay.

E annou kontinyen dan sa laliny. Annou pa rod lipou kot napa lipou. Mersi bokou Mr Chair.

MR DEPUTY SPEAKER

Mersi *VP. Point of order* Onorab *LGB?*

HON BERNARD GEORGES

Point of order Mr Chair, anba *Order 36(c)*. *36(1)(c)*. Onorab *Leader* Lopozisyon, in fer en

statement ki mon pe demann li *substantiate* ki in ganny plis ki 10 *email* – 10 mesaz depi yer swar lo vwayaz Prezidan.

Mon nimerò telefonn 2525115. Anvoy mwan la, la, la konman nou pe koze sa 10 mesaz ki in resevwar...

(APPLAUSE)

HON BERNARD GEORGES

...pour nou *substantiate*. Mersi.

MR DEPUTY SPEAKER

Mersi Onorab. I kler - *the Order is ok* ki in *quote* – Onorab Pillay? *Order 39*. Wi?

HON SEBASTIEN PILLAY

Mersi Mr *Chairman*. Mr *Chairman*, mon le fer en leksplikasyon la e pou fer kler pour mwan koleg lo lot kote latab, ki mwan mon napa okenn kestyon pou reponn avek li.

Si li i pran kontak avek piblik, sa i son problemn pour li. E mon pa pou donn li okenn nimerò telefonn oubyen let ki dimoun i ekrir parey i fer, pour li anvoy pour Minis pou al viktimiz travayer servis piblik ki ler enn i raport zot. Parey zot ti fer ek sa 3 gard ki ti zour Minis.

So, mwan mon pa pe al fer okenn dimoun ganny problemn. Be selman si li i le war sa bann nimerò telefonn.

Vin dan mon lofis taler mon ava montre li. E mon a montre li ki mannyer en *Leader* dan Lasanble i travay. Mersi Mr Chairman.

MR DEPUTY SPEAKER

Mersi Onorab. Mon ti ava envit bann Manm Onorab, silvouple pou regard zot *Standing Orders*. Pa akòz nou zis kriy *Standing Orders*. Piblik deor pa konnen ki nou pe sa.

Onorab in demann en *personal explanation. Personal explanation you get it prior leave of the Speaker*. E normalman i en *text agreed between the Speaker and the mover of the explanation*. E ou pa kapab *depart from text* ki'n *approve by the Speaker*. In servi sa detrwa segonn kot in ganny en *mic* pour li *attack*.

Look, nou *Standing Orders is our Bible*. Nou ki bezwen prezerv li. Parey Konstitisyon pei ki nou koz lo la labous plen. Si nou menm nou, nou pa prezerv dinyite nou *Standing Orders*, nou pou kas sa kales. E nou Lasanble pou al dan nenport ki direksyon. So, mon pe demann...

(Interruption)

MR DEPUTY SPEAKER

Onorab, mon pa kapab konpran ki mannyer ou annan en *matter of privilege when you*

were not part of this. Ki mannyer ou privez in kapab ganny afekte *now and then? Seriously? Ok*.

(Interruption)

HON WALLACE COSGROW

Mr Chair, baze lo sa ki ou ou'n dir mon privez in ganny afekte.

MR DEPUTY SPEAKER

I 9 er 59. Nou sipoze fini sa *heading* 10 er. Mon pou fini li la mwan. I annan 3 Manm ki ti'n demande ankor pou demann kestyon. Enn lo kote *LDS*. 2 lo kote *US*.

HON WALLACE COSGROW

Mon kapab ganny en *matter of privilege?*

MR DEPUTY SPEAKER

Donk, mon krwar...

HON WALLACE COSGROW

Mr Chair, mon a ganny en *matter of privilege?*

MR DEPUTY SPEAKER

Mon krwar *the subject* in byen – sa *heading* in byen ganny reponn.

HON WALLACE COSGROW

Mon a ganny en *matter of privilege?*

MR DEPUTY SPEAKER

Kestyon letan. Bann Manm ki zot kestyon pa'n ganny monte la. Si zot lev zot lanmen lo *headings* ki pou prosen, mon promet zot mon pou donn zot priyorite pou demann kestyon. Donk...

HON WALLACE COSGROW

Mr Chair? Mr Chair, mon a ganny en *matter of privilege please?* Mon kapab ganny en *matter of privilege?* Mon a donn ou – aköz sa ki ou'n dir in afekte mon privelez Mr Chair.

(Interruption)

MR DEPUTY SPEAKER

Silvouple, Onorab - Be prezan, ou mikro ti *on*. Ou pa kapab...

HON WALLACE COSGROW

Wi be mon'n peze in vin *on*.

MR DEPUTY SPEAKER

Proceed.

HON WALLACE COSGROW

Mr Chair, mon *matter of privilege*. Ou pe demann Manm Lasanble Nasyonal pou konn zot *Standing Orders*. Mr Chair, nou anvi konn nou *Standing Orders 100percent*. Me ou konman Chairman *Standing Orders*, ki ou pe fer pou ed nou konn nou *Standing Orders?*

(Interruption)

HON WALLACE COSGROW

So, mon pe enplor ou pou ed nou konn nou *Standing Orders* konman Chairman. Aköz ni en *meeting* ou pa ankor fer avek *Standing Orders Committee*. Mersi.

MR DEPUTY SPEAKER

Mersi. Mon pe envit *Caucus US* taler midi edmi anler dan *Committee Room 3*. Mon pou koz avek zot lo *Standing Orders*.

(Interruption)

MR DEPUTY SPEAKER

Midi edmi, *Caucus US* dan *Committee Room 3* anler. Mersi.

Donk in ariv ler aprezan pour nou pran en vot. Pour nou pran en vot lo *The Office of the President* trouve lo paz 5 a 11 pour en sonm R68 milyon 383 mil. Mon demann tou bann Manm ki an faver pou endike silvouple? Mersi. Okenn Manm ki kont? Mersi.

Vot lo *The Office of The President* pour en sonm R68 milyon 383 mil. I annan 16 Manm ki'n vot an faver. 10 Manm in *abstain*. Okenn Manm pa'n vot kont. Donk sa vot in pase.

Mon ava remersi bann zofisye ki sorti kot Lofis Prezidan. Sa ti enkli PS Dogley

avek *Financial Controller* Mr William. E osi Ms Bonne ki *Director General Human Resources, Budget Management & Administration* ki'n zwenn nou ozordi bomaten.

Nou ava permet zot fer zot depar e nou pou sanz *panel*. So, mon ava dir *Hansard Reporter* pou kriy lot *panellist* ki pe zwenn nou ozordi bomaten. Mersi. *Bonne journée*.

THE ATTORNEY GENERAL'S CHAMBER

MR DEPUTY SPEAKER

Bonzour. Mon ava dir byenveni bann dimoun ki fek zwenn nou. *Panel* ki fek zwenn nou i sorti kot *The Attorney General's Chamber*. Zot pou la ziska 10 er edmi. E VP – Vis-Prezidan Ahmed Afif i ankor avek nou.

Bann zofisye ki'n zwenn nou i annan en diferans avek sa ki lo mon papye. Be solman mon swete ki mon bann non – *Ok, this is the updated list*.

Ms Corine Rose ki en *State Counsel*; Ms Donna Nuganhiri *Acting Principal Legal Draftsperson*, Ms Nathanielle Julie ki *Assistant Accountant* e Ms Natasha Jeanne ki *Human Resources Budget Management Officer*. I korek.

Welcome. Mon ava dir *welcome* ankor enn fwa e envit - *point of order?* Yes. *The Order* 8 i koz lo *decorum*.

HON SEBASTIEN PILLAY

8 is the subject of the point of order Mr Chair. Mr Chairman, tou antite ki'n vin la in vin la avek zot *head of the entity*.

Nou annan nou en *new Attorney General* ki fek ganny apwente; ki zot in deside apwent en etranze. E ki prezan pa kapab konparet devan Lasanble Nasyonal pou vin defann son Bidze?

Tou Bidze ki'n ganny defann pour en Atorni Zeneral in ganny defann par sa Atorni Zeneral. Depi dan nou letan ziska la. *Ok?*

(Interruption)

HON SEBASTIEN PILLAY

So, no disrespect to the panel. Mon napa problem ek sa *panel*. Mon krwar zot kapab defann zot Bidze *perfectly*.

Me selman, mon krwar poudir pep Seselwa *deserves the respect of the President's Office* ki zot anvoy *the Attorney General* ki'n ganny aprouve Mr Chairman.

(APPLAUSE)

HON SEBASTIEN PILLAY

So, mon oule zis tyeke anba ou gidans si ou pe aksepte – mon

napa problemm aksepte sa *panel if you say* nou pa pou ganny Atorni Zeneral. Me mon napa problemm avek *State Counsel* mwan. Petet sa manmzel ti devret Atorni Zeneral!

(APPLAUSE)

HON SEBASTIEN PILLAY

Then you should be madam. Mwan mon dakor pour ou vin *Attorney General!*

(Interruption)

HON SEBASTIEN PILLAY

Napa ensilte personn! *Come on!*

MR DEPUTY SPEAKER

Annou pa melanz...

(Interruptions)

MR DEPUTY SPEAKER

Mon'n dir bann Manm bomaten. Fransman en, mon pa pou enterfer. *I will not. I will sit here quietly.* Ler zot deside kalme, nou ava *proceed.*

Now, mwan mon'n ganny enformen poudir Atorni General Mr Vincent Perera pa dan pei. *Now*, pa mon desizyon pou pran.

If the Assembly feels, ok, ki nou bezwen ki Atorni General i oblize prezan, nou dir avek sa *heading* la, nou *postpone.* Mon pa konnen

mwan kan i pe retourn dan pei. Nou sipoze fini Bidze mon krwar Merkredi prosen. Si li i pe retourn apre. *So, I don't know.*

Mwan mon pa kapab pran sa desizyon la. Be mon pe demann *guidance the 2 Leaders' how do* zot – ki mannyer zot anvi *Caucus i proceed?* Zot *Caucus i feel* nou *proceed?* E mon anvi zot lopinyon. Onorab Pillay, ou'n lev ou lanmen?

HON SEBASTIEN PILLAY

Ou konnen, mon vwar ou lesey bomaten pou *get this business done.* E mon respe sa. E aköz *out of respect* pour lapros ki ou pe pran, ou pe montre serten – la pour lemoman ou pe montre serten *fairness.* Mon garanti ou si ou montre menm *fairness* dan lafason ki nou fer, *we won't have a problem.*

So, mon krwar ou anvi nou *proceed.* Ou anvi ki nou *get the business done.* Mon dakor ek ou. Sa de manmzel in ariv la. Zot in *trained.* Zot in ariv sa nivo ki zot in arive. *We have all respect* pour zot kalifikasyon. Me...

(Interruption)

HON SEBASTIEN PILLAY

Me, nou, nou eksprim nou mekontantman ki ti devret Atorni Zeneral ki defann son Bidze. Pa anvoy son bann *staff*

pou defann son Bidze kan li i devret vini *and face the Assembly. And face the public scrutiny.*

So, we will proceed with the ladies here present, and we will give them all the support ki nou kapab donn zot. Zot 2 zenn fiy Seselwa. Mon en papa, mon annan 2 fiy e mon konpran sa tre byen, *struggle* ki zot fer. Mersi Mr Chairman.

(APPLAUSE)

HON SEBASTIEN PILLAY

Me, Avoka Bernard Georges ki'n *train* plizyer avoka Seselwa i devret fer refleksyon lespri li.

(Interruption)

HON SEBASTIEN PILLAY

Akoz li i ti devret pous ek en Atorni Zeneral Seselwa.

(Interruption)

HON SEBASTIEN PILLAY

Sorry Onorab. Eskize. Eskize. Mon a *retract*. Mon a *retract*.

MR DEPUTY SPEAKER

Mersi Onorab. Onorab Georges, osi ou ti'n lev lanmen. Ou annan...?

HON BERNARD GEORGES

Mr Chair, mon pa konpran. Eskiz mwan, mon vreman mon pa konpran ki Lopoziyon

pe sey fer dan sa Lasanble e ki mannyer zot ekspekte ki en zour zot pou retourn o pouvwar dan sa pei lafason ki zot pe fer.

I mean seriously Mr Speaker? Zot lev en problemm aköz AG pa la. Apre zot rezourd zot problemm zot menm, an dizan *let's proceed. What is the point?*

Si Onorab Pillay i bezwen koze, i annan en *Speakers' Corner at Gordon Square*. Les li al laba koze lakantite ki i anvi.

(laughter)

HON BERNARD GEORGES

Nou nou'n vin isi pou travay Mr Speaker. Nou nou'n vin isi pou travay. Nou anvi valoriz bann dimoun ki vin dan nou Lasanble – sel dimoun ki bezwen la se VP.

(Interruption)

HON BERNARD GEORGES

Se VP ki deside Mr Speaker, lekel ki sipoze vin avek li pou reponn en Bidze. Se pa ni mwan. Ni Onorab Pillay. E sertenman pa sa bann Lopoziyon ki la dan Lasanble ozordi.

Se VP ki deside. E si VP i deside ki sa dimoun ki avek li se sa meyer dimoun dan konteks ozordi pou vin reponn sa Bidze, sa Mr Speaker, nou

bezwen aksepte e i sifizan pour nou.

Alor, mon ava dir avek Onorab *Leader* Lopoziyon, se pa li ki pou decide lekel ki pou vin devan Lasanble. Si i annan en dimoun ki pou decide apard Speaker, se mwan e mon *Caucus*. Akoz se nou ki dan mazorite dan sa Lasanble.

Li i kapab anvi sa ki i anvi! I kapab anvi sa ki i anvi. Se nou ki annan mazorite. E Onorab Pillay, se nou ki pou *rule border*. Se pa ou. Alor reste trankil silvouple. Mersi Mr –

(Interruption)

MR DEPUTY SPEAKER

Mersi Onorab. Mon krwar le 2 *Leaders'* in fer le pwen. I reste nou 19 minit pour nou konsider sa *headings*. Mon envit *VP* fer son lentrodiksyon. Mersi.

VICE-PRESIDENT AHMED AFIF

Mersi bokou Mr Speaker. Ankorenn fwa zis mon pou rapel Lasanble ki ti donn lendikasyon ek Lasanble poudir Atorni Zeneral i lo en misyon travay ki ti'n programmen avan. E i pa'n kapab avek nou ozordi.

Mon etonnen pou vwar ki nou pa konn prosedir ki mannyer i apwent en Atorni Zeneral. Nou napa respe pour

sa prosedir ki enkli CAA, ki li ki fer *interview*. Li ki *advertise*. Se li ki selekte bann dimoun ki li i krwar. E se li ki propoze. E tou dimoun, enkli tou Seselwa ti lib pour zot *apply* pour sa pos.

Se li ki fer sa prosesis. Sa prosesis i dan nou Konstitisyon. Nou nou'n swiv tou prosedir e i zis in arive ki ozordi nou'n ganny en rekomandasyon - pa sorti kot Prezidan, sorti kot CAA ki li in *advertise*, in *interview*. In *recruit*, in anvoye.

E nou, nou krwar – nou'n get lo baz merit. Nou pa fer diskriminasyon ant etranze avek Seselwa. E nou'n pran sa dimoun ki zot in rekomande. Se tou. E nou pe travay byen Mr Chairman.

Mr Chairman, lo kote depans Biro Atorni Zeneral nou annan en rediksyon dan Bidze 2025, konpare avek Bidze Revize 2024 pour *Attorney General's Office*. Ti 45.2 an 2024 revize. Me pour 2025, i en Bidze R42.7 milyon. Sa R42.7 milyon i ganny re partisyonnen konm swivan;

Wages and Salaries ki pou pran R21.8 milyon. E answit – pardon - R26.5 milyon. Answit nou annan *Goods and Services* ki R16.2 milyon. E sa 2 sonm ansanm i reprezant en rediksyon lo Bidze Revize - lo Bidze 2025. E reprezant en rediksyon

konpare avek sa ki nou ti annan pour 2024.

Prezan mon a donn en pti pe lo detay. Lo kote saler nou pou vwar en logmantasyon R2.1 milyon. E sa i annefe parey nou'n fer pour *President's Office*, i reflekte logmantasyon ki travayer *Attorney General's Office* pou gannnen apartir Avril lannen prosenn pour 9 mwan. E answit, i pou annan en logmantasyon parey pour bann lannen 26 ek 27.

I annan en logmantasyon R1.4 milyon ki nou pou bezwen pour 2025. E sa i pour bann *recruitment* ki pa'n ganny fer an 2024. Me ki pou bezwen pour 2025. *Goods and Services* par kont in annan en rediksyon par R4.6 milyon. An grand parti i annan pou fer anba *Other Uses of Goods and Services*.

E mon a donn bann detay *Goods and Services* li menm. I annan en bann ki'n ogmant par en pti sonm. I annan en bann ki'n redwir par en pti sonm. Me an gro tousala in redwir.

Wages, Salaries in kind – ti annan en pti logmantasyon lo en *housing allowance*. Zis pour enn, R75 mil. *Office expenses* in desann par R58 mil. *Transportation and travel* in redwir par R207 mil. *Maintenance and repairs* in redwir par R61 mil.

E *Other Uses of Goods and Services*, se la kot nou'n annan serten rediksyon aköz ki nou ti'n met *consultancies* ki pour lemoman in ganny retire anba *Other Uses of Goods and Services* pour 2025. Ki sa ti ganny fer sa letan ki Bidze ti pe ganny planifye.

I annan en logmantasyon par kont dan *Building Rent* R719 mil - *Security* ki R300 mil. E sa esansyelman i annan pou fer avek lefe ki sa biro in bouze e kot *The Link* konmela. E i annan serten laspe sekirite ek *rent* ki zot bezwen – ek sekirite ki zot bezwen pran kont.

Minor capital en pti logmantasyon R159 mil. E sa i annan pou fer avek *IT equipment* ki zot pe rode. I annan 15 *PC* ki pe ganny ranplase – *computer*. E i annan en pe *furniture* R116 mil ki pour *shelving* ki zot bezwen pour dan zot Bidze.

Alor vwala an gro Mr Speaker, Bidze *Attorney General's Office*. I reprezant en rediksyon sorti lo 2024. Mersi bokou.

MR DEPUTY SPEAKER

Mersi VP. Pour bann Manm, i lo paz 19 a 25 pour en sonm R42 milyon 717 mil. Onorab Gill?

HON CHURCHILL GILL

Mersi Mr Chair. Mon keştyon i lo *consultancy*. I annan 2 provizyon pou *local* avek pou *foreign* - i fer R1.4 milyon. Eski zot kapab donn nou detay ki kalite travay ki sa bann *consultancy* pou anvizaze fer? Mersi.

MR DEPUTY SPEAKER

Mersi Onorab.

VICE-PRESIDENT AHMED AFIF

Mersi bokou Mr Chair. Avek ou permisyon mon a permet Ms Rose reponn. Mersi.

MR DEPUTY SPEAKER

Please proceed.

STATE COUNSEL CORINE ROSE

Mersi Mr Chair. Mersi Onorab pou ou keştyon. *So basically*, sa Bidze pou *Consultancy* ki nou'n mete *local and foreign*, sa i bann spesyalite dan lofis li menm li.

Si i annan okenn *area* ki nou santi i mank sa kapasite dan biro pou *handle* serten bann *either case* kriminel, ouswa menm dan *legal drafting*.

Sa i sa larzan ki'n ganny bidzete ki nou kapab servi pou nou rod sa bann *consultant* an deor pou asiste nou dan sa travay ki nou pou fer. Mersi.

MR DEPUTY SPEAKER

Mersi. Nou note ki Onorab Gill in demann en pwen. *Mind you* letan. Nou pe pran *break* 10 er edmi. Lalis ki annan, annou sey *limit* nou lekor lo en pwen pou tou dimoun ganny en sans. Onorab Naidu *your next*.

HON SATHYA NAIDU

Mersi Mr Chair. Bonzour VP ek ou delegasyon. Premyerman nou bezwen klarifye. Dernyen fwa ler Atorni Zeneral Frank Ally pa ti la, Mrs Thompson akote VP ki ti vin prezant Bidze. So, nou'n etabli en presedans dan en serten sans.

An sa ki konsern Biro Atorni Zeneral, Mr Anthony Fernando ti ansyen Atorni Zeneral. I pa fer premye fwa dan listwar Sesel ki nou annan en AG. Annefe, mon dir mersi Mr Vincent Perera pou sa latas ki i pe pran. I en latas ki vreman enportan.

MR DEPUTY SPEAKER

Wi. Wi.

HON SATHYA NAIDU

Ler i konsern saler VP, nou konnen poudir reminerasyon lo kote sekter prive an konparezon avek sa ki bann *State Counsels* i resevwar, i annan en dekalaz. E nou konnen poudir dan *Private Sector* i bokou pli atraktif. E nou konnen poudir nou annan

en gran case log. Back log. Nou'n war sa.

Alors ki travay pe al ganny fer pour lefitir pour nou kapab retenir bann *staff*? Akoz nou war dan *current challenges* zot annan bann difikilte pou kapab retenir *staff*. Pou menm *recruit*. So, *what is the way forward when it comes to the AG's Chamber*? Mersi.

MR DEPUTY SPEAKER

Mersi. En pwen.

VICE-PRESIDENT AHMED AFIF

Mersi bokou Mr Chair. Mr Chair, sa ki mon kapab dir ou se ozordi i annan en tranzisyon ant AG – savedir sa dimoun ki vreman ansarz sa biro. E nou mazin en poudir enn son bann premye latas ki li i pou annan, se fer sir ki dan Biro *Attorney General* zot annan sifizaman resours pour zot kapab desarz zot travay. Savedir, drafte Lalwa, anmenn kot Lasanble. Fer sir i ganny defann. Pas li.

An menm tan zot lot travay se vreman pou ede pou donn konsey avek Gouvernman lo bann Lalwa. E ansyen Atorni Zeneral in deza dir nou. E nouvo i vwar en pe parey ki ozordi kot zot ete zot trouv li parfwa en pe difisil pou delivre baze lo kantite travay ki annan lo sa 2 domenn.

Enn se bann ka legal prosekisyon, eksetera ki zot pe fer. E lot se ekrir Lalwa. Ekrir Lalwa e delivre ek Gouvernman.

Ki zot pe sey fer se, trouv bann dimoun konpetan pou kapab desarz sa bann louvraz. E zot pe fer sa dan lafason ki zot pe revwar bann saler dan zot biro menm. Zot annan en Bidze e sa i vin dan en sans, en keksoz ki kontrol en pe sa ki zot kapab fer.

Byensir si zot ti annan en lanvlop ki pa ti limite, zot ti a rod plis resours. Be mon mazin en sa sityasyon i aplik pour tou Minister. Zot osi zot parey. Zot ganny restrikte avek sa sonm ki Bidze i permet.

Be selman, nouvo Atorni Zeneral in dir nou klerman ki li osi i nouvo. I pe regard en pe volim travay ki annan devan li. Alor nou pare pou donn li en pti gin letan pour li kapab fer sa evalyasyon. Answit i a vin kot nou.

E si nou santi poudir i annan merit e i annan lespas pour nou kapab trouv en pe resours an plis pou donner, nou, nou pare pou nou fer sa. Me pour lemoman, se sa ki nou'n trouve an diskisyon avek Minister Finans ki nou kapab *afford* pour lemoman. E se sa ki nou'n mete.

Aktyelman, si ou get revize pour 2024, i R24.4

milyon pour lo kote *Wages and Salaries*. E Bidze 2025 i R26.5 milyon. Ki en logmantasyon. Byensir i annan sa logmantasyon ki pou vin lannen prosenn.

Me selman otan ki nou, nou kapab, nou pou sey rod lefikasite. Nou pou sey rod resours adisyonnèl, pou donn biro pour li kapab delivre lo son manda. Mersi bokou.

MR DEPUTY SPEAKER

Mersi VP. Mon a donn laparol Onorab Loze.

HON JOHAN LOZE

Mersi Mr Speaker. Mr Speaker, yer nou'n antann ki SIA in servi en gran pousantaz son Bidze pour li *handle* sityasyon le 7 Novanm lannen pase. E la mon le adres Biro Atorni Zeneral, vi ki rapor le 7 Novanm – le 7 Desanm, *sorry*. Le 7 Desanm in vin kot zot. Lensidan CCCL mon pe koz lo la.

Eski zot annan ase provizyon bidzeter zot, pou fer tou travay ki annan pou fer lo sa rapor le 7 Desanm Leksplasyon CCCL, pou anmenn li a en lafen satisfèzan pour tou dimoun *involved*?

Mon dernyen pwen Mr Speaker, Vis-Prezidan Ahmed Afif ti debout akote Prezidan Ramkalawan letan i ti pe konplent ki nou pe apwent tro bokou etranze dan sa pei. La i

pe defann lapwentman etranze. Mersi Mr Speaker.

MR DEPUTY SPEAKER

Panel, larepons?

VICE-PRESIDENT AHMED AFIF

Mersi bokou Mr Speaker. Mr Speaker, mon pe sey rode kote i antre dan Bidze sa 2 keston. Mon pa tro trouve ki paz i lo la. Me selman mon pou –

Mon pou, vi ki in demann en keston, mon ava dir li poudir en lenvestigasyon lo CCCL i ganny fer par lapolis. I ganny anmenn kot *Attorney General*. E ansanm zot desid lo merit. Si i pou annan en merit e ki mannyer sa i ganny fer.

Si i annan resours pour li fer sa - zot annan resours ozordi. Mon krwar si i annan en letan ki ganny pran pour zot fer sa travay, i pa neserman annan pou fer zis ek resours. I annan pou fer ek sa lanket li menm. I annan pou fer ek lenformasyon ki zot, zot bezwen gannnen. E sa i pa neserman relye direktman avek dimoun ki la.

Alor, sa mon larepons pour sa. Mwan mon siport nenport ki mezir ki fer pou kapab fer Gouvernman fonksyonnen, a kondisyon ki dimoun i ganny *recruit* lafason ki neser. Absoliman neser. E nou swiv tou prosedir ki

annan anba Lalwa. Mersi bokou.

MR DEPUTY SPEAKER

Mersi VP. Mon a donn laparol Onorab Vidot.

HON AUDREY VIDOT

Mersi Mr Chairman. Avan mon demann mon kestyon, mon ti a kontan felisit sa group madanm sorti kot *Attorney General* ki la ozordi. Kouraz dan zot travay.

(APPLAUSE)

HON AUDREY VIDOT

Mon kestyon pour Vis-Prezidan. Letan ACCS ti vin prezant son Bidze, zot ti dir ki zot pe pey bann avoka etranze R17 mil atraver – ki *Attorney General's Office* pe pey R17 mil bann avoka pour bann case par zour. R17 mil par zour.

Si ou kapab konfirm sa, swivan repons kestyon ki zot in donn avek Onorab Gill lo size bann *consultancy fee*, si sa ki i pe konfirman poudir zot ki pe peye? Mersi.

MR DEPUTY SPEAKER

Mersi. *Panel* i annan en larepons?

VICE-PRESIDENT AHMED AFIF

Mersi bokou Mr Chair. Mr Chair, mon pou dir ek Onorab ki ACCS i annan son bann

legal fees ki li i peye. E son bann konsiltan ki li i peye. *Attorney General* i annan pour li ki li i peye.

E zot, zot fer sa selon zot Bidze ki zot gannyen. Zot swiv tou prosedir. Zot regard marse konbyen i peye. E zot fer sir ki zot annord avek zot bann prosedir. Se tou ki mon kapab dir ou.

Konbyen en avoka i koute? En avoka etranze vizavi en avoka lokal? Eski ou pe ganny valer pour sa larzan, pour sa kalite servis ki ou pe rode? Se zot ki deside baze lo zot Bidze. E zot fer sa a tou repriz. Zot pa fer sa pour benefis personn. Zot fer sa pour benefis travay ki zot annan. Mersi bokou.

MR DEPUTY SPEAKER

Mersi.

HON AUDREY VIDOT

Klarifikasyon. Savedir VP, sa ki ou pe dir nou la se ki sa ki ACCS in dir nou i pa korek? Zot, zot servi dan zot larzan. E sa ki *Attorney General* pe dir nou la se zot ki rod adisyonnell?

Epi, eski zot annan finansman ki dan sa bann *consultancy fee* ki zot osi pou siport bann case ki ACCS i anmennen? *Thank you.*

VICE-PRESIDENT AHMED AFIF

Sa ki ACCS in dir i korek lo son kote. Lo son kote pour son Bidze. I pa vin defann Bidze *Attorney General* li. I defann son Bidze. E sa ki in dir lo son Bidze mon mazine i korek.

Mwan mon pe vin defann Bidze *Attorney General*. E sa ki mon pe dir ou se sa ki dan Bidze – sa ki'n dan Bidze pour 2024 e sa ki zot in depanse. E tou sa ki zot in depanse zot in swiv tou prosedir normal e i pou parey pour 2025. Mersi bokou.

MR DEPUTY SPEAKER

Mersi VP. Mon pou koup *break time* par 10 minit. So, zot pou ganny zis 20 minit. I reste mwan 5 Manm lo lalis, so en pwen. *Panel* sey donn zot larepons pour mwan pa ganny klarifikasyon ki tou le 5 ki reste i a kapab demann en pwen. Onorab Aglae, *you are next*.

HON EGBERT AGLAE

Mersi Mr Speaker. *Welcome panel AG's Office*. E byensir mon ti a kontan war *the new AG* ki ti ava son premye *interview* ki i ti ava fer dan sa Lasanble. Pour nou konn li. I enportan sa.

Mon kestyon. VP, ou'n dir pou dir Biro Atorni Zeneral i annan – i bezwen trouv resours. Resours en

Gouvernman ki bezwen donn li aköz i pa kapab al rod en lot antite, aköz pou annan kolizyon dan - si zot al rod an deor.

So, baze lo sa nou konnen poudir plizyer travayer Biro Atorni Zeneral, parey bann lezot *legal draftsman* ki antre, zot servi sa Biro Atorni Zeneral as en semen pase apre zot al dan *greener pasture* - leksperyans.

So, ki zot pe fer pour zot kapab retenir sa bann travayer ki antre e osi ki zot kapab ganny en *package* pli konpetitiv parey sekter prive, menm si zot pa kapab *match*? Me selman i a pli konpetitiv ki zot kapab reste dan sa lofis e donn sipor.

Aküz tou le lannen dan zot *challenges* zot napa ase travayer pou travay. Sirtou avek sa kantite *Bill* ki Gouvernman i annan. So, ki zot pe fer pou sey *retain* e aranz *package*? Mersi.

MR DEPUTY SPEAKER

Mersi. *Panel*?

VICE-PRESIDENT AHMED AFIF

Mersi bokou Mr Chair. Mersi bokou Onorab. Onorab, AG's *Office* otan ki i kapab, i rod bann marmay, bann profesyonnel. I annan ki'n fek kit Liniversite pou vin *join* li. E pour zot ganny leksperyans.

E i annan ki answit zot al fer zot *bar* eksetera. Me selman zot vin kot *AG's Office* pour zot ganny leksperyans. I annan en Bidze ki li i bidzete pour sa.

Nou santi poudir nou devret retenir otan dimoun ki nou kapab, bann profesyonnel Seselwa preferableman. E kot nou napa, nou napa en swa. Nou bezwen rod etranze. Si Seselwa pa *apply* pour sa bann pos - si etranze i *apply* louveraz bezwen ganny fer, etranze ki gannyen.

Alor, nou bi se fer sir nou annan en lankadremman ki ankouraz bann ki la deza e bann nouvo ki anvi vini, pour zot zwenn sa profesyon e pour zot reste dan sa profesyon.

I annan en kantite fakter ki detourn e ki kapab enflyans zot desizyon. Zot lapey. Kondisyon travay. Lanvironnman. I annan en kantite keksoz. I pa zis lapey.

E nou otan ki nou kapab ansanm avek *PSB*, aktyelman dan lepok ansyen *AG*, zot ti'n deza konmans en legzersis pour zot trouve ki mannyer zot kapab aranz *scheme* bann profesyonnel pour ki evantyeleman laplipar i reste kot *AG's Office*. Parske, nou bezwen aksepte poudir deor i osi annan en lanvironnman ki ase atiran pour bann profesyonnel ale.

Alor nou bezwen balanse aköz dan sa sekter i annan benefis e i annan serten lavantaz depan lo kot ou ete. I annan serten landrwa i pey en pti pe pli byen. Kekfwa i annan lezot benefis serten landrwa.

Be alors sa legzersis pa'n konplet li. Be selman avek nouvo Atorni Zeneral ansanm ek li, e Minister Finans ek *PSB*, zot pe kontinyelman regard sa sityasyon. E nou vizyon se ki nou retenir otan Seselwa ki nou kapab pou al dan sa metye e pou kapab deservi Biro Atorni Zeneral. Mersi.

MR DEPUTY SPEAKER

Mersi. Mon ava donn laparol Onorab Pillay.

HON SEBASTIEN PILLAY

Mersi Mr Chair. Mr Chairman, Bidze *ACCS* an sa ki konserne *legal fees* pour bann *staff* Biro Atorni Zeneral ki petet zot pa konnen - mon pou *share* sa avek zot.

Son Bidze lannen pase ti 19.8 milyon pour son *legal fees*, sa lannen i 16 milyon. Pour *consultancy fees* i ganny 25.3 milyon lannen pase. Sa lannen in ganny 8.7 milyon. Savedir o total lo *consultancy fee* ek *legal fees* in depans 150 milyon lo avoka etranze pour son 3 *case* ki i annan. La mon pe fer zot konpran sa.

Prezan zot Atorni Zeneral zot pour zot, zot anba

prosecution, mitigation, and notarial services kot zot, zot fer tou *case* Gouvernman. Tou *case* kriminel. 100 ekek *case*. Zot Bidze i zis 14 milyon. Sa Gouvernman pli kontan etranze ki zot. Sa Gouvernman pli kontan etranze ki zot!

(APPLAUSE)

HON SEBASTIEN PILLAY

Akoz sa Gouvernman i pare pou pey en avoka etranze R17 mil par zour konfirman par Chairman - Komisyoner ACCS, ki tonm pre R500 ekek mil par mwan. Par zour. Par mwan.

R17 mil par zour. R500 mil par mwan, konparab avek sa ki zot pe pey en avoka Seselwa anba R15 milyon en Bidze total pour sa servis prosekutoryal kot Atorni Zeneral Mr Speaker.

Sa Gouvernman pli kontan etranze. Sanmenm in apwent en Atorni Zeneral etranze pour ki i pa koze e i pa dir. Alors kestyon ki mon annan pour Vis-Prezidan Mr Chairman.

Ou'n dir dan lepase – e pa rod mwan CAA - ou ti dir ki nou annan dimoun kalifye. Dimoun ki'n *trained*, ki kapab vin Atorni Zeneral; ki kapab ansarz Biro Statistik; ki kapab ansarz SRC. Ou, ou ti dir. Ou prop parol dan en *pick-up* o bor Prezidan Ramkalawan.

Ozordi ou vire ou dir nou en lot keksoz. E ou Prezidan ti konfirm sa dan sa menm *pick-up*. Maldive anler pres kot ou. Nou ava donn ou *video*. Nou a montre ou *video*.

Mr Chairman, kestyon ki mon annan pour Vis-Prezidan, eski zot pou pare - lefe ki Atorni Zeneral i fer sa kantite *case* - sa bann marmay i annan sa kantite travay lo zot, eski ou pou pare pour ou al re regard sa *scheme of service* ki'n konplete, ki travay lo la ti'n preski fini fer e ki ti'n ganny prezante ek zot e ki zot pa pe onor sa *scheme*? Zot pe prefere pey en bann avoka etranze R17 mil par zour, par rapor. Pey sa bann avoka Seselwa preski naryen ditou pour tou sa travay ki zot fer.

Eski sa Gouvernman i pare pou revwar son desizyon e donn plis resours Biro Atorni Zeneral, sirtou nou bann zenn avoka Seselwa, pou zot fer zot louvraz, dan plas apwent avoka etranze e pe si ou le, promot etranze dan nou pei Mr Chairman? Mersi.

MR DEPUTY SPEAKER

Mersi Onorab. Avan mon donn laparol *panel*. Koman en lenstitisyon enportan dan nou pei, mon krwar i enportan ki nou pa *mislead* nou piblik.

Letan i annan en pozisyon i *advertise*, dimoun i bezwen *apply*. Par egzanp la

an se moman ki nou pe koze, pozisyon *CEO IDC* in *advertise*. Si okenn Seselwa pa *apply*, me i annan en etranze kalifye ki *apply*. Demen sa etranze i ganny apwente. Nou pa kapab servi Lasanble e akiz Gouvernman i kontan etranze ouswa non.

Mon bezwen dir sa akòz *this is* en fe. E nou konman en lenstitisyon ler nou al dan distrik kot nou'n ganny elekte, nou bezwen ankouraz nou Seselwa ki kalifye pou *step forward* e pran sa bann pozisyon. Se tou ki nou bezwen fer.

Nou bezwen ankouraz nou bann Seselwa, ki zot isi, ki zot aletranz, pou dir zot annan en devwar anver nou pei pour nou pran sa bann pozisyon. E si nou pa fer, malerezman pei pa pou marse.

Se tou ki mon bezwen dir akòz mon krwar nou pa kapab *mislead* piblik Seselwa lo sa bann lapwentman. Onorab Georges, mon ti'n war ou lanmen anler.

HON BERNARD GEORGES

Yes, Mr Chair. Mon bezwen *raise* ankò en lot *point of order* akòz – mon bezwen *raise* en lot *point of order* Mr Speaker.

E Mr Chair, mon pou kontinyen fer li akòz tan ki Onorab *Leader* Lopozisyon pou kontinyen *breach the Standing Orders of this House*,

mon pou kontinyen *raise a point of order*.

36(1)(d) “A question shall not contain arguments, inferences, opinions, imputations, epithets”. In fer tousala dan sa kestyon ki in demande!

I pan demann en kestyon. In fer en *statement* apre lot pou denigre Biro Atorni Zeneral. Pou denigre ACCS. E solman, li ki Chairman *FPAC*. Li ki *Leader* swadizan dan sa Lasanble, e li ki sipoze pe donn bon legzanp pe swiv *Standing Orders*, li menm li i pe kase.

Mr Speaker, sa pe vin danzere. E mon alert ou konman ou dan Chair ozordi ki nou pa pou aksepte ki nou *Standing Orders* i kontinyen ganny *breached* par Lopozisyon. E sirtou par zot *Leader*, san ki nou pou pran en desizyon. Mersi.

MR DEPUTY SPEAKER

Mersi Onorab. Ou pwen i note. Mon retourn lo lefet ki mon'n dir taler; nou, nou bezwen atantif avek nou *Standing Orders*.

E par egzanp mon ti'n dir poudir nou ava donn otan Manm loportinite fer en pwen e ki mon pou koup *tea break* by 10 minit. *I intend to do this*. Savedir Manm ki perdi laparol akòz nou pa fer le pwen, zis pou demann en kestyon parey

Onorab Gill ti fer. Premye dimoun ki ti koze. En pwen, *straight*.

Panel, eski konsiderasyon revwar *package* bann zofisye AG i en konsiderasyon pour Gouvernman? *That was his question.* Mersi.

VICE-PRESIDENT AHMED AFIF

Mersi bokou Mr Chair. Wi, mon pa konnen si Onorab pa ekoute. Mon'n dir ler mon'n reponn Onorab Aglae e lezot Manm poudir wi, nou atantiv avek bezwen tou nou bann profesyonnèl. Nou pou fer tou sa ki nou kapab. Mon pa la pour mwan defann Bidze ACCS.

Me sa ki mon konnen, si larzan pa ti disparet dan zot letan par plis ki santenn de milyon Dolar, ozordi nou pa ti pou la pe pey 10 milyon, 15 milyon pou al rode kot i ete. Alors, si zot pe konplent ozordi nou bezwen depanse pou al rod larzan, se akòz larzan in perdi. I osi senp ki sa.

Si anba zot *management* larzan pa ti perdi e zot ti dir zot pou al rode, zanmen zot in rode. Nou nou'n al rode. E i koute pou rode. E ler ou bezwen rode, vwala.

(Interruption)

VICE-PRESIDENT AHMED AFIF

Be nou, nou enterese ki larzan i ganny mete pou fer sir ki nou anmenn en *closure* ek sa bann ka. E ki larzan pep Seselwa i retourn kot li. Mersi bokou.

MR DEPUTY SPEAKER

Mersi. Nou a ganny letan pour en dernyen pwen. Onorab Hoareau.

HON JOHN HOAREAU

Mersi Mr Chair. Mr Chair, mon kestyon i baze en pti pe lo si Biro Atorni *General* i santi ki zot pe kapab annan lespas fiskal pour zot kapab anmenn serten travay avek lapolis?

Dan le sans ki souvandfwa ou war bann prosekisyon ki ganny anmennen. Apre nou war ki bann ka i ganny retire. Par egzanp enn ki ti anmennen ki ti annan 87 ka. E zis 3 *charges* ki ti ganny *pressed at the end of the day* pour prosekisyon.

So, mon pe demande si zot annan lespas pou fer en travay avek lapolis, pour ki zot anmenn bann ka ki solid Ankour e zot ganny sa rezilta ki zot pe ekspekte? Mersi.

MR DEPUTY SPEAKER

Mersi. *Panel?*

VICE-PRESIDENT AHMED AFIF

Wi Mr Speaker, definitivman mon konpran sa ki Onorab pe dir. E i annan lespas ozordi. I annan en nouvo Atorni Zeneral. I pe regard tou bann sityasyon.

Kot i ete? Konbyen ka i annan? Ki resours ki pe ganny mete pou fer sir ki bann ka ki ariv devan Lakour, bann ka ki solid. Ki'n byen ganny kalkile. E kot lazistis i ganny fer. Se sa ki nou enterese.

E wi, nou annan resours. Byensir resours i baze lo Bidze ki zot, zot aprouve. E nou pou fer tou sa ki nou kapab pour nou fer sir ki amelyor kalite travay ki ariv devan Lakour. Mersi bokou.

MR DEPUTY SPEAKER

Mersi *panel*. Nou'n ariv la moman pour nou pran nou *break*. E nou pou rezwenn 11 er. Letan nou rezwenn 11 er, lot antite ki pe vini se *Registration Office*. E apre nou pou pran vot sa 2 antite ansanm. Donk, nou pou *adjourn* la e nou rebran 11 er.

(BREAK)

REGISTRATION DIVISION

MR DEPUTY SPEAKER

Bonzour tou Manm Onorab. *Welcome back* tou dimoun. Nou pou kontinyen dan Staz

Komite pour *Appropriation Bill*, 2025.

E ozordi bann antite ki nou pe konsider zot Bidze i sorti anba Lofis Prezidan. E 3enm pour ozordi i *Registration Division*. Sa *heading* nou pou pran bann kestyon ziska midi.

E zis pou note, mon'n apersewar ki program ozordi en pe diferan. So letan nou pou *adjourn* midi, nou sipoze rebran 1er edmi olye 2 er. So, i kler sa pour tou bann Manm? Akoz bann antite i annan en pe ankor pou vini apre midi.

So, mon swete ki nou'n kapab pran en tas dite. Nou'n kalme en pti pe. E nou kapab fer mye zer nou letan pandan sa erdtan ki devan nou. Mon ava envit VP pour lentrodiksyon *heading* silvouple.

VICE-PRESIDENT AHMED AFIF

Mersi bokou Mr Chairman. Mr Chairman, i en plezir pour mwan prezant Bidze *Registration Division* pour 2025.

Son Bidze aktyelman i reprezant en rediksyon lo Bidze Revize *Registration Division* pour 2024 ki ti 26 – R20.7 milyon. Me pour 2025 son Bidze i R20.4 milyon. Alor, en rediksyon.

Sa R20.4 milyon i re partisyonnen konm swivan; R15.6 milyon ki pour lapey travayer. E R4.9 milyon ki pour *Other Goods and Services*. Alor, son Bidze i preski parey lannen pase. E mon a donn en pe bann detay lo bann sanzman ki'n annan.

Premyerman, anba *Wages and Salaries* i annan en pti logmantasyon R1.7 milyon. E parey sa bann Bidze presedan i annan pou fer avek 3 nouvo pos dan sa ka, an plis revi saler ki pou pran lefe Avril lannen prosenn.

Sa 3 nouvo pos se, i annan 2 *compliance officers* avek en *assistant compliance officer*. E sa an tou pou pran R695 mil. Logmantasyon pour saler dan zot divizyon i R320 mil pour 9 mwan.

E answit, ti annan serten depans ki zot pa'n fer sa lannen anvi zot pa'n kapab *recruit*. E sa pou ganny fer lannen prosenn. Ti R542 mil. E sa i reprezant alor sa logmantasyon dan *Wages and Salaries*.

Goods and Services i annan en rediksyon par rapor avek lannen pase. E sa rediksyon i R2 milyon. E sa R2 milyon an *grand* parti i sorti anba *Other Uses of Goods and Services*. Kot zot in reisir konplet serten proze ki annan pou fer avek *scanning* sirtou, e *digitalization* ki zot in kapab

reisir fer en gran bout sa lannen. Ki alor i redwir pour lannen prosenn.

Minor capital i annan en pti rediksyon R110 mil. E sa se parske zot in reisir aste zot bann lekipman sa lannen. *Non-Financial Assets* oubyen Bidze Kapital i zero e zot ti napa.

Alor vwala, en Bidze ki'n redwir en pti morso. Napa gran keksoz ki'n sanze o pret lannen pase dan Bidze li menm. Mersi bokou Mr Chair.

MR DEPUTY SPEAKER

Mersi Vis-Prezidan. Donk, pour lenformasyon Lasanble, Bidze pour *Registration Division* son bann detay i lo paz 26 a 31 pour en sonm R20 milyon 448 mil.

E mon ava osi *acknowledge e welcome panel* ki fek zwenn Vis-Prezidan bomaten; *Registrar General* Ms Wendy Zialor, I annan Ms Saalimah Yusuf ki *Administrative Officer*. Apre i annan Mr Keven Morel ki *Senior Accountant*.

Donk, *welcome*. Lasal i ouver pour bann entervansyon. Premye lo lalis i Onorab Labrosse.

HON RICHARD LABROSSE

Ok. Mersi Mr Speaker. Vis-Prezidan, bonzour avek ou delegasyon. E mon ti a kontan osi dir bonzour tou mon bann

koleg ek tou dimoun ki a lekout.

Mr Speaker, ler mon pe al vot pour Bidze Rezistrar, mon ti a kontan ganny sa bann leklersisman swivan avan mon vote;

Premyerman, mon ti a kontan konnen Vis-prezidan ki si dan sa Bidze ki nou pe al vote pour 2025 la, eski i pou annan osi bann travay ki pou ganny fer kot Rezistrar?

Sirtou ki dan mon distrik sirtou nou pe ganny bann konplent sirtou lo bann dokiman ki ganny anrezistre. Parey dokiman later i enn. E bann lezot ankor ki vin avek.

Mon dezyenm ki mon pou demande dan Bidze ozordi osi Mr Speaker, ler nou pe koz lo *digital* ozordi, nou pe koz lo pou avans li en pti pe pli pre, tou keksoz konmela pe al lo sa laliny.

Mon ti a kontan konnen osi dan sa Bidze ki nou pe al vote Mr Speaker, si i annan osi bann laliny osi ki'n mete ki pou fer ki sa biro li menm li i vin en pti pe pli nimerik, kot dan plas dimoun desann, ouswa ki fer son bann servis vin en pti pe pli vit, pli fasil osi? Mersi Mr Speaker.

MR DEPUTY SPEAKER

Mersi Onorab. Mon ava envit *panel* pour larepons.

VICE-PRESIDENT AHMED AFIF

Mersi bokou Mr Chair. Mersi Onorab. Onorab, mon kapab konfirm avek ou poudir nou, nou pe fer tou sa ki nou kapab pour nou al pli vit anver en sistenm nimerik, enkli peyman.

Byensir ou parfwa ganny bann problemn teknik dan lenplimantasyon. E resours ki mete pou enplimant li, pou *design* li. Pou enplimant li. Pou *scan* par egzamp e met an plas bann sistenm. Zot pe travay konman *Registration Division* an etrwat kolaborasyon avek *DICT*.

E Minister Finans osi, parske i annan peyman ki annan pou fer ek sistenm finans. E nou pe fer tou sa ki nou kapab. Me petet avek ou permisyon, mon a les *the Registrar General* li menm kapab donn en pti pe plis detay lo ki egzakteman zot pe fer dan sa domenn. Mersi.

MR DEPUTY SPEAKER

Mersi VP. *Registrar General*?

REGISTRAR GENERAL WENDY ZIALOR

Thank you, Mr Chair. Bonzour à tous Manm Onorab. Ok, zis pou par egzamp pou azout lo sa ki VP in dir. Parey dan nou... i mete, enn nou bann challenge se processing time for – espesyalman when it comes to

land documents. Sa nou enn ki nou rekonnet.

E lannen pase nou ti fer nou en konplet odit *of* nou biro. Espesyalman nou ti target bann lo kote *Land Registration*. E nou'n nobou idantifye bann *area* ki nou vwar ki prezant nou bann defi.

Par konsekans sa, nou'n fer serten restriktirasyon. E sa i tous par egzanp *review* bann *processes*. Osi i annan serten *staff* ki nou'n bouze baze lo zot konpetans.

Aprè osi i annan sa proze *Scanning* ki par egzanp ki *VP* in mete dan son lentrodiksyon. Espesyalman nou ti konmans avek later e li i lo son bann faz pou konplete. Sey fer li pli fasil pour nou *access* bann rikord pour nou kapab *process* bann dokimantasyon.

So, aprè nou annan nou bann *SOPs*. I enportan ki – ou konnen, dan sa ki nou fer nou vwar poudir dan le pase kekfwa in annan en pti pe mankman *accountability*.

So atraver nou bann *SOPs* ki nou'n revwar, nou'n met an plas, ki la prezan nou dir pou dir, par egzanp pour ou dil avek – pour ou anrezistre en dokiman later, ou sipoze pe fer li *within 30 days*. *Ok?*

E mon pou pran loportinite pour mwan dir, si mon pe pronons lo la, i

enportan ki osi nou dimoun deor i konpran sa. E ki zot *hold* nou dimoun *internally accountable*. E nou *try not to cut corners*.

Akoz sa i en *challenge*, ou konnen, ou met prosedir an plas. Me selman ou vwar *left, right, centre* dimoun pe *call* entel pe dir “annou fer sa pase, fer sa pase”.

So nou'n atraver nou en fonksyon ki nou'n entrodwir la se ki nou - en lofis *Customer Service*. So atraver lentrodiksyon sa fonksyon *pretty much* nou pe dir avek kliyan, avek avoka zot pa sipoze pe kontakte nou bann zofisye lanrezistremman ki pe travay *on the floor* pou *distract* zot. Pou met presyon lo zot.

This would be the channel. Koumsa konplent i ganny – aköz ou konnen, nou tande i annan konplent. I annan konplent. I annan konplent. Me selman sa pa ganny rikorde. *Ok*, i enportan ki nou annan *statistics* pou gete kote nou ete e kote nou pe arive.

So, sa i en keksoz ki mon'n met bokou lanfaz *internally*, fodre nou rikord sa bann konplent. Aköz annandler nou vwar i annan dimoun pe konplent zot le dokiman, selman nou vwar i annan detrwa. *Ok?*

So sa i pou ede osi pou *hold* nou *accountable*. E ki

dimoun osi i bezwen respekté osi nou bann prosedir ki nou met an plas. E i annan avoka. Zot pey en avoka pour zot dokiman. Al kot sa avoka. Met sa presyon lo sa avoka pou delivre.

So sa nou pou vin avek sa e zot pou vwar Mr Chair, nou'n konmanse. Par egzanp demen la nou pe zwenn avek en group zofisye dan Gouvènmman.

Akoz, ou konnen bokou lenstans nou fer bann *awareness* avek nou – ek bann *external stakeholders* pou pas lenformasyon. Be selman annandler nou pa fer antre non. *Ok?* E nou vwar *sometimes* i annan en bann pti mank konsiltasyon, kordinasyon, kominikasyon.

So demen nou pe konmanse avek en group bann zofisye Gouvènmman ki travay avek nou. Koumsa nou met an plas, nou *share* avek zot nou bann prosedir. E zot osi zot dir bann kontrent ki zot gannnen ek nou. Ki nou travay ansanm. I bezwen konmans ek nou dan Gouvènmman.

And then nou pou kontinyen sa ek nou bann lezot *stakeholders*. So tousala en bann legzersis, bann zefor ki nou'n konmans avek e nou pou kontiny avek pour nou kapab donn sa pli bon servis nou piblik. Mersi Mr Chair.

MR DEPUTY SPEAKER

Mersi *Registrar General*. Mon annan en total 12 Manm ki le demann kestyon. Sa *heading* i sipoze fini midi. So annou presi lo nou kestyon.

Si nou kapab demann zis en pwen ti ava ed en lot Manm ganny en kestyon. E apre mon ava demann *panel* pou *summarise* e ekonomiz zot larepons *to the closest to the question please*. Onorab Lemiel, *you are next*.

HON SYLVANNE LEMIEL

Mersi Mr Chair. Bonzour VP, avek nouvo *panel* ki la. Mwan premyerman, enn mon ti a kontan demann avek madanm *Registrar*, zot Bidze in koupe. E sel linisyativ nou war ki zot pe al fer en *recruitment* pour zot ganny 2 *staff* petet pour zot kapab amelyor kapasite servis petet ki zot donner.

Me apard sa mon vwar ki ou annan detrwa *challenges* osi, apard sa mankman kapasite ki ou'n mete pour zot kapab deliver en servis ki pli efikas dapre ki zot manda i demande.

Nou vwar enn, *Registration of Land* ki mon koleg in koz lo la laba, i ankor en gro problem. Akoz tanzantan mon osi mon bezwen *call* ou kekfwà pou fasilite en keksoz.

E apre nou vwar *delay* dan lenplimantasyon en

sistenn anrezistremman. Menm si ou dir sa bann faz ki merit met an plas in terminen. Me selman *still* ou pe war sa konmen en kontrent pour ou petet akòz i pa ankò vin an *full force*.

Petet atraver sa Bidze redwir, ki mannyer ou pe al fer an 2025 pour ou kapab rezourde sa bann *challenges* ki ou'n fer sorti ki ou pe gannnen? Mersi.

MR DEPUTY SPEAKER

Mersi Onorab. Mon avay envit *panel* pou larepons.

VICE-PRESIDENT AHMED AFIF

Mersi Mr Chair. Avek ou permisyon mon a permet *Registrar General* pou reponn.

REGISTRAR GENERAL WENDY ZIALOR

Thank you, Mr Chair. Onorab, definitivman Bidze its never enough. Akòz konman en, I guess the Head of the Registration Division ou annan ou laspirasyon e ou target ki ou anvi achieve as soon as possible.

Nou'n resevwar en Bidze la, as ou'n mansyonnen in koupe. I annan serten *target* ki nou ti pe *aim at 2024* ki nou'n *attained*. Nou'n ganny nou sa Bidze. E avek mon tim nou determinen pour nou fer li marse. *Ok.*

You're right. I mean, nou bann challenges ki nou'n mete. Parey mon'n eksplike atraver kestyon Onorab Labrosse. Lands i enn nou main focus akòz this is where bokou, bokou aktivite i arive.

E bokou larzan osi. Si *we get it right*, pou antre dan kof Gouvènman. *Ok?* Akòz i vin nou *main source of* reveni parey nou Bidze i montre.

So, i annan – VP in mansyonn *digital system, ok*. Nou annan bann sistenn nimerik ki *already* in fini – in fini *design* avek lasistans *DICT*. Par egzanp anrezistre konpani. Non biznes. Asosyasyon. Sa in fini *designed*.

Nou pe zis – i annan sa bout legal ki nou pe esper Biro Atorni Zeneral pou kapab *push forward* avek Lalwa. Ki prezan sa i pou tir en pe presyon osi lo *staff* ki zot pe *focus* i lo anrezistre konpani.

Savedir nou kapab kekfwa pran sa bann dimoun, *focus* zot en lot landrwa. *Rotate* zot. E sa nou fer li byen akòz mon osi mon *believe* dan *multitasking*. Koumsa ler i annan bann loportinite, i fasil pour en *staff* apre *apply for that*. So, *this is* bann fason travay ki nou'n adopte anba, avek bann limitasyon resours *of course*.

Par egzanp dan nou *challenge* la, par egzanp mon'n

mansyonnen poudir nou pe zwenn osi avek bann lezot departman Gouvernman. Akoz annandler bann konplikasyon, bann *challenges i come in that regards.*

Par egzanp i annan bann *policy* ki ganny met an plas ki kekfwa annandler nou napa sa konsiltasyon annandler. Konmsi pour nou vwar bann *challenges how best* ki bann prosedir ki nou met an plas, ki kapab fer li - i tir enn de bann difikilte. Bann fristrasyon, ki nou pe koz ek kanmarad konmsi. So sa nou pe konmanse parey mon'n mansyonnen demen nou pe fer. So ou konnen, i en levantay tousala.

Definitivman *yes*, Bidze i pa zanmen ase. Me selman avek tou sa bann zefor ki nou pe fer, mon panse avek mon tim – mon annan en tim ki – ou konnen zot kit ou enspire. So, ou *push forward* pou kapab *attained as much as possible* ou bann target ki ou'n mete. Mersi bokou. *Thank you*, Mr Chair.

MR DEPUTY SPEAKER

Mersi *Registrar General*. Mon ava pas laparol aprezan avek Onorab Mondon.

HON TERENCE MONDON

Mersi Mr Chair. Bonzour *panel*. Ou'n mansyonnen dan

zot *challenge* ki serten proze nasyonal ki *MDAs* i enplimante pe enpakte lo zot Bidze e resours imen.

Mon ti a kontan ou ti a elabor lo la e petet kwa ki pe ganny fer pou adres sa sityasyon? Mon a pran zis en kestyon.

MR DEPUTY SPEAKER

Mersi Onorab. Mersi. Mersi pou ede. *Panel?*

VICE-PRESIDENT AHMED AFIF

Mersi Mr Chair. Avek ou permisyon mon ava demann *Registrar General* pou reponn.

REGISTRAR GENERAL WENDY ZIALOR

Thank you, VP. Thank you, Mr Chair. *Ok*. So, par egzanp nou, nou en lofis ki *pretty much* dan milye tou keksoz. So tou devlopman ki arive nasyonalman, *in some way* annandler i *end up* lo nou lataab.

Par egzanp meton si Gouvernman i annan li en proze – en proze semen par egzanp. Par egzanp mon'n tann bokou bann diskisyon *right of way*. Bann later ki pe ganny *subdivide*. Bann *Landbank Project*.

So, tousala i *eventually* i *end up* kot Biro Lanrezistreman. So *this is what I mean*. Konmsi – e

atraver bann diskisyon ki ler nou zwenn avek bann Lotorite, nou kontan *share* sa nou. Nou dir *please* regarde kote sa i fini osi.

Akoz par egzanp la Praslin nou ti pe fer sa bann lanrezistremman later sorti lo vye sistenm pou vin lo nouvo sistenm. So definitivman mon lofis i kle ladan. E in arive kot aköz nou mank serten kapasite, ki bann Onorab Praslin zot konn sa byen. Mon annan zis en dimoun dan en lofis Praslin, i fer ki i met bann dimoun an retar Praslin. Ou konpran mwan?

So, *this is what i* - mon pe dir ler mon dir bann proze nasyonal i osi annan sa lenpak lo – ou konnen, i met en pti presyon annandler lo resours. Me selman nou'n asize nou'n vwar sa. E komunikasyon, kordinasyon in konmanse, konsiltasyon. Aköz i *strongly believe in consultation*.

And this is why nou pe konmanse avek sa bann diferan departman pour nou eksplik zot osi, *where do we come in? What do we do?* So that ler zot konmans sa bann proze la, zot dir “ou konnen arh i annan Biro Lanrezistremman. Annou koz ek zot en kou. Gete ki mannyer sa i kapab enpakte zot e ki mannyer nou kapab travay ansanm pou tir en pe presyon”. *Thank you* Onorab.

MR DEPUTY SPEAKER

Mersi, mon ava donn laparol Onorab Spiro.

HON RACHEL SPIRO

Mersi Chair. Byenveni bann nouvo *panellist*. Mon kestyon i konsern rezistrasyon bann lasosyasyon. E osi an relevans avek zot Bidze pour *training*, ki i pa bokou.

Eski sa konponan *training* i enkli *training* zot *staff* e osi lezot antite ki an deor kot zot kapab donn gidans oubyen serten konsey anba zot *training budget* ki zot in gannyen?

E ki mannyer zot fer pou asire ki bann lasosyasyon napa vremen sa konplent e tou bann keksoz ki annan pou fer avek zot in ganny sa bon lenformasyon? Mersi.

MR DEPUTY SPEAKER

Mersi. Mon ava envit *panel* pour en larepons.

VICE-PRESIDENT AHMED AFIF

Mr Chair, avek ou permisyon, *Registrar General* a reponn.

REGISTRAR GENERAL WENDY ZIALOR

Thank you, Mr Chair. Onorab Spiro, mon kontan ou'n demann sa kestyon. Ou'n tous lasosyasyon.

Ou konnen, en keksoz ki *sadden* mwan dan sa louvraz

ki mon fer se sa rol ki mon servi konman Rezistrar Asosyasyon. Ou konnen, sirtou ler mon get bann asosyasyon ki tous *national interest*. E par egzanp la mon pou al dan *sport*.

Ou konnen, en dimoun i deza demann mwan si mon travay avek NSC degre zot war mon bokou dan sa *area*. Akoz mon dir i tous mwan se ki, ou konnen nou tou nou konmanse byen dan lasosyasyon, apre *suddenly* zis nou vwar bann *dispute*.

Ou konnen, bann kankan antre bann gran, gran dimoun. Bann gran madanm, bann gran msye ki ou demande konmsi - *it is sad*. Kan zot sipoze pe vin ansanm an fraternite pou pous devan lentere, sirtou sportif. Zenes.

E nou vwar ki mannyer zot pe bit latet ansanm. I annan sa bann konfli. Bann pti keksoz *petty* ki ti kapab ganny *solved* la. I pe prezan i pe al partou. Pe *expose* nou. *Even* enternasyonalman i arive sa bann keksoz.

E sa i vin Bidze ki nasyonalman zot pe gannye avek Gouvernman. Ou konpran? So, i mank serten disiplin. E i annan bann lenstans kot, wi nou sey antre ladan. Me selman parfwa i bann kankan entern. I bann kankan personnel *between* bann endividi.

E mwan mon dir i *sadden* mwan aköz nou ti pou bokou lwen. Ler nou koz *sport*. Sekter Sportif. Nou ti bokou, bokou lwen si nou bann *leaders* dan sa sekter, dan sa bann asosyasyon ti kapab met lanmen ansanm, travay ansanm pou pous sa sekter devan.

Me selman ou'n mansyonn kapasite. As *much as possible*, ou'n konmans sa. Nou'n *raise awareness*. Nou ki nou kapab fer se dir zot, zot bann lobligasyon anba Lalwa ki ekspekte ek zot.

Par egzanp nou zwenn avek FIU. Zot bann lobligasyon *as far as i anti money laundering i* konsernen. *Governance i* konsernen. Me selman fason viv antre nou, sa i – nou demann sa i pou *come from* zot konmsi.

Annou sey *resolve issue*. Annou *see the bigger picture*. Annou gete lekel – lentere lekel ki nou sipoze pe *safeguard*. Annou tir bann politik antre nou ki i kree bokou konfli, ki apre i vini i vin tonm lo nou latab.

E en biro parey nou konnen ki napa tro bokou resours. Prezan lekspektasyon, se Rezistrar i antre ladan. Kan Rezistrar ti kapab pe *focus* lezot *area*, anrezistre plis dokiman later. Anmas plis larzan pour Gouvernman.

So sa i mesaz ki mon pe anvoye *out there* pour nou bann lasosyasyon. Silvouple, annou vin ansanm e annou travay ansanm pour sa bi *for which* nou ti ganny formen *in the first place*. Thank you Onorab.

MR DEPUTY SPEAKER

Mersi. Mon pou pas laparol aprezan avek Onorab Uranie.

HON ROCKY URANIE

Mersi Mr Speaker. Bonzour VP ek *panel*. Tou koleg Onorab. Byensir tou zabitan ki a lekout. Annefe, mon ti ekspekte petet sa Bidze i ganny ogmante anvi ki sa divizyon i enn ki vreman enportan. E parey in dir, zot war zot dan milye preski tou keksoz.

So, mwan mon ti a kontan, e mon vwar ki zot *lack capacity* pour zot kapab delivre parey zot sipoze. Prezan mon vwar ki savedir bann *staff* laba i pe vreman travay bokou.

Eski i annan en *scheme of service* zot pe travay lo la pou *reward* sa bann *staff* ki deza la? Akoz nou pou war konpare avek bann avoka etranze pe ganny R17 mil par zour. R540 mil par lannen.

Petet - par mwan, *sorry*. ki en ta larzan. Petet la mon krwar plis larzan ti devret

kapab gannyen pour ou divizyon.

Eski ou ti fer sa konversasyon pour ou ganny plis larzan pour ou divizyon pour ou kapab re aranz en *scheme* pour ou bann travayer, pou ed ou kapab annan sa kapasite pou delivre lo ou travay? Mersi.

MR DEPUTY SPEAKER

Mersi pour ou kestyon. Mon ava envit *panel* larepons.

VICE-PRESIDENT AHMED AFIF

Mersi bokou Mr Chair. Mr Chair, mon mazine *Registrar* i fer sa ki i kapab avek lanvlop ki li i annan. E lanvlop i ganny deside baze lo priyorite nasyonal.

Mon krwar nou bezwen zwenn tou zefor. E *Registrar General* in eksplik li menm poudir pa tou keksoz ki neserman i annan pou fer avek li parfwa. Parfwa i annan an deor.

E otan ki nou kapab amelyor lafason nou delivre nou servis isi, e nou met resours pour nou fer sa. Nou pou fer li.

Otan ki bann dimoun i bezwen *training* pou konn meyer fason pou delivre, nou, nou bezwen fer li, e nou bezwen pran sa konman en responsabilite.

Me nou pou toultan gard antet poudir nou bezwen delivre konman en servis piblik, sa i aplik pour tou. I pa zis pour *Registrar General*. E nou pou kontinyen fer sa zefor Onorab. Mersi.

MR DEPUTY SPEAKER

Mersi *panel*. Mon ava pas laparol avek Onorab Michel Roucou.

HON MICHEL ROUCOU

Mersi Mr Chair. Bonzour ankor enn fwa. Annefe anvi ki Onorab Mondon in pas en pti pe lo mon kestyon, si mon kapab demande, eski kot *Registry* laba, si zot war poudir se ki zot annan en mank pour zot anploy plis travayer, e ki bann travay ki zot pe fer ki zot ganny bann travayer kalifye, pou fer sir ki i ed zot dan sa travay ki zot pe fer ki zot desarz sa responsabilite dan en dele letan? Mersi.

MR DEPUTY SPEAKER

Mersi Onorab. *Panel?*

VICE-PRESIDENT AHMED AFIF

Registrar General a reponn Mr Speaker.

REGISTRAR GENERAL WENDY ZIALOR

Thank you, VP. Thank you, Mr Chair. Par egzanp zot in vwar lo enn mon bann current

challenges, mon'n mete lack of adequate capacity to deliver.

Ou konnen, nou lofis in vwar serten transformasyon *over the years*. Kot *staff*, nou pa zis vini, nou vini nou stanp dokiman nou anrezistre. I go *beyond that. Ok?*

La nou vwar nou pe perform menm rol. Par egzanp ler nou pe koz *Financial Services Authority*, kot nou annan serten rol sipervizyon par egzanp. E i anmenn li sa lenplikasyon legal kot nou bann *staff* i bezwen konpran – asiz ek Lalwa. Konpran Lalwa. Zot bezwen *study* dan sa *area*.

So definitivman nou kapasite ki nou ti annan avek dan lepase an term nou bann *staff* in sanze, *hmm*. Me selman Onorab, ou konnen i en *challenge*. *It's a big challenge right now* pou ganny dimoun pou travay dan lofis.

Ou konnen, nou parey AG's Office kot nou vin en *training ground* for dimoun i vini, zot *master* kantite. Zot ganny leksperyans, apre zot ganny *poached* avek bann lezot landrwa aköz zot pli ganny reminere. Nou pa blanm zot pour sa, ou konpran?

So, i reste en *challenge* pour nou. Nou gannyen dimoun. Par egzanp i annan bann zenn dimoun ki vini. Nou *train* zot avek zot degre. Par egzanp dan Lalwa, zot aprann

– nou *train* zot dan *compliance* apre nou war zot, zot ganny pran avek bann lezot antite.

So, kapasite Sesel mon panse zeneralman - *IT*. Nou bann dimoun i ganny *trained* dan *IT*. Ou konnen nou pe rod en *senior IT officer for the past* bon pe mwan la. *HR*. Nou pe rod en *HR Director for so long*.

So, i mank - sa bann *area* ki spesyalize, i annan en mankman *right now*. E definitivman i annan sa lenpak lo nou bann lofis. Ou konpran? E sa ki nou gannyen zot vini, apre zot ale.

So, mon pou agree avek ou. I annan en *challenge when it comes to* kapasite. E *we do the best we can*. And *hopefully* atraver parey *VP* in dir, i annan bann *scheme* ki nou pe revwar. I annan bann *incentives* ki nou pou sey met an plas avek sa ki nou annan. *As much as possible* nou *retain* sa bann dimoun.

Be, *yeah it is* kapasite. Kalite dimoun osi an term zot kalifikasyon mon pe *mean, given* natir nou louveraz ki pe evolue. Sa i en *challenge* pour nou. *Thank you very much*, Mr Chair.

MR DEPUTY SPEAKER

Mersi. Mon ava donn laparol Onorab Loze.

HON JOHAN LOZE

Mersi Mr Speaker. Mr Speaker, mon konpran sa *plea* ki *Registrar* pe fer. En Bidze saler R15.6 milyon. En logmantasyon lo son Bidze saler 1.7 milyon. Sa i *cater* pour 2 *compliance officers*. E mon tann *Registrar* fek nonm son *compliance*. Ek en asistan *compliance officer to the tune of* R695 mil.

E madanm De Silva pe pey en avoka etranze R500 mil par mwan. Par mwan. Dan sa larzan, ou *Registrar* ou ganny ou 2 *compliance officer* ek en *assistant compliance officer*. E ou, ou pe travay toulezour. E ou'n dir nou la ou lofis ki dan milye tou keksoz. Tou proze Gouvernman i *end up* lo ou *desk*.

Madanm De Silva i vini lannen pase i dir nou i pe al anmas 4 milyon Dolar sa lannen. I vini sa lannen i dir nou i pe al anmas 4 milyon Dolar lannen prosen.

Mon kestyon, silvouple, eski nou kapab war zenerozite dan Bidze, pour nou asiste sa madanm la devan nou, *who is clearly the poorer cousin of* Madanm De Silva?!

Eski nou kapab war zenerozite Bidze pou nonm aport en pe balans pour sa ki pe aktyelman travay e fer vre louveraz dan nou pei, *as opposed to* bann ki zis vini bat

nou latet dan Lasanble tou le-z-an?! Mersi.

MR DEPUTY SPEAKER

Panel, larepons.

VICE-PRESIDENT AHMED AFIF

Mersi bokou Mr Chair. Mr Chair, mon pou zis repete. Si larzan pa ti perdi anba zot *watch*, la ozordi zot pe gele ki mannyer pou al rode? Ki mannyer i glis isi? I glis laba? Pey en lot - konman ou pey en lot i vin en avoka ki ser, ou bezwen al rode, pa ti pou annan tou sa problem. Ti pou mars bokou pli byen. Nou ti pou annan bokou plis larzan pour nou fer lakaz. Pour nou donn logmantasyon dan saler. Pour nou fer lenfrastruktir. Bokou keksoz ti avan marse si zot ti serye konman en Gouvernman.

Zot pa'n serye. E ozordi problem i lo nou. E zot pe sey blanm nou. Pran zot responsabilite. Aksepte zot fot! Demann pardon ek pep Seselwa pour sa ki zot in fer. Mersi bokou.

(APPLAUSE)

HON JOHAN LOZE

Larzan ou ki ti sinyen pou ale. Pa mwan! Ou ki ti sinyen pou ale! Ou Ahmed Afif ki ti sinyen pour larzan ale!

MR DEPUTY SPEAKER

Mon pou donn laparol aprezan Onorab Woodcock.

HON WAVEL WOODCOCK

Mersi Mr Speaker. Zis en pti koreksyon. ACCS in dir dan prosen 2 an, 3 an zot pou fer retournen R3.6 bilyon Sesel ki'n disparet anba Ladministrasyon US/SPPF Mr Speaker.

Mon kestyon - premye kestyon i baze lo *major achievement* 2023/2024. Kot *Registrar General* in fer resorti ki *yes*, dan sa dernyen 1 an la zot in etabli en lofis lo Praslin angiz pou desantraliz bann servis ki i pou vin a laporte bann dimoun Praslin/La Digue.

Mon kestyon i, pour lemoman i annan zis serten servis ki zot pe ofer dan sa lofis. Si zot kapab donn nou en pe detay lo bann lofis pour lenformasyon piblik, ki zot pe donner?

E ki bann servis adisyonnal ki zot pe anvizaze donner dan lefitir?

E eski avek sa konsern *issue* ki napa ase *staff* lo Praslin, eski sa Bidze ki la pe *cater* pour ankor en *staff* pou travay lo Praslin?

E si *Registrar General* ou kapab dir nou, ki zistans zot in arive avek *digitalize* bann dokiman, sirtou bann dokiman later? Mersi.

MR DEPUTY SPEAKER

Mersi Onorab. Mon a donn laparol VP.

VICE-PRESIDENT AHMED AFIF

Mersi Mr Chair. Avek ou permisyon, *Registrar General* a reponn.

REGISTRAR GENERAL WENDY ZIALOR

Thank you, Mr Chair, Onorab Woodcock. *Ok*, so an term – *yes*, sa lofis Praslin nou annan zis en sel *staff*. E servis ki sa *staff* i - atraver sa *staff* ki nou pe ofer nou bann dimoun Praslin, se par egzanp ler kopi dokiman i ganny demande. Kopi dokiman, sertifik. *Official search* i ganny demande. Apre osi serten *filling* osi.

Par egzanp ler en dimoun pe fayle son *annual returns* lo kote konpani. Si en dimoun i anvi anrezistre en biznes, i anvi anrezistre en konpani, en lasosyasyon. Oubyen i anvi fayle okenn sanzman *to* son bann *particulars*. So sa i bann servis ki nou donnen.

Nou pa ankor kapab fer par egzanp ofer en servis ki annan pou fer avek lanrezistremman later aköz son konpleksite. I annan serten dokimantasyon. Serten sistenm ki ou bezwen. E parey mon mansyonnen, avek en *staff* nou pa kapab vreman

promet pou donn tro bokou osi ki nou pa kapab delivre lo la.

You've mentioned an term *digitalisation*. Lo kote later nou'n plis la, nou'n *scanned more than 83 percent* of nou bann fayl later. E nou *main focus* i Praslin/La Digue. So sa i enportan *for the purpose of* sa lofis osi.

E i fer ki sa *staff* osi ki dan sa lofis ler kliyan i le en kopi son later, son lavant. I sipoze pe kapab asiste sa kliyan avek. *Thank you*, Mr Chair.

MR DEPUTY SPEAKER

Mersi *Registrar General*. Mon pas laparol aprezan avek Onorab Pillay.

HON SEBASTIEN PILLAY

Mersi Mr Chairman. Mr Chairman, lo sa kote lata nou ankor – nou'n sey ankor fer le pwen *between assigning* resours Leta pour travayer Seselwa. E *assigning* resours Leta pour travayer etranze. Seselwa in tande. Zot a fer zot prop konklizyon lo la.

Mon le pran sa Bidze *Registration Division* e sa Bidze 20.4 milyon par rapor a bann *statement* ki'n ganny fer dan *speech* Bidze e bann direksyon ki Gouvernman i le pran. Sirtou an sa ki konsern par egzanp, rol sa bann lofis Gouvernman ki ede dan sa filyer *ease of doing business*.

Dezyenmman, rol bann antite Gouvernman ki ede dan bann nouvo fonksyon ki zot in gannyen. Par egzanp nou konnen *FIU* i annan en rol – *FIU* i annan en rol vizavi *beneficial ownership*. *FSA* i annan en rol vizavi *beneficial ownership*. E Lofis Rezistrar i annan en rol vizavi *beneficial ownership*.

E ler mon pe get Bidze, lefe ki i pa'n ogmante par rapor sa bann nouvo rol, mon annan en konsern *whether or not* Biro Rezistrar pou kapab delivre lo tou sa bann keksoz ki i pe ganny demande pou delivre, e dan en dele letan ki pou donn en satisfaksyon piblik.

So, eski nou kapab ganny *the original proposition of the budget* ki Biro Rezistrar Zeneral ti fer avek Gouvernman, pour nou kapab apresye *based to* kalkilasyon ki sa departman in fer lo li menm par rapor a lanvlop ki Minister Finans in kapab donn li? Nou pa pe blanm ni Minister Finans. Ni personn.

Me, nou le zis etabli pour nou prop ledifikasyon Lasanble. E si nou kapab ganny sa lenformasyon pour nou konpran prezan ki mannyer konman Lasanble nou bezwen fer en fason ki-

Akoz tou lede kote latab in dir pou dir i annan bann retar dan dokiman. Retar dan

bann keksoz ki bann dimoun pe rode. I pa en problem – i pa en *issue* ki konsern Rezistrar. Me plito en *issue* kapasite pour zot kapab delivre, pou siport zot lavantaz ...plis kapasite.

E an pasan Mr Chairman, mon le remind *VP Afif* ki ou ti la tou sa letan ou. Ou ti form par tou sa Gouvernman. E si larzan in perdi, in perdi anba ou *watch*. Ou responsab ou osi. Aret montre ledwa lo ou kanmarad! *Ok?*

Ou ti bwar. Ou ti dinen ek sa bann dimoun. Ou ti zanmi ek sa bann dimoun. So, ou ti byen al *State House*. Ou ti parmi tou sa bann zans. So aret vin montre ledwa lo nou. Mwan mon pa ti la mon.

So, ou responsab ou osi! Ou konnen ki'n arive ek larzan ou! Aret blanm nou! Ou ti la ou!

MR DEPUTY SPEAKER

Mon - Ler Lasanble – ler Lasanble i pran – Ler Lasanble i pran sa bann direksyon, egalman parey en Manm i pou fer okenn lakizasyon kont en dimoun lo *panel*, i pou *at laliberte* sa Manm *panel* pou reponn li egalman parey.

Mon pa'n koup son mikro ou mikro personn ekspre. Mon'n dir zot mon bomaten. Mon pa pe enterfer dan sa bann zafer.

So, *whatever* ki dimoun i dir, zot pa bezwen dir pou dir mon pa'n anpese. Silvouple. Nou tou ki la nou konnen ki nou fer. Nou gran nou. Mersi.

VICE-PRESIDENT AHMED AFIF

Mersi bokou, Mr Chair. Mr Chair, mon a les *Registrar General* reponn lo bann lezot rol lezot antite.

Lo son komantr ki i anmennen detanzaot, in bliye poudir mon'n kite depi 2012. E i fer 12 an depi ler mon kite. Tou keksoz ki'n pase pandan sa bann dernyen lannen i blanm lo mwan menm. E i bliye aköz mon'n kite. Mon'n kite aköz mon ti'n ganny ase ek zot!

(laughter)

VICE-PRESIDENT AHMED AFIF

Mon ti'n fatigue war sa bann keksoz ki ti mal dan sa letan. Zanmen zot ti le aranze ler mon ti dir aranze. Alor, mon ti ale. E si zot, zot santi i annan keksoz mal ki mon pe fer ozordi oubyen menm dan lepase, zot annan en opsyon tre senp devan zot.

Al kot ACCS. Al anmenn zot ka. Mon'n tann zot koze pandan pros 8 an zot pe koz lo la. Zanmen enn ant zot in deza anmenn okenn ka kont mwan!

(Interruption)

VICE-PRESIDENT AHMED AFIF

Akoz zot napa! Zot zis koze, koze. Rabase e pa zanmen okenn fe. Si zot annan, anmennen, fer zot ka. Parey labitid zot pas zot letan avek bann mansonz, lakizasyon ki al kont zot prop *Standing Orders*. E sa i sorti kot en dirizan dan Lasanble e i fer onte Onorab!

(APPLAUSE)

VICE-PRESIDENT AHMED AFIF

Yer en Minis in dir avek ou poudir i bezwen met ou dan ou plas. Mon osi mon pou met ou dan ou plas. Aköz ou pe azir dan en fason ki pa alaoter sa responsabilite ki ou annan.

(APPLAUSE)

VICE-PRESIDENT AHMED AFIF

E ou pa pou zanmen vin dan en Gouvernman ki responsab. E dimoun pa pou elekte ou si sa se fason ki ou konport ou. Mersi bokou.

MR DEPUTY SPEAKER

Mon krwar i annan en kestyon pour *Registrar General*.

REGISTRAR **GENERAL**
WENDY ZIALOR

*Thank you, Mr Chair. Ok, so – mersi Onorab Pillay pour ou kestyon. Ou'n mansyonnen poudir wi, nou form parti par egzanp sa tim ki dil avek sa bann par egzanp *ease of doing business*. Par egzanp ler nou koz an term pou *improve* lanvironnman, fer biznes, lantreprenarya. Tousala nou ladan.*

E atraver – nou'n revwar nou bann *process* atraver sa sistenm nimerik ki nou pe anmennen, parey mon'n mansyonnen avan, nou pe esper Lalwa ganny pase pour nou kapab *launch* li. Sa nou panse i pou *go a long way towards up* nou performans *when it comes to* lanvironnman fer biznes.

Me selman pour lemoman la nou rol kle par egzanp ler nou travay avek *the likes of FIU, ACCS, lapolis*. Tou sa bann Lotorite ki fer envestigasyon. Bann Lotorite ki fer sipervizyon, se ki nou donn zot *access* a bann rikord. E nou, nou parey en lofis – parey en *gatekeeper* nou. I konmans avek nou osi.

Kot nou asire prezan atraver ler nou'n revwar nou bann sistenm. Nou *conduct* bann *due diligence* pou asire poudir par egzanp bann konpani ki pe ganny *set up*.

Bann dimoun deryer.

Bann asosyasyon. Bann aplikasyon ki nou gannyen pou anrezistre bann biznes osi. Nou anmenn en pti pe plis disiplin pour nou konnen osi lekel bann dimoun ki deryer.

Koumsa nou annan bann lenformasyon ki azour, ki konplet. Pour ki ler sa bann Lotorite i vin kot nou, zot apros nou pou ganny *access* avek sa bann lenformasyon, nou dan en pozisyon pour nou kapab delivre. Mersi Mr Chair.

MR DEPUTY SPEAKER

Mon ava donn laparol Onorab William.

HON WAVEN WILLIAM

Mersi Mr Chairman. Bonzour Madanm *Registrar General* avek ou delegasyon. Mon anvi demann avek ou. Atraver mon resers mon vwar poudir *Registration Division* in egziste depi *19th Century*. E 1978 zot ti *Kingsgate House*, mon mazin en ou pa ti ankor antre sa lepok. E mon vwar dan en travay *interview* ki Mr Boniface in fer vizavi bann *challenges*.

E mon anvi demann ou. Letan mon ekout bann kestyon sorti lo kote Lopozisyon. Si letan ou'n antre - ler mon pe regard bann *challenges* ki pe reflekte dan Bidze ozordi - si letan ou'n antre sa bann *challenges* ti la, e sa bann Pledwari ki zot in

met devan ti bann pledwari ki ou'n konsisteman met devan?

Zis pou dir nou en pti pe. Akoz mon vwar pou dir ou a krwar poudir si apre 2020 ou a krwar, baze lo sa ki Lopozisyon pe dir, ki sa bann problem tou in deklare. Si ou ti kapab donn nou en pti pe kontrandi. Mersi.

MR DEPUTY SPEAKER

Mon ava envit *panel* pour larepons.

VICE-PRESIDENT AHMED AFIF

Mr Chair, mon krwar in demann direkteman kot *Registrar*. Avek ou permisyon, mon a les li reponn.

REGISTRAR GENERAL WENDY ZIALOR

Thank you, Mr Chair. Mon *apology* Onorab. Mon pa'n swiv sa *interview* ki Mr Boniface. Ou'n mansyon sa non. *I'm sorry*. So, mon pa kapab vreman *comment* lo la pour mwan direkteman.

So, selman mon pou *tend to think*. Ou konnen, bann lannen pase ti annan mwens *staff*. E par egzanp taler mon'n mansyonnen. Kapasite *staff*. Kalite *issues* ki nou dil avek konmela.

Par egzanp Onorab Pillay in mansyon *beneficial ownership*. 5 an, 10 an pase

nou pa ti pe dil ek bann keksoz koumsa. Ou konnen?

So, la i atraver bann presyon enternasyonal ki prezan i annan bann nouvo standar ki pe ganny met an plas, ki prezan i annan sa demann en pti pe pli agresiv lo bann pei. Ki fer ki prezan kalite *staff* ki nou annan dan nou lofis i diferan. Pa parey nou bann *staff* avan.

So, mon pou dir *when it comes to* kapasite; definitivman kapasite i vin avek son demann resours. Parey nou pe koze. Saler. I vin ek son presyon lespas osi. Mon kapab pe demann plis *staff*. Be ler mon ganny *staff*, mon napa landrwa pou met zot. Ou konpran?

So, mon panse zeneralman bann *challenges* i menm parey. Selman natir oubyen lentansite i sanze. *Ok*. Be selman nou sey nou mye. Akoz par egzanp la i annan bokou lanfaz atraver – i ti konmanse avan. La i annan en plis presyon lo la pour nou *move digital*.

So sa i reste nou *focus* e nou pe revwar nou bann Lalwa pou kapab moderniz nou. Pou kapab *cater for* sa. So, *yeah i mean*, i annan son bann *challenges*. I sanze. Be *as much as possible* nou bezwen konnen ki nou bann *challenges*. So nou konnen – *I mean*, kote nou pou kapab

adrese e *tackle* li. I pran en pe letan. Me selman nou fer nou mye sa ki nou kapab avek sa ki nou annan. *Thank you*, Mr Chair.

MR DEPUTY SPEAKER

Mersi *Registrar General*. Mon pou donn laparol Onorab Cosgrow.

HON WALLACE COSGROW

Mersi Mr Chair. Mr Chair, i kler bomaten la ki Bidze *Registration Division* i santre - diskisyon lo sa Bidze i santre lo 2 keksoz. Enn, lefikasite sa divizyon pou delivre. E osi lo lakantite resours ki sa divizyon i annan.

Now, nou pe konpar sa divizyon avek ACCS e osi Atorni Zeneral avek ACCS pour en rezon, Mr Chairman. Well, pour en rezon pli enportan, i se ki sa 2 divizyon, sa 2 landrwa travay i tous lamazorite Seselwa.

E kot *Registration Division* kot Ms Wendy i ete, *ease of doing business*. Tou bann rezis i kot zot. Gouvernman i annan en proze. Zot bezwen vin lanmenm. Lakour i fonksyonnen kantite baze lo sa ki zot, zot *provide*. So, zot parey en nespes leker dan sistenm gouvernans – sistenm Gouvernman.

E nou pe senpleman demande ki zot ganny *the fair*

share of sa ki zot merite. Zot avek Atorni Zeneral. E ler nou pe konpar avek ACCS, Vis-Prezidan pa kapab vin dir nou lepase sepa kisisa. Akoz i ti la lepase li!

Si i annan en boug - si i annan en dimoun Mr Chairman ki'n *wiggle* son *way around* dan tou sort kalite fason anba Gouvernman avek Ton Pat pour li ariv kot i ete ozordi, se li. In fer tou sort kalite zafer. Ozordi i pa kapab vin dir nou nanryen Mr Chairman.

E nou, nou ti a kontan ki ler i pe reponn sa bann kestyon la - e *mind you*, pa tro lontan pou li fer keksoz avek Prezidan Ramkalawan en. *Mind you*.

Ler i pe reponn nou sa bann keksoz la, nou anvi ki i vin dir nou kwa ki i pou fer pou met dan Bidze pour *Registration Division* pou ed sa bann *staff*?

Resaman mon'n fer serten enteraksyon avek *Registration Division*, i annan difikilte laba. I annan difikilte. E nou pa kapab konpran ki mannyer ou kapab donn li en *Wages and Salary* ki pa ni menm parey *legal fees* ek *consultancy fees* ACCS.

Konmsi nou kapab konpran sa? I pe ed tou dimoun. So ki ou pou fer Mr Vis-Prezidan pou kapab ed sa divizyon? Mersi bokou.

MR DEPUTY SPEAKER

Mersi. *Panel?*

VICE-PRESIDENT AHMED AFIF

Mersi bokou Mr Speaker. Mr Speaker, *Registration* Divizyon pa fek egziste apartir 2020 Oktob li. I ti la depi en bann letan avan.

E son Bidze konpare ek sa letan i pli o. I pli o ki pran depi 2012, 13, 14. Madanm Pierre mon krwar ti vin 2014. In ogmante li. Savedir, son Bidze in ogmante li.

Selman, parey bokou departman Gouvernman, i pa zanmen ase pou delivre alaoter. E i pa zanmen ase aköz napa ase reveni ki antre, pour nou kapab pey tou dimoun parey nou ti a voudre dan en lemonn ideal.

Me sa ki nou pe dir ek zot. Nou pe fer nou mye. Madanm Pierre ek son bann teknisyen pe fer zot mye zot osi. Me i pou reste kontrent. E nou, nou louvraz se dil ek sa bann kontrent e fer sir ki keksoz i aranze.

Ou'n vin ankor ek bann lakizasyon ki kont ou prop *Standing Orders*. Savedir ou pa respe ou prop *Standing Orders*. E mon pou repet menm zafer avek ou.

Si ou konnen poudir in annan *wiggle* ki'n arive dan lepase, get *wiggle* lo ou kote ou osi. Ler zot ti dir zot pa pou

pran lapey *backpay*. Apre zot pase zot pran.

(*Interruptions and laughter*)

VICE-PRESIDENT AHMED AFIF

Tou sa bann keksoz in arive. Mwan mon pa ti la mon dan Gouvernman sa letan. Mon pa ti la mwan. Zot kontinyen retourn lo 12 an pase, kan mon ti'n ganny ase avek zot e mon ti deside sorti parske zot pa ekoute.

Prezan ler dimoun i ale zot apel sa bann dimoun tou kalite non aköz zot pa kontan sa bann dimoun i dekouver zot e in ale. Mwan mon pou kontinyen fer sa ki byen. Mon pou kontinyen dir laverite ek pep Seselwa, si zot pa kontan, *too bad for you*. Mersi bokou.

(APPLAUSE)

MR DEPUTY SPEAKER

Mon pou pas laparol aprezan avek Onorab Arissol.

HON SANDY ARISSOL

Mersi Mr Chair. *VP*, bonzour avek ou nouvo delegasyon. Mr Chair, mon ti a kontan met lanfaz lo sa ki *VP* in dir. Si parti *US/Lepep* pa ti'n les nou larzan persi, disparet, zis reste trankil pa fer naryen, ozordi nou ti ava annan sifizaman larzan pour nou aziste bann

scheme of service ki zot pe pas zot letan zis gele, gele, gele lo la!

Dezyenmman Mr Chair, mon pa'n ganny sans felisit bann fiy ki ti la bomaten pe reprezant Biro Atorni Zeneral. Zot in ale. Mon ti a kontan dir zot felisitasyon pour sa bon travay konman bann Seselwa.

Be nouvo Atorni Zeneral Mr Speaker, in ganny rekomande par CAA. Lekel ki lo CAA? Jessy Esparon, Walter Confait. Lekel ki ti mansyonn Jessy Esparon ek Walter Confait? Onorab Pillay Mr Speaker. Alor! Annette Georges ek Simone De Comarmond zot lo la. Me par kont Mr Prezidan li i *endorse* rekomandasyon sorti kot CAA. Alors, CAA in pran en desizyon. Lekel CAA ki'n pran desizyon? Jessy Esparon. Walter Confait ek larestan Manm CAA. Alor, larestan zot konn tre byen zot.

(Interruptions)

HON SANDY ARISSOL

Selman, zot pe donn lenpresyon Mr Chair – zot pe donn lenpresyon poudir zis Prezidan ki'n apwent en dimoun.

Rekomandasyon sorti kot CAA. CAA i annan Jessy Esparon, Walter Confait, Annette Georges, Simone De Comarmond. Apre i annan Mr

Felix lo la. Sa bann dimoun ki fer rekomandasyon e Prezidan i *endorse*! Si lanmen drwat pa konnen ki lanmen gos pe fer, sa..zot..problenm!

Mr Speaker, mon kestyon pour madame. Bonzour Madanm *Registrar*. Byen kontan nou'n vwar ou e nou pou siport ou Bidze ki ou'n anmennen la. En keksoz enteresan ki mon ti a kontan ki ou'n koz lo la, se an relasyon avek bann lasosyasyon, federasyon ki mon koleg Onorab Rachel in koz lo la. Ki ou'n dir i annan en pe tirayman. E sa pa fer nou byen lo nivo enternasyonal. Menm lo nivo nasyonal.

Parske bann tirayman – dimoun i dir i war tirayman dan Lasanble Nasyonal ek bann Manm. Ozordi nou war tirayman lo laplenn foutbol kot zwer i bat refri. Siporter i debout anler i anvoy sopin anba.

Nou war tirayman dan legliz kot pret i sorti lo lotel i al dispit avek son krwayan dan ban. Tousala i bann tirayman ki annan ozordi.

Be mon ti a kontan demann ou kekfw a lavenir si sa bann tirayman dan bann federasyon avek lasosyasyon kekfw pa vin – pa stabilize. Eski ou pe mazin kekfw annan en dimoun, en *law advisor* ki dil zis ek *sport* par egzanp? Pour ki nou kapab

met tou sa bann zafer lasosyasyon –

Selman nou bann *sport*. Parske Sesel nou *sport* i fer en gran keksoz pour nou, parske sa i bann pastan ki nou bann zenn i antre ladan pour ki napa bann tirayman.

Pou kapab ede avek ou lakantite travay ki ou annan pour ki i a soulaz ou en pti gin lo sa lot kote an relasyon avek bann federasyon kekfw ek bann *sport*. Mersi bokou Mr Chair.

MR DEPUTY SPEAKER

Mersi Onorab. Mon ava envit *panel* pour en larepons.

VICE-PRESIDENT AHMED AFIF

Mersi Mr Chair. Mon a envit *Registrar General* pou fer son komanter. Mersi.

REGISTRAR GENERAL WENDY ZIALOR

Thank you, Mr Chair. Thank you, Onorab Arissol. Onorab, atraver lamannman ki nou ti anmennen pour bann asosyasyon pa tro lontan, ladan nou ti entrodwir en bann standar en pti pe pli serye when it comes to latransparans avek accountability.

E sa primordyalman i sipoze *rest* lo sa bann Manm Egzekitif. *Ok?* So, atraver sa nouvo Lalwa ki nou'n

anmennen la, nou ankor dan son staz, nou apel sa en *transition period*. *Ok?*

Be selman *by early next year*, tou sa bann asosyasyon i sipoze *in compliance* avek sa nouvo Lalwa. So, lemoman ki sa pou'n arive, nou pou kapab *ascertain* egzakteman nou bann asosyasyon ki pe *comply* e ki reste lo nou rezis.

Prezan atraver sa prezan nou pou kapab al en pe pli profon osi, pour nou etabli osi ki mannyer sa bann asosyasyon pe *manage* – ki pe ganny *managed*. Ou konpran mwan?

You're right in terms of us trying to ganny sipor adisyonnal lo la. So, next year ler nou'n kapab konmsi annan nou en rezis *certain, ok*. Sa ki devret la i la dapre *compliance* avek Lalwa, la prezan nou ava kapab idantifye ki *area* nou sipoze pe *focus* lo la.

E parey ou pe dir, sa bann tirayman si nou bezwen lasistans, nou apros Lotorite – Mwan mon koumsa. Mon dir si mon bite, mon bezwen lasistans, mon pou fer tande mon lavwa. *Ok? So, I will do that.*

Me selman lo travay – nou'n konmanse travay. Mon panse nou kapab fer pli byen ki sa avek NSC par egzanp. So, i bann travay kolaboratif parey mon pe dir antre nou dan Gouvernman. Apre osi si nou

bezwen led eksteryer osi, *why not*, pour nou kapab met lord e avek disiplin. Mersi Mr Chair.

MR DEPUTY SPEAKER

Mersi *Registrar General*. Onorab Gill.

HON CHUCHILL GILL

Mersi Mr Chair. I fer 2 Bidze la ki mon demann menm kestyon ler Rezistrar i vini.

Ou'n fer en zefor. Mon ti demande dan 6enm Lasanble ki desantraliz servis. E ou'n fer en zefor ou'n met en biro Praslin. Me selman sa dezyenm fwa ki mon pe demande se *staffing* dan sa biro.

Ozordi dan sa biro i annan en *staff*. E dan en semenn i annan plizyer fwa ki sa biro i fermen. Akoz ler mon koz ek sa *staff* i dir mwan i annan zis li e ou napa en lot dimoun. Savedir si sa dimoun i malad, biro pou reste fermen. E sa i kestyonn lezitimite akfer sa biro i la.

Alors, mon pe demann ankor en fwa, eski dan Bidze 2025 i annan provizyon pou kapab ganny ankor *staff* dan sa biro lo Praslin? Akoz si non, sa biro pa pe fer zistis Praslin dan okenn sans, menm si i la. Mersi.

MR DEPUTY SPEAKER

Mersi Onorab. *Panel?*

VICE-PRESIDENT AHMED AFIF

Mersi Mr Chair. Mon pa konnen si *Registrar* i le fer komanter lo loperasyon Praslin. Mersi.

REGISTRAR GENERAL WENDY ZIALOR

Thank you, Mr Chair. Mersi Onorab Gill. Onorab Gill, Onorab Woodcock, Onorab Porice i bann Onorab ki'n siporte pour nou kapab – ed nou pour nou kapab ganny sa lofis. E mon *grateful for that* Praslin nou'n kapab ganny sa. I en konmansman.

E nou'n ganny nou en *staff* dan sa lofis. *And as you say* – ou konnen i kapab en senp keksoz. Sa *staff* i pa santi li byen i pa vin travay. Definitivman sa moman la i annan kliyan ki apros sa lofis, zot pa ganny sa servis e i annan sa fristrasyon.

So sa i en *area* kot nou'n mete devan. *Ok?* Nou'n mete devan. Nou panse poudir kekfwa nou bann sistenm nimerik, nou bann proze *Scanning* ti pou'n pli annavans. Konmsi ki ti pou kapab tir en pe plis sa problemn.

Me selman ou konnen nou vwar poudir avek larealite poudir dimoun annandler i kontan sa *human interaction*. Zot annan en problemn. Zot

anvi en gidans. Zot vin vwar sa dimoun la.

Espesyalman *when it comes to payment* osi. Nou ti pe ganny serten diskisyon osi avek Finans ki mannyer nou kapab fer *best* pour nou kapab anmas reveni ki atraver Praslin. E dan lefitir i en *area* kot nou panse diskisyon i reste *open*. Nou kontinyen pouse pour sa.

E *budget* i *permit* *next year*. Si sa presyon i kontinyen avek demann pour plis servis, *then* mon panse mon koleg Finans i la, i note. I ava kapab get dan nou *welfare*. *Thank you*, Mr Chair.

MR DEPUTY SPEAKER

Mersi. Ou annan klarifikasyon?

HON CHUCHILL GILL

Mersi pour ou larepons. Mon osi mon apresye ki Sekreter PS Finans i la. Mon krwar li osi i konpran si ou annan en biro ou napa *manpower*, i pa pou fonksyonnen. Alors, mon osi mon ti a sizere ki en keksoz i ganny fer lo la. Mersi.

MR DEPUTY SPEAKER

Mersi Onorab. I reste zis en dernyen Manm pou demann kestyon. Me i annan en kestyon ki mon ti ava kontan demande. Piblik i anvi konnen. Lo – mon pe get *current receipt* ki *Registration*

Division i kolekte. Zot kolekte en gran sonm larzan.

Donk, piblik ti ava kontan konnen ki bann *internal mechanism* i annan pou asire ki i annan tou bann *safeguard* kont okenn tantativ koripsyon, ouswa *under declaration of* bann keksoz parey *stamp duties*, ki Gouvernman i kapab ranmas sifizaman larzan ki zot pe prozekte pou ranmase? Mersi.

VICE-PRESIDENT AHMED AFIF

Mersi Mr Chair. Mr Chair, ou annan rezon. Gouvernman i anmas atraver *Registration Division* pour 2024 revize R119 milyon. E lannen prosenn bidzete 134. E byensir i en sonm ase sibstansyel ki zot pe anmase; pres R2 milyon par semenn. En kantite larzan.

Mon konnen zot travay enn dan bann konponan dan sa 133 zot a vwar 119 milyon i sorti dan *stamp duty*. E *stamp duty* en kantite fwa i baze lo evalyasyon later par egzanp, propriyete ki zot pe fer.

E mon krwar *Registrar General* son travay se vreman asire ki sa ki ganny mete kot zot i korek pour zot kapab *assess* sa *stamp duty*. Alor zot fer en travay etrwat avek Minister Later partikilye. Parfwa Minister Finans pou demann klarifikasyon.

E petet avek ou permisyon mon a demann *Registrar General* pou donn en pe plis detay. Me i en pwen ki *valid*. I enportan ki nou fer sir nou anmas larzan ki korek pou maksimiz reveni Gouvernman.

REGISTRAR GENERAL
WENDY ZIALOR

Thank you, Mr Chair. Yes, Mr Chair, you're right. E like VP in dir, en lot nou fonksyonnan nou kot Biro Lanrezistremman se rol – atraver rol Rezistrar Zeneral konman Stamp Duty Commissioner.

E atraver sa rol, nou *focus* bokou pou asire poudir nou anmas *stamp duty as it should* anba sa *Stamp Duty Act*. *Ok*, dan lepase in arive kot *stamp duty* i kapab annan bann ka ki'n *come up*. I kapab annan *under collection and* nou pa'n anmas sa kantite ki nou devret.

Mon'n mansyonnen taler kapasite i reste en *challenge* pour nou lofis. Atraver nou bann nouvo sistenm ki nou'n met an plas *right now*, nou fer sir poudir ki lemoman ki nou pe ganny nou okenn dokimantasyon, okenn lavant later, ki nou panse poudir sa konsiderasyon ki'n ganny *stated*, sa *value* ki'n ganny *stated* lo la in ganny *understated, using word of the Chair, if I may*.

So nou annan nou en mekanizm an plas ki pou *allow* Rezistrar konman *Stamp Duty Commissioner*, pou *have* sa valer ganny regard ladan. *And this is where Stamp Duty Commissioner i delegate* sa responsabilite avek en zofisye ki annan sa kapasite, sa leksptertiz pour li kapab evalye later.

E i vin kot – e lemoman ki'n fer sa i kapab fer li dan en *desktop* oubyen i al lo *site* i fer sa *assessment*. E lemoman ki i ganny sa, Rezistrar i *make the call as to whether to re adjudicate*. E *stamp duty* 5poursan i ganny kalkile lo sa nouvo valer. E anba Lalwa *this can be anytime* nou kapab rekipier okenn larzan ki nou panse ti devret ganny kolekte. So sa legalman i la.

Mr Chair, mon ti a kontan mansyonnen. Atraver *the Stamp Duty Act* ki nou pe revwar la kot Biro Atorni Zeneral, i pou ed nou osi pou anmenn en pti pe plis disiplin osi *when it comes to koleksyon stamp duty*.

Akoz mon krwar – si mon *memory serves me right*, ler mon ti vin Lasanble pour Bidze, nou ti mansyonnen *about en challenge in terms of serten bann debtors* ki nou annan. Kot bann dimoun oubyen avoka pe vin pey zot bann *dues* an retar.

E nou, nou panse poudir sa in ler pou arete. Menm si nou *stop* servis, be selman nou panse poudir nou bezwen entansifye disiplin ki enportan pou *get* sa bann dimoun.

Akoz i annan bann kliyan ki vini ki dir “wi, ou konnen, nou'n peye serten larzan”, be selman i pa ankore antre dan kof Leta.

So, *atraver the review of the Stamp Duty Act*, i annan serten provizyon ki pou *allow* Rezistrar pou enplimant serten penalti, pou *vedir* poudir reveni ki sipoze dan kof Leta i sipoze dan kof Leta.

E Mr Chair osi, nou kontinyelman koz avek nou bann *staff* - ou konnen, *I mean*, persepsyon an term donn faver, pa donn faver. Fer keksoz otreman *as provided under the law* sa i *remain* nou *area of focus*. Ou konnen, disiplin.

E mwan mon pas sa mesaz *out there* avek nou bann dimoun, se ki, ou'n anmenn en dokiman. Sa dokiman i sipoze pe ganny anrezistre *according to* prosedir ki anba Lalwa. Ou pa sipoze pe pey okenn *staff* okenn larzan, oubyen ou pe donn okenn faver pour ou kapab ganny ou dokiman.

Nou annan nou bann SOPs ki nou pou vin devan pour nou anonse piblikman dan medya, ki Seselwa pou

konnen poudir “ou konnen, in pran mwan tel kantite letan pour mwan ganny en dokiman”.

E si sa dokiman pa pe ganny delivre pandan sa letan, *then* mon bezwen *go back to* sa dimoun ki ansarz pou dir “be ki pe arive? Ou'n dir sa. Ou'n pronons lo sa. Ki pe arive?”

Then whoever is accountable, through me of course, i a bezwen ganny reponn keston. So annou aret ekspekte poudir i annan faver ki ganny donner dan sa bann prosedir. *Ok?* Annou anmenn disiplin dan lofis. *Ok?*

Dokiman, *staff* i konn son responsabilite. I ganny son lapey lafen dimwan. Ou pa sipoze pe rekonpans li pour luvraz ki i sipoze pe fer *in the first place*.

So sa nou kontinyelman – mwan konman Rezistrar mon kontinyelman, dan tou *meeting* ki mon gannye avek mon bann dimoun, mon kontinyelman koz lo la, pou fer sir poudir nou anmenn plis sa disiplin an term lafason ki nou travay. Pour nou kapab donn en pli bon servis. En servis osi ki nou piblik i kapab respekte nou e apresye. *Thank you*, Mr Chair.

MR DEPUTY SPEAKER

Mersi bokou *Registrar General*. Dernyen entervenan

lo sa *heading* se Onorab *Leader Government Business*.

HON BERNARD GEORGES

Mersi Mr Chair. Mr Chair, mon ti annan enn de kestyon. Me mon vwar ki mon kestyon lo *ease of doing business* in ganny touse dan plizyer repriz, alor mon pa ava al lo la. E mon ava reste lo mon sel kestyon.

Me avan mon al lo la Mr Chair, i annan en keksoz ki depi taler mon pe mazine, Lopozisyon in fer en kantite tapaz lo Bidze ACCS an konparezon avek Bidze Atorni Zeneral avek *Registrar General*.

Be mon pa'n war okenn propozisyon amannman mwan pou redwir Bidze ACCS e pou demann avek Minis anba *Order 81*, azout sa avek Atorni Zeneral, avek *Registrar General*.

Si zot ti serye dan Lopozisyon, olye zis koze, koze, koze e repete! Anmenn en amannman! Montre Lepep Seselwa ki zot la zot pe travay. Pa zis vin koze dan Lasanble e apre pa *achieve* naryen. Sa Mr Speaker, set en keksoz ki zot devret pe mazine kot Lopozisyon laba. Olye zis vini e gat nou letan.

Mr Speaker, mon kestyon se, *staff retention*. I annan mirmirasyon ki dan Departman *Registration Division* ki *staff* pa tro *happy*

avek lafason ki keksoz pe deroule. E i annan mirmirasyon ki serten kategori *staff* pe ganny priyorite lo lezot kategori *staff*, eksetera.

Reasir nou Manmzel Laporte bomaten, ki tou keksoz i an kontrol. Pa Laporte, *sorry*. Zialor – Zialor, *sorry*. Ki tou keksoz i an bon leta. Ki ou *staff* i *happy*. E ki zot kondisyon travay i *such* ki zot ava kapab donn 100poursan zot zefor. Pour ki travay *Registration Division* i kapab mars osi byen e a sa nivo ki i merite. Mersi Mr Chair.

MR DEPUTY SPEAKER

Thank you LGB. Mon ava envit *panel* pou reponn sa dernyen kestyon. Mersi.

VICE-PRESIDENT AHMED AFIF

Mersi Mr Chair. Mon a permet *Registrar*. Selman zis pou note ki, par egzantp si ou pran 2023, i zis 2 an pase, preski. Zot Bidze ti - pour *Wages and Salaries* ti R10.6 milyon.

Ozordi pour 2025 sa ki nou'n propoze, R15.6 milyon. i en logmantasyon sibstansyel. In kit 50poursan dan *wages* ki nou'n mete. Akoz zisteman nou rekonnet poudir nou bezwen donn zot plis resours pour zot fer zot travay.

Me selman, i – mon mazine, malgre tousala. E sa

bann Bidze ki mon pe koz 2023 – si i 2023 ti sa. Bann lannen avan ti pou bokou mwens. Alor i annan sa zefor pou kontinyelman donn zot sa sipor. Me byensir nou osi nou annan nou kontrent.

Me mon a permet ki *Registrar General* i a kapab donn plis detay lo ki i pe fer pou vreman amelyor sa servis ki nou tou nou pe rode. Mersi.

REGISTRAR GENERAL
WENDY ZIALOR

Yes. Thank you, Mr Chair. LGB, thank you for ou kestyon. Mon krwar mon pou konmans par dir pou dir, parey mon'n mansyonnen avan, staff retention has always been en bit of en challenge pour nou.

Akoz prensipalman parey mon'n mansyonnen, se ki dimoun i vini. Nou *train* zot. Nou *build* zot kapasite. *And then* zot ganny *poached*. Ou konnen, aköz sa kantite keksoz ki'n ganny ekspoze avek *and all* - zot valer – zot *marketability* i monte.

E zot ganny *poached*. E zot al dan bann lezot lenstitisyon kot zot ganny pli byen peye. Parey - *anyway*, dan Gouvernman nou respekte bann *rules* ek regilasyon *when it comes to* saler. So, mon pa kapab ofer zot plis ki mon kapab ofer zot.

So, selman mon bezwen admet poudir, wi annandler i

annan bann *challenges* ki nou gannyen an deor sa. *Ok?* Kot i annan parey mon'n mansyonnen, i annan en serten transformasyon ki nou fer.

Kekfwa vites ki ganny fer. Kekfwa i annan *staff* ki pa pe vreman ganny en konpran. Konmsi i annan *staff* kekfwa i annan en pe letan tou sa bann sanzman pe arive. En kestyon kominike en pe plis. Be selman *ultimately* parey mon kontan *share* avek zot, mon dir i annan en *goal* ki nou bezwen *achieve*. Se donn sa pli bon servis.

Annandler definitivman avek serten presyon ou tant pou panse poudir i annan serten *area* ki pe *take care of business*. Kekfwa i pa leka. Kekfwa annandler i bezwen plis mon lentervansyon personnel vizavi serten *staff*.

Be selman *LGB, there's so much that you can do*. Ou konnen? *This is where* mon depan bokou lo mon bann *heads* pou kapab ed mwan dan sa demars. E mon bann *heads* osi mon pou ekspekte si i annan bann – zot annan bann krentif, zot annan bann *challenges*. Zot vin devan zot koze. Zot fer tande zot lavwa. *E as much as possible* nou koze, nou gete.

Be selman malerezman i annan bann *area* annandler ki

ou napa sa swa. Par egzant si nou pe dir nou pou *move digital*. *You have to be on that bandwagon*. Si non, ou pou kit deryer. Ou konpran?

E ler nou koze, be i annan bann nouvo *staff* ki vini ki annan sa viger, zot annan sa lenerzi. Nou bann zenn dimoun nou konnen *digitalization* i zot *area of forte*.

So, as much as possible mon sey anmenn sa balans. E mwan mon *proud* pour mon dir *LGB*, poudir depi ler mon'n vin laba, tou sa *staff* ki'n ganny bann pozisyon eleve, i anba mon administrasyon.

Akoz mwan en keksoz; si ou annan potansyel mon pou pous ou devan. E i vin atraver kapasite *building, training* ki mon donn zot osi. Ki nou ofer zot. Mon pa mank en lenstans kot i annan en *training* deor pour mwan anvoy zot. Ou konpran?

So, mon travel mon anmenn zot avek mwan. I annan bann *exposure* ki mon dir mon pa pou *think twice about* anvoy mon bann dimoun pour zot devlop zot. Pou zot santi ki mannyer i ete. *So at least i build* zot konfidans ki pa bezwen-

You know dan le pase bokou lenstans ti Rezistrar, Rezistrar, Rezistrar. Konmsi ler Rezistrar pa la naryen pa marse. *But now* in sanze la. La mon kapab dir, mon kapab

pran en konze par egzant *knowing* poudir *staff* deryer pe *take care of business*.

I mean, nou pa kapab *please* tou dimoun selman *as much as possible* mon reste mon laport ouver pour mwan ekout zot. Mon sey fer sa ki mon kapab atraver mon *management of course*.

E *but you know*, i en travay ki kontinyel. Sa lantant avek ou, avek ou *staff*. Sa *leadership*. Ou konpran? *So yes, I mean* parey mon pe dir. *Yes, staff retention in a bit of en challenging one for diferan rezon*.

Be selman mon panse poudir *when it comes to* mon bann *staff, throughout the years*, zot in mon priyorite. Sa mon pou dir. *I've always pushed for their best interest*. E mon pou kontinyelman fer li *LGB. Thank you very much*.

MR DEPUTY SPEAKER

Mersi *Registrar General*. E *panel* osi pou zot enteraksyon avek nou ozordi. In ler aprezan pour nou pran vot lo sa de *headings* ansanm.

Savedir *The Attorney General's Chamber* ki ti lo paz 19 a 25 pour en sonm R42 milyon717 mil. Ansanm avek *Registration Division* lo paz 26 a 31 pour en sonm 20 milyon448 mil. Savedir sa i tonm *Legal – Department of Legal Affairs* pour en sonm

total azoute R63 milyon 165 mil.

Mon ava demann tou bann Manm ki an faver pou endike silvouple? Mersi. Eski i annan okenn Manm ki kont? Mersi Madanm Clerk.

Donk, vot lo *Department of Legal Affairs* trouve lo paz 19 a 31 pour en sonm R63 milyon 165 mil. I annan 25 Manm ki'n vot an faver. Napa Manm ki'n vot kont. Napa Manm ki'n *abstain*. Donk, baze lo lakantite Manm prezan dan Lasanble Nasyonal sa vot in pase par linanimite.

Sa in anmenn nou lafen nou sesyon pour la bomaten. Mon ava remersi bann zofisye ki'n zwenn VP. Sa i enkli *Registrar General* Ms Wendy Zialor, i annan osi Ms Saalimah Yusuf ki *Administrative Officer*, Mr Keven Morel *Senior Accountant* sorti kot *Registration Division*.

Apré nou de zofisye sorti kot Minister Finans ki avek nou depi bomaten, i Ms Astride Tamatave ki Sekreter Prensipal pou Finans avek Ms Laura Ah-Shung ki *Finance Analyst*. Mersi VP. Nou pou re war ou apré midi.

E parey mon ti'n dir Lasanble. Dapre program ki mwan mon annan nou pe zwenn 1er edmi. E sa i pour nou regard Bidze Departman La Defans. Donk, nou pou

adjourn la e nou pou rezwenn 1er edmi.

(BREAK)

DEPARTMENT OF DEFENCE

MR DEPUTY SPEAKER

Bonn apré midi tou dimoun. E mon ava dir en bonn apré midi spesyal e *welcome panel* ki fek zwenn Vis-Prezidan pour nou konsider Bidze Departman Ladefans trouve lo paz 32 a 37 pour en sonm R408 milyon 853 mil.

E *panel* ki fek vini, dabor i annan Brigadye Michael Rosette ki *Chief of Defence Forces*. Colonel Jean Attala ki *Chief of Staff*. Lo *side table* Ms Coopooosamy *Financial Controller* e osi Ms Aselma Pilate ki Direkter Zeneral. *Welcome*. E nou ankor annan nou 2 zofisye Minister Finans avek nou. Sa i Ms Tamatave avek Ms Ah-Shung. *Welcome*, e mon ava envit VP pou fer lentrodiksyon sa alokasyon. E apré nou ava pran kestyon.

VICE-PRESIDENT AHMED AFIF

Mersi bokou Mr Chair. Bonn apré midi Mr Chair. Bonn apré midi tou bann Manm Lasanble.

I en plezir pour mwan prezant Bidze Departman *Seychelles Defence Forces*

pour 2025 ki annan en total R408.9 milyon. E sa i ganny re partisyonnen konm swivan. I annan 3 konponan;

Saler travayer ki R207.8 milyon. *Goods and Services* ki R152.3 milyon. E *Capital Expenditure* ki R48.8 milyon. Sa Bidze R409 milyon konpar avek R401 milyon pour Bidze Revize pour 2024. Alor, en pti logmantasyon.

Mon ava profite pou donn detay sa logmantasyon. Premyerman anba premye kategori ki *Wages and Salaries* - saler. Sa in mont par 12 – *well* R13 milyon efektivman. 5.3 ladan i annan pou fer avek logmantasyon saler ki Gouvernman in anonse pour tou bann departman apartir Avril 2025. E sa i pou swiv par 7 milyon dan bann lannen swivan, par lannen.

I annan en logmantasyon R2.9 milyon osi anba *Wages and Salaries* ki pour gratite ki pou ganny peye an 2025. E answit, pou annan en logmantasyon R700 mil pour trezyenm mwan provizyon baze lo 80poursan *basic*.

Pou annan en logmantasyon 6.9 milyon pour sa ki nou apel *sea time allowance - promotions and salary enhancements*, ki deza reflekte dan *payroll*. Sa alor i a kouver sa logmantasyon anba *Wages and Salaries*.

Goods and Services par kont li in redwir par R23.6 milyon. E sa pli gran rediksyon i vin anba sa *item* ki nou apel *grants*. E senpleman parske sa bann *grants* in fini resevwar an 2024. Alor i pa pou ganny reflekte dan Bidze 2025.

Answit, mon ava al lo bann sonm ki nou kapab – ki tonm anba *Goods and Services*. *Office expenses* in ogmant par R1.1 milyon. Prensipalman, sa i kouver *uniform* ki'n mont par R627 mil. Delo ki'n mont par R370 mil. Avek *internet* ki in mont par R780 mil. E sa i annan pou fer avek bann kou e bann loperasyon ki zot pe fer an se moman ki zot pe bezwen bokou plis *internet*.

Transportasyon ek *Travel* i en pti logmantasyon R8 milyon. Me sa enn la ki la *Transportation and Travel* i kouver plito bann fre pour *fuel* pour bann bato avek bann avyon.

Parey zot konnen nou fer plis patrol ozordi. E erezman avek bokou plis sikse osi. E ladan laplipar se pour *fuel*. Nou annan avek *SDF* 12 bato avek 2 avyon ki fer sa bann patrol.

Maintenance and repairs en rediksyon R22 milyon. E sa rediksyon i vin senpleman parske bann *maintenance* ki

nou ti pou mete ki nou abitye fer, in ganny fer an 2024.

E laplipar sa bann *assets*. Sa bann byen parey bato ek avyon, bann *maintenance* – bann gro *maintenance* i fer tou le 2 an. Vi ki nou'n fer la an 2024, i pa pou aparet an 2025. Selman i pou re aparet an 2026 sa bann gro *maintenance*. Alor, pour 2025, Bidze i redwir par R22 milyon.

Materials and Supplies i annan en rediksyon R274 mil. I annan ki monte dan *Materials and Supplies*. Par egzantp *protective clothing* li i mont par R490 mil. Bann manze, *supplies of food* li in redwir par R737 mil, vi ki *SDF* ozordi i pe antreprann bokou bann fourni manze lo li menm.

Training fees en logmantasyon R1.3 milyon. E sa i pour bann *instructor*, pilot, enzenyer. E bann provizyon ki sa lannen zot pa ti ganny sans fer, me ki nou pe met dan Bidze lannen prosenn. I osi annan lasirans pour bato ki'n mont par R365 mil. E alors sa i ganny reflekte anba sa *cost heading*.

Anba *minor capital* en rediksyon R1.6 milyon. Sa se parske zot ti pou rod *minivan* avek transpor pour lannen prosenn. Me vi ki zot in fini ganny li sa lannen, nou pa'n met li dan Bidze 2025.

Grant i annan en rediksyon R10 milyon. Sa se parske sa *grant* ki nou ti pou met pour 2025 pour en bato militer ki nou ti pou ganny ek Lasin. I pou materyalize an 2024. Alors, nou pa bezwen met li an 2025.

Vwala an gro detay *Seychelles Defence Forces*. Mersi Mr Chairman.

MR DEPUTY SPEAKER

Mersi Vis-Prezidan. Donk, aprezan nou pou ouver lasal pour kestyon sorti kot bann Manm. E mon pou kriy premyerman, Onorab Roucou.

HON MICHEL ROUCOU

Mersi Mr Chair. Bonn apre midi Brigadye ek ou lekip. Bonn apre midi tou dimoun ki pe ekout nou.

Annefe konman en Manm Komite Defans dan Lasanble, mon ti anvi diriz mon kestyon lo *brass band* pour Brigadye.

Si Brigadye i kapab dir nou - nou konnen poudir ti annan serten travay ki zot ti pe fer lo sa *unit*, ki aprezan in enkorpor avek *SDF*. Si sa travay in kapab fini li menm li an term an zeneral? Si ou kapab donn nou en pti pe bilan lo la. Mersi.

VICE-PRESIDENT AHMED AFIF

Mersi bokou Mr Chair. Avek ou permisyon, Brigadye i a reponn.

BRIGADIER MICHAEL ROSETTE

Bonn apre midi Mr Chair. Bonn apre midi tou bann Manm Onorab. E mersi Onorab pour ou kestyon.

An sa ki konsern *brass band*, mon ava donn en pti pe en rezimen lo la lo travay ki'n ganny fer e ki zistans nou'n arive.

Sa travay li menm li ti konmans ler nou ti ganny latas pou fer li, i ti konmans ganny fer – son premye draf ti ganny fer par en enstriker lanmizik ki ti osi nou konsiltan lanmizik pour sa moman. I ti prodwir en premye draf lo en *Scheme* pour *Brass Band*.

Apre sa, sa draf in ganny pase avek nou Seksyon Resours Imen. Ki zot, zot in repas lo la. Fer konsiltasyon avek Biro Servis Piblik. E la zot in nobou tonm lo en lagreman lo ki mannyer sa *scheme* pour *Brass Band* pou ete. Akoz avan i pa ti egziste sa *scheme* pour *Brass Band*.

E zot ti tonm lo en konsansis lo saler avek grad tou bann mizisyen ki zot saler avek zot grad, ki mannyer i marse. E tou bann mizisyen zot bann kalifikasyon ti ganny,

si ou le, sertifye e *authenticated* par Minister Ledikasyon kot son biro.

E la an Oktob nou'n enplimant premye faz kot tou bann personnel dan *brass band* ki *full time* zot in nobou al lo sa nouvo *scheme* avek nouvo saler. Enkli zot bann nouvo *allowance*.

E *meeting* ti ganny fer pou ganny eksplike avek zot ki mannyer sa *scheme* i marse. E sa ti ganny fer boner an Oktob sa lannen. E nou'n napa okenn konplent.

Resaman bann personnel *brass band* ki *part time* si ou le, bann ki vin detanzantan vin zwe. Zot in fer serten, si ou le, serten demann oubyen serten komanter akoz zot le petet pas serten nide avek nou.

Me pour zot, zot bout zot *allowance* in ganny amande. Zot pou ganny li sa mwan. I *back date* depi Zanvyé. E zot ava esper sa. Nou ava ekoute. Nou'n fini met an plas pou annan en *meeting* avek zot avan lafen lannen pour nou ekout zot.

E mon krwar i en pa ki nou'n fer ki bon. E nou satisfé ki nou'n fer sa. I pa parfé. Nou rekonnet ki napa okenn keksoz ki pou parfé. Me nou ava annan plizyer *meeting* avek zot pou war si i annan defayans, kote nou kapab amelyore.

E nou'n osi annan konsiltasyon avek en pei zanmi ki nou'n an staz avanse, pour ki lannen prosenn zot deplway bann dimoun enstrikter lanmizik ki kalifye. Pou kapab donn *training* nou bann mizisyen e fer zot pas zot bann legzanmen pour ki zot grad i mont pli o.

E ler zot grad i mont pli o, otomatikman zot reminerasyon, zot *allowance* oubyen zot saler i pou monte. E se sa nide. Mon pa konnen petet si Ms Coopoosamy i annan pour li azoute lo la? *Ok*. Nou'n kouver tou. *I ok*. Mersi. Mersi Mr Chair.

MR DEPUTY SPEAKER

Mersi Brigadye. Mon ava donn laparol Onorab Aglae.

HON EGBERT AGLAE

Mersi Mr Chair. Mon a dir bonn apre midi Brigadye avek ou *accounting officer*. Mon konstate ki VP in mansyonnen ki i annan logmantasyon dan *sea time allowance*. E mon *happy* ki apre *PNQ US*, zot in ekoute.

(APPLAUSE)

HON EGBERT AGLAE

Mon kestyon i, si ou kapab donn nou en pti pe detay ki manner sa logmantasyon pou marse *from existing* e kot i pe al arive la? Sa i enn.

Dezyenm, mon war i annan en gro logmantasyon dan zot *food and ration supply*. *Almost* R4 milyon dan zot laliny *line budget* la.

Mon ti a kontan konnen aköz sa gran – si i korek? Aköz i sorti 5.9 pou mont 9.7 *million*. Si zot kapab donn mwan en leksplikasyon. Mersi.

MR DEPUTY SPEAKER

Mersi Onorab. *Panel?*

VICE-PRESIDENT AHMED AFIF

Mersi Mr Chair. Mon krwar lo premye konponan kestyon, petet lo *sea time*. Parey ou konnen, tou keksoz in monte, enkli *wages*. *Sea time* osi i monte. Me selman mon mazin en Brigadye avek Ms Coopoosamy i kapab donn en pe plis detay.

Lo kote *Goods and Services*, mon pa tro konpran kot ou'n ganny – ki paz ki ou pe koz en logmantasyon. Parske *Goods and Services* in sorti Bidze Revize R176 milyon pou vin R152 milyon. Kekfwa ou pe koz Bidze 2024?

HON EGBERT AGLAE

Materials and supplies.

MR DEPUTY SPEAKER

Dan – *Materials and supplies* dan detay *Goods and Services* i dan premye latab, dernyen

kare anba. Dezyenm laliny anba *medical supplies*. I sorti 5.6 pou vin 9.7.

VICE-PRESIDENT AHMED AFIF

Ok, Ms Coopposamy i ava donn detay lo sa enn la. Mersi.

FC NELLIE COOPOOSAMY

Bonn apre midi tou dimoun. Mersi Onorab pour ou kestyon. Lo kote *sea time*, i pa'n monte *per se*. I reste R500 pour tou le nwit ki bann militer i fer lo bato.

Ki VP pe dir, lakantite ki'n ganny bidzete par mwan nou'n fer li *on an average of* R664 mil par mwan *average*.

Lo kote *food and ration* ou pe war li monte anba 1:1. Parey VP in eksplike, nou'n sanz fason. Militer in *take ownership*. Li menm li ki pe aste son manze. Li menm li i pe kwi son manze. E sa i anba program 1:1, kote ou war sa gran *increase* in vini. Akoz tou manze militer pour dimoun ki lo later, i aste anba 1:1.

Tandis ki dan bann lezot program ou pou war en rediksyon lo la ki nou'n redwir lo lezot program pou anvoy dan 1:1. Selman ler ou gete *overall*, i annan en *decrease overall* dan Defans pour *food and ration* sorti 20.7 pou desann 20 milyon. Mersi.

MR DEPUTY SPEAKER

Mersi. Nou pou pas lo lot kestyon. E mon ava donn laparol Onorab Conrad Gabriel.

HON CONRAD GABRIEL

Mersi Mr Chair. Mon a dir bonn apre midi *panel*. Premyerman Brigadye in donn nou en apersi lo *brass band*. Sa *scheme* ki'n ganny revize?

Zis dabor mon ti a demande. Apard sa 7poursan logmantasyon pour bann larestan dimoun. Larestan solda *or* dimoun. Ki zot annan ankor *scheme* – dan *scheme* pour lezot travayer? Petet zis donn nou en pe detay lo la.

And then ler mon get zot *current challenges*, i annan “*increase complexity of illegal activities in view of vast area of operation*”. Zis mon ti a kontan demande ki kantite vesel ki zot annan *at least*, pou fer sirveyans lo nou lakot Sesel an antye. Mersi.

MR DEPUTY SPEAKER

Mersi Onorab. *Panel?*

VICE-PRESIDENT AHMED AFIF

Mersi Mr Chair. Avek ou permisyon Brigadye i kapab adres tou lede.

BRIGADIER MICHAEL ROSETTE

Mersi. Mon ava reponn dezyenm bout apre mon a les avek *FC* pour premye bout.

Akoz parey nou'n mete dan nou bann *challenges*, nou landrwa ki nou *operate* se prensipalman nou *EEZ Continental Shelf*. E parfwa menm an deor dan *high seas*. E i tre vast.

Mon krwar nou'n fini mansyonnen taler. *VP* in donner sif kantite bato ki nou annan pe patrol, swa bann lakot kotyer oubyen dan *haute mer*.

E parey nou'n fer sorti, nou annan ankor 2 bato pe vini. I annan enn pe arive byento. Sa enn Lasin. E i annan en lot sorti Lenn pe arive posibleman, swa lafen sa lannen oubyen boner lannen prosenn.

E kantite aktivite ki'n ogmante dan sa *zone* mon krwar i demontre par kantite arestasyon ki nou'n fer pandan sa bann lannen pase.

Lannen pase nou'n aret bato ki pe tranzakte drog. Sa lannen. Nou'n aret bato ki pe fer lapas ilegal ki nou war en gran ogmantasyon.

Nou'n osi aret bann lezot pti bato ki pe fer bann lezot aktivite, oubyen bann krim, oubyen bann keksoz ilegal lo lanmer, swa pre ek lakot oubyen pli lwen an deor.

E sa i reste touzour en defi parey mon'n dir, lo grander nou teritwar ki nou annan pour nou patrole. Me nou sey tou nou mye pou kapab diminyen sa bann aktivite.

Mon krwar de firamezir ki nou ale nou war bann lezot dimoun sorti dan bann lezot pei, zot vwar ki i ankor annan ankor en kantite resours. Fason ki nou'n *manage* e protez nou bann resours, zot krwar zot kapab vini e vin sey eksplwate pou kapab ganny en gen pour zot ladan, swa personnel, swa pour en lot *partner*.

Me mon krwar bann bato ki nou annan avek kalite zonm ki nou annan ozordi, mon krwar nou pe fer en travay tre efikas. E nou plizoumwenn arive aret en kantite sa bann bato gras bokou a bann sistenm lentelizans ki nou annan.

E parfwa menm nou bann dimoun lokal ki pas bann lentelizans, ki zot vwar pe pase lo lanmer avek nou. Mon a pas lot bout ou kestryon avek Ms Coopoosamy.

FC NELLIE COOPOOSAMY

Mersi Onorab pour ou kestryon. Lo kote *scheme*, nou'n fini *set up* komite pou travay lo *scheme* pour Defans antye.

E sa nou ekspekte – travay pa ankor fini. Nou ekspekte anmenn li dan Bidze 2026 pour nou demann larzan pou *fund the scheme*. Mersi.

MR DEPUTY SPEAKER

Mersi *FC*. Mon ava donn laparol Onorab Romain?

HON GEORGES ROMAIN

Bonn apre midi Mr Chair. Brigadye, *VP* bonn apre midi ek ou *panel*. Mr Chair, mwan mon kestyon mon pou –

Anvi ki mon'n tann Brigadye mansyonnen ki i annan 2 nouvo bato ankor ki pe antre dan zot *fleet*, e sa i bann sikse ki kekfw i pe vini atraver nou Prezidan, sa bann vizit ki pe ganny fer an deor pei.

E la mon ti a kontan demann Brigadye, mon konnen zot annan en problemn zonm kekfw mon mazine, pou met lo sa bann bato. E nou konnen zot pe fer vremen en louvraz vremen merveye pe aret sa bann lapes ilegal, pe aret sa bann tranzaksyon drog dan nou *EEZ*. E pour sa mon felisit zot. Kontinyen ek sa bon travay Brigadye.

Mon kestyon. Ki zot pe fer pou kapab atrakte plis zenn pou pran sa metye, e osi vremen ki kalite bann *incentive* ki annan an plas pou atrakte zot?

Apre mon dezyenn kestyon Brigadye. Kekfw *VP*. Ki bann – parey bann *training*. Mon konnen bokou bann zofisye ozordi pe al *training* an deor pei. E nou pe vwar sa. Tanzantan nou pe vwar lo televizyon zot pe al *State House* bann nouvo zofisye ki'n tournen.

Ki bann pei – kekfw mon kapab dir bann pei zanmi. Oubyen ki bann laranzman ki zot annan ek bann pei ki kot Seselwa pe al bann *training*? Si ou kapab dir nou apre kantite zofisye in ale? Apre ki bann pei kot nou bann zofisye pe ale? Mersi Mr Chair.

MR DEPUTY SPEAKER

Mersi Onorab. *Panel*?

VICE-PRESIDENT AHMED AFIF

Mr Chair, avek ou permisyon mon krwar Brigadye i kapab adres tou lede. *Incentives* pour bann *staff* avek bann pei pour *training*. Mersi.

BRIGADIER MICHAEL ROSETTE

Mersi Mr Chair. E mersi Onorab pour ou kestyon. An sa ki konsern *manpower*, nou konnen toultan partou dan Sesel i annan sa problemn *manpower*. Me nou fer bann kanpanny ase agresiv.

Nou *HR* sak fwa ki annan bann *fair* – bann *job fair*. Nou

prezan. E resaman nou'n pas osi partou dan bann lekòl osi e fer bann piblisite, bann avertisman pou rekrit bann zenn. Sirtou bann zenn ki kapab. Ki annan kapasite. Ki annan kapasite, si ou le, pou travay e pou devlope.

E mon krwar sa lannen e lannen pase nou'n vwar i annan en logmantasyon lo kantite zenn ki'n *join* militè. E sa i en bon siny. Akòz bann loportinite parey nou fer sorti, ki annan pou zot devlope, i tre vast.

Ou'n mansyonn bann *incentive*. Nou donn zot plizyer *incentive*. An term zot saler li menm i en saler ki rezonnab konpare avek bann lezot sektè. Bann *allowance* ki zot gannnen. Bann loportinite pou al aletranze. Swa pou al partisip dan legzersis. Swa zot menm letan bato i al fer bann *dry docking*, oubyen avyon i al fer *servicing* deor. Zot osi zot ale.

Me an term ledikasyon ki nou gannnen avek bann lezot pei. I bokou. Nou ganny bann pei zanmi. Sirtou, nou annan Lenn, Lanmerik, *La France*, Lasin. E sirtou *La Reunion* i donn nou. E nou annan en kantite lezot.

Nou annan bann marmay menm i annan ki pe fer bann pli o letid lo nivo degre *master*. Nou annan 2 Lasin ki pe fer degre. Nou

annan *Hungary* en ners ki pe fer son degre dan *nursing*. Nou annan osi dan Lenn bann ki pe fer *cadet*, epi bann ki al pli o fer *master* ler zot fer zot *staff course*. Tou sa nou annan. I annan en kantite loportinite.

Menm nou dir ki sa kantite ki nou gannnen parfwa i plis ki, si ou le, solda ki nou annan pou anvoy dan sa bann lenstitisyon pour *training*. Mersi.

MR DEPUTY SPEAKER

Ou annan klarifikasyon?

HON GEORGES ROMAIN

Mersi Mr Chair. En pti leklersisman. Brigadye, mersi pour tou larepons ki ou'n donnen. I byen kler.

Zis mon ti anvi demande Brigadye, anvi parey ou'n dir sa kantite *training* ki nou pe gannnen. Eski dan ou bann letan avan, zot ti annan sa bann fasilite *training* bokou koumsa parey nou annan dan sa bann letan – bann dernyen 2 an mon kapab dir? Mersi Mr Chair.

BRIGADIER MICHAEL ROSETTE

I ti annan, me sa 2 dernyen lannen nou'n war en logmantasyon sibstansyel lo bann pei ki pe vin kot nou, pou antre an partenarya pou annan bann korperasyon Defans, si ou le. Siny bann

Lagreman Defans avek nou zisteman pour sa. Pou donn nou bann fasilite *training* e legzersis avek zot. Mersi.

MR DEPUTY SPEAKER

Mersi. Onorab Spiro.

HON RACHEL SPIRO

Mersi Mr Chair. Bonn apre midi Brigadye avek ou lekip. Mon kestyon i an relevans avek *current challenges* ki ou pe *face*. E ou'n dir ki *modern investment* dan teknolozi modern i enn ou bann defi.

E tenan kont ki nou annan gran sipèfisi maritim pour nou kouver, e osi lezot konponan militè, mon pe demande, ki ou'n demande petet dan ou Bidze ki kapab kouver en pe bann teknolozi modern?

Akoz letan mon pe gete mon war zis en *escort vehicle* ki ou'n gannnen *in kind*. Mon pa konnen si i annan la dan ou Bidze ki ou'n gannnen an term teknolozi modern. Oubyen si ou'n fer en *request* ou pa'n gannnen. Kisisa ki ou ti anvi gannnen ki kekfwa ti ava gete ki manner i aziste ou Bidze? Mersi.

MR DEPUTY SPEAKER

Mersi Onorab. *Panel?*

BRIGADIER MICHAEL ROSETTE

Mersi Mr Chair, e mersi Onorab pour ou kestyon. Sa i prensipalman i bann teknolozi tre avanse ki nou ti a swete annan. Me selman nou konpran son kou ki i vin avek pour lemoman i difisil pou kapab - pour nou pei menm pour li kapab aste.

Nou'n partisip dan plizyer legzibisyon militè sa bann lannen pase. Menm sa lannen mon'n ale. Nou'n al fer vizit dan plizyer pei pou vwar bann teknolozi ki egziste. E teknolozi militè li menm i kout bokou.

E nou prensipalman nou depan bokou lo bann *grant*. Lo bann pei zanmi ki ofer nou bann teknolozi. Sirtou pour sirveyans maritim. Posibleman kekfwa par ler sa bann teknolozi ki ou gannnen i pa vreman sa enn ki ou ti ava swete annan. Ou ti a swete annan enn en pe pli avanse.

Me selman i difisil. Nou konpran i difisil par ler pour nou pei envestir dan bann lekipman ki tre ser pour Lafors Defans. I annan petet bann lezot priyorite a sa moman ki i pa permet nou.

Me selman nou mete ladan poudir nou ti a swete annan bann teknolozi pli performan, menm si nou pa'n gannnen. Mersi.

MR DEPUTY SPEAKER

Mersi Brigadye. Mon ava pas laparol avek Onorab Vidot.

HON AUDREY VIDOT

Mersi Mr Chairman. Mon a dir bonn apre midi Brigadye avek ou delegasyon ki ek ou.

Premyerman mon bezwen dir mon apresye ki Prezidan Larepiblik ki ler in met sa soulye Konmandan Sef in war lenportans envestir dan nou bann larme pour plis *training*. Prenan kont ki i ti dir i ti pou fermen.

Lo sa laliny, mon ti a kontan demann avek Brigadye. Prenan kont ki i annan en logmantasyon R161 mil dan *training*, si ou kapab dir nou petet ki bann kad ki zot in *plan* pour zot benefisye sa lannen?

Eski bann *training* pou baze plis lokalman oubyen i pou annan en balans - si i pou osi aletranze?

Mon dezyenm kestyon, mon vwar i annan en logmantasyon dan *local consultancy fee*. En logmantasyon par R207 mil. Si ou kapab donn nou en pti leksplikasyon lo la. Akoz lannen pase dan revizyon 2024 ti 69 mil. So, mon war en gro logmantasyon. Si ou kapab donn nou en leklersisman.

E zis pou konklir, mon ti a kontan Brigadye si ou kapab

extend en remersiman avek Mr Darrel Payet ek son lekip ki ti fer en prezantasyon avek Lekol *Plaisance* Segonder dan *Career Fair*, pou ankouraz bann zenn pou konsider al dan larme. Mersi.

MR DEPUTY SPEAKER

Mersi Onorab. *Panel?*

VICE-PRESIDENT AHMED AFIF

Mr Chairman, mon le zis pas en komanter ki sa ki Prezidan Ramkalawan ti ensiste lo la. E in arive ozordi. Se nou fer plis nou resours pou al dan patrol nou *EEZ*. Se egzakteman ki pe arive ozordi! Se sa ki pe anmenn sikse avek militer ozordi!

(APPLAUSE)

VICE-PRESIDENT AHMED AFIF

Pour larestan, mon a permet ki Brigadye i a kapab reponn. Mersi.

BRIGADIER MICHAEL ROSETTE

Mersi Mr Chair, e mersi Onorab pour ou kestyon. An sa ki konsern *training fee*. Si ou war sa logmantasyon.

Prensipalman lo la nou pe fer bann *training* a leksteryer pou bann pilot *Air Force*. Pour lemoman kot *Air Force*, mon annan zis en pilot

ki en enstrikter. Pou kapab *train* bann lezot zenn pilot pour *Dornier*.

E sa larzan nou pe servi li pou *train* enn nou dezyenm pilot pour li vin en enstrikter. E nou pou *train* lezot pilot pour zot kapab pran Kaptenn lo nou *Dornier* pour nou a lavenir kapab redwir bann zofisye Endyen ki ankor lo *deputation* avek nou.

E an sa ki konsern sa enn lo *consultancy fee*, ti en *fee* ki ti la avan pour en *consultant* ki ti pe fer en pe travay pour nou. En *consultant* lokal. Nou pe re entrodwir sa pour nou kapab re servi bann *consultant* lokal dan le fitir lo la. Se sa ki'n ogmante. Mersi.

MR DEPUTY SPEAKER

Mersi Brigadye. Nou ava pas lo lot kestyon. E mon ava apel Onorab Loizeau.

HON NORBERT LOIZEAU

Mersi Mr Speaker. Bonzour VP ek ou delegasyon. Mr Speaker, permet mwan pour mon felisit Brigadye ansanm avek Konmandan Sef Prezidan Larepiblik, ki'n fer ki ozordi nou annan en larme ki vreman profesyonnel. Ki zot lwayote i pa anver parti politik, me plito anver pei li menm. Mon le felisit zot.

(APPLAUSE)

HON NORBERT LOIZEAU

Mr Chair. Kestyon ki mon anvi – mon ti annan 2 kestyon. Enn Onorab Georges Romain in fini demande. Alors, mon a demann zis enn.

Anba *current challenges* in fer resorti ki “*increase complexity of illegal activities in view of the vast area of operation*”.

Vi ki pou annan en zoli devlopman touristik lo Asonpsyon, e dapre en prezantasyon ki *IDC* ti fer ek nou, *Coast Guard* osi pou ganny enkorpoire dan sa devlopman, ki byen.

Eski - mon anvi demann Brigadye, ki benefis sa pou anmennen pour zot *Coast Guard*?

E osi, vi ki – eski i annan provizyon dan Bidze ki pou ed zot kapab delivre lo sa *current challenges* ki mon'n gete la, anvi ki zot pou annan en prezans laba? Mersi.

MR DEPUTY SPEAKER

Mersi Onorab. *Panel*?

BRIGADIER MICHAEL ROSETTE

Mersi Mr Chair, e mersi Onorab, pour ou kestyon. Onorab, an sa ki konsern Asonpsyon, nou deza annan serten fasilite lo Asonpsyon.

Nou annan en Stasyon Radar. Mon annan fasilite pour zonm. Mon kapab *cater*

pour en pe zonm lo Asonpsyon.

Lavantaz ki nou pou gannnen se enn se son *airstrip* in ganny elarzi, amelyore. Nou kapab fer *night landing* dan le fitir avek nou avyon. Avan nou pa ti kapab fer *night landing* lo Asonpsyon.

Dezyenmman, son *jetty* pou ganny aranze. Nou bato pou kapab koste direkteman.

E trwazyenmman, nou'n fini annan laranzman avek *SEYPEC* e *IDC*, pou annan en stokaz *fuel* lo Asonpsyon pour avyon avek nou bato.

Donk, ler nou pe antreprann bann patrol dan sa rezyon Asonpsyon, Aldabra, Cosmoledo, enkli petet Alphonse, Providence, i pou parey en dezyenm landrwa parey Mahe kot nou kapab ale. Nou *crew* i kapab al repoze. Zot kapab al *refuel* bato e kontinyen zot travay san ki zot vin Mahe.

E sa i pou donn nou en gran lavantaz. Nou kapab kouver sa rezyon pli byen. E letan tou i marse, enkli radar ki la i dan faz pe refer, *building* i dan faz kot twatir pe ganny sanze pou met beton pou li vin *cyclone proof*.

Mon krwar ankor dan detrwa mwan lannen prosenn nou pou kapab revwar tou nou sistenm patrol dan sa rezyon e vin pli prezan e performans dan sa rezyon. Mersi.

MR DEPUTY SPEAKER

Mersi Brigadye. Mon ava apel Onorab Gill.

HON CHURCHILL GILL

Mersi Mr Chair. Bonn apre midi Brigadye avek ou bann zofisye. Mon premye kestyon. Vi ki ou'n fer sorti ki ozordi i annan bokou plis loportinite pour bann zofisye al fer *training* aletranze, e ou Bidze pour lannen prosenn osi, dan *training* ou dir pou kouver *training* ki pou fer aletranze.

E mon kestyon se, aköz anba *overseas subsistence allowance* in desann pour apepre R600 mil konpare avek lannen pase, vi ki sa bann dimoun ki al sa bann *training* zot osi *legible* pou ganny en *overseas subsistence allowance*?

Mon dezyenm kestyon. Pour *long service allowance*, anba Program SP2 ek SP3, in monte konpare ek 2024. Me selman SP2 ek P2 par lao zot, zot in desann.

Aköz ki si en bann i monte, tou pa mont parey? Eski ou kapab donn nou en leksplikasyon silvouple. Mersi.

MR DEPUTY SPEAKER

Mersi Onorab. Panel?

BRIGADIER MICHAEL ROSETTE

Mersi Mr Chair e mersi Onorab. I pa en rediksyon

sibstansyel akòz lannen prosenn prensipalman nou annan en pe aktivite lokal ki plizoumwèn pou redwè en pe nou bann marmay aletranze. Sirtou an sa ki konsèrn legzersis.

Akòz nou pou annan legzersis avèk rezyonal *Cutlass Express* ki li i pou fè isi. Enn son pli gro konponan pou isi, donk nou pa pou bezwen fè gran depasman aletranze.

I kouvenn osi bann bato ki al fè *dry docking* aletranze. Sa i kouvenn osi anba la. Parey nou'n fè sorti, nou pou napa avyon ek bato aletranze. Donk, nou pou napa sa gro *allowance* pou peye pou bann ki ale. *Overseas subsistence allowance* pou peye pou bann marmay kapab ale.

Epi nou pou annan osi, letan pe fè *Beach Soccer* isi. Nou pou annan en gran konponan nou lafòs ki pou asiste lapolis. Donk, nou pe retenir en pe nou bann dimoun pandan sa letan isi.

Donk, se sa ki nou'n prevwar nou'n kalkile. E nou pou napa sa kantite depasman aletranze ki en pti rediksyon, si ou le, lo la. Me selman lot bout mon ava les avèk Ms Coopooosamy pou reponn lo la.

FC NELLIE COOPOOSAMY

Onorab, konsènan kan – *in regards to long service*

allowance. Manner nou bidzete li, nou bidzete li lo lakantite dimoun ki lo *payroll*.

I annan de ka kot lè en dimoun in sorti – in kite, *then* son *long service* i desann. Apre osi tou, Defans i bouz dimoun between son diferan *unit*. Sa ki ou war ki en dimoun lè in bouze, son *long service* i ganny *budgeted* dan sa lot *unit* kot i ale.

MR DEPUTY SPEAKER

Ou annan klarifikasyon Onorab?

HON CHURCHILL GILL

Yeah, Mr Chair. Mon annan zis enn. Leksplikasyon premye mon'n konpran tre byen. Dezyenm osi i *ok*. Zis selman mon le ganny en garanti ki sa desann ki i desann i zis sa *move* sa *personnel*. I pa tous son *allowance* ki i pe gannyen. Se tou.

Zis mon le en garanti lo la. Akòz ou'n dir nou sa akòz dimoun i bouze. Me selman mon anvi zis fè sir lè zot bouze, napa lenstans kot i koupe. Mersi.

MR DEPUTY SPEAKER

Panel i kapab –

FC NELLIE COOPOOSAMY

Non Onorab, nou pa pe koupe. I sa dimoun in bouz dan en lot *unit*, so i ganny *budgeted there*. Non, i pa pou desann.

Nou pa koupe *long service*.
Yes.

MR DEPUTY SPEAKER

Mersi. Mon a donn laparol
Onorab William.

HON WAVEN WILLIAM

Mersi Mr Chairman. Bonn
apre midi Brigadye avek ou
lekip. O debi mon ti a kontan
felisit Lafors Defans pour sa
travay ki zot pe fer. E mon
krwar poudir i pe vreman
anmenn benefis. An menm tan
nou pe vwar en pti pe plis
upscaling of sekirite lo nivo
maritim.

Mon kestyon i konm
swivan Mr Chairman; Mon
anvi demann avek Brigadye,
baze lo son leksperyans dan
La Defans, si i santi poudir
ozordi dan Ladefans konpare
ek oparavan, i annan plis sa
nivo *accountability*, rann kont
e latransparans?

E dezyenmman. Mon
anvi demann avek Brigadye.
Par lefe ki nou konnen. E li
menm li in dir sa poudir –
letan mon pe get bann
challenges. Bann mankman
bann lekipman, ensidswit.
Teknolozi modern.

Si sa bann bato ki nou pe
gannnen, bann Lagreman i
enkli osi protokol pour en
serten *time frame* lo kote *spare
parts* avek *maintenance*?

Akoz mon konnen poudir
dan lepase nou'n ganny bokou

difikilte vizavi sa aköz enn
parey ou dir, i kout ser.

Eski dan sa bann
Lagreman avek sa bann pei
zanmi, nou pe enkli sa ladan?
Mersi.

MR DEPUTY SPEAKER

Mersi Onorab. Mon ava envit
panel pour en larepons?

**BRIGADIER MICHAEL
ROSETTE**

Mersi Mr Chair e mersi
Onorab pour ou kestyon. Mon
krwar nou'n fer en kantite
travay an sa ki konsern
Ladministrasyon Defans pou
anmenn li anliny avek en
lafors modern. En lafors ki
kredib.

E mon krwar ozordi nou
– letan nou get fason ki nou pe
operate, li menm i demontre ki
kalite lafors nou ete. E
rekognisyon ki nou gannnen
par bann lezot pei zanmi ki
vini ki fer *training* avek nou. E
menm lokalman, nou war ki
nou ganny rekonnet en kantite
ozordi konman en lafors ki'n
avanse, ki'n fer progre e ki
transparan, ki profesyonnel.

An sa ki konsern bann
teknoloji. Bokou fwa nou
gannnen bann lekipman avek
bann pei. Nou'n adopte en
prensip ozordi. Si nou war ki
en lekipman ki nou pe
gannnen i pa pou vreman ed
nou. Me plito i pou vin en fardo
lo nou. Nou dir ek sa pei mersi,

nou pa bezwen sa kalite lekipman.

Si nou war en lekipman ozordi ki pou benefisye nou, i pou ed nou pou kapab fer nou louveraz, menm si pa 100poursan. Me i en lekipman ki pou ed nou. Nou aksepte lo la.

E ler nou aksepte li, nou fer sir nou get kondisyon ki zot pe donn nou lo la. Kondisyon ki sa lekipman i pou servi nou meton plis ki 10 an, 15 an. E sa lekipman i pou annan pyes ziska 10 an, 15 an apre i pou ankor annan pyes ki nou kapab gannnen. Nou kapab met li an mars, fer li marse.

E se sa prensipalman. Nou pe vey byen sa bann Lagreman pour nou pa pri dan bann latrap. E fer sir ki bann pei ki ed nou i vreman bann pei ki anvi ed nou. Me pa tir en fardo kot li pou anvoy kot nou. Apre nou pa kapab servi. Mersi.

MR DEPUTY SPEAKER

Mersi Brigadye. Ou annan klarifikasyon?

HON WAVEN WILLIAM

Mersi Mr Chairman. Savedir Brigadye, ou pe dir mwan poudir dan lepase nou'n erit bann fardo ki nou pa'n kapab...?

BRIGADIER MICHAEL ROSETTE

Wi, parfwa in deza – nou'n deza gannnen bann serten lekipman ki apre in difisil pour nou kapab – in tro vye pour nou kapab mentenir li. Oubyen pou kit li an mars pour en kantite letan. Mersi.

MR DEPUTY SPEAKER

Mersi Brigadye. Mon ava donn laparol Onorab Loze.

HON JOHAN LOZE

Mersi Mr Speaker. Dan lepase nou'n erit fardo parey sa transpor *Nyala* lo por ki zot in fer vini.

Mr Speaker, mon kestyon pour Brigadye i pa tro konplike mon. Mon konpran ki le 30 sa mwan pou annan lansman en Lasosyasyon *Ex-Servicemen*.

E kestyon ki mon le poz ou se, eski ou deza posed en *Unit of Veterans Affairs* ouswa *ex-servicemen* dan *SDF*? Si non, eski ou santi ki *SDF* in ler pou komans al dan sa bann direksyon? Akoz depi 78 ziske 2024 mon krwar i fer 46 an, nou estimen ki ou bezwen annan plis *ex-servicemen* ki *active duty servicemen* an se moman.

So, mon pe mazin si zot pe konmans annan en panse atraver Bidze pour zot met an plas en relasyon avek zot bann ex solda? E si wi, si

zot pou demann provizyon bidzeter?

Akoz mon vwar nou, nou siport byen. Nou met *poppy* lo nou. Nou al kot *Cenotaph*. Nou siport bann *ex-servicemen* Angle. E mon ti a kontan si nou fer parey pour sa ki pour nou. Mersi Mr Speaker.

MR DEPUTY SPEAKER

Mersi Onorab. *Panel*?

**BRIGADIER MICHAEL
ROSETTE**

Mersi Mr Chair e mersi Onorab pour ou kestyon. Lo sa lasosyasyon ki ou pe sa, mon'n tandé. Mon pa konnen. Mon pa okouran lo sa enn.

Me selman nou, an sa ki konsern nou Departman *HR* ek nou Seksyon *Welfare*, i an kontak avek bokou bann solda ki'n kite. Nou *HR* nou pe devlope pou annan sa Seksyon Veteran ladan.

Nou deza pe fer en kantite travay. E nou Seksyon *Welfare* i pase, i al vizit en kantite bann ansyen solda ki malad. Kot zot bezwen lasistans, nou donn zot, kot nou kapab.

I annan ki malerezman i mor, i vin kot nou. Nou annan nou lomonye ki asiste fanmir; donn zot sipor. E menm fer lanterman bann ansyen solda nou fer. Mersi.

MR DEPUTY SPEAKER

Mersi. Ou annan klarifikasyon?

HON JOHAN LOZE

Mr Speaker, si Brigadye i pare pou met en demann dan Bidze pour lannen prosen, pour li met an plas en seksyon. En proper seksyon pour son *Veterans Affairs* dan son *HR*, nou pou pare pou siport li. Mersi Mr Speaker.

MR DEPUTY SPEAKER

Mersi Onorab. Dernyen entervenans ki'n endike i le koze lo sa lo sa *heading*, Onorab Adelaide.

HON FRANCOIS ADELAIDE

Mersi Mr Chair. Bonn apre midi Brigadye, Kolonel Attala e avek ou lekip. Dabor mon osi mon oule felisit Departman Lafors Defans pour zot bon reisit ki zot fer pour nou pei. E esperon ki nou kontinyen pour nou kapab kontinyen protez nou pei.

Petet mon kestyon i pou al pour *VP* petet. Zot in elabor en pe lo la. Be selman mon ti anvi al en pe pli profon. Mon vwar sitan sikse par Lafors Defans pandan sa dernyen 4 an.

So, mon le sey demande. Eski avan sa, eski ti napa bokou lentere, ouswa petet eski bann resours pa ti pe byen ganny servi, pour ki

ozordi mon trouve konmsi i annan bokou sikse, e petet si ou kapab eksplik nou kote sa sikse i vini? Mersi.

MR DEPUTY SPEAKER

Mersi Onorab.

VICE-PRESIDENT AHMED AFIF

Mersi Mr Chair. Petet mon a reponn en bout sa keston. E Brigadye i a kapab met lo son perspektiv.

Mon krwar diferans i vin atraver sa kalite lafors ki nou nou'n anvi annan. E ki mon krwar bokou bann profesyonnèl dan militer ti osi anvi annan.

Ki zot annan zot en lafors ki absoliman profesyonnèl. Ki regard dan en fason pozitif lo ki zot kapab fer dan zot travay. Kot i annan lonnekte an term lafason loperasyon i ganny fer. Kot napa okenn dimoun dan lafors ki annan *vested interest*, parey nou dir.

Kot, si nou misyon se pou atrap drog. Nou pe al atrap drog. Si nou pe al lo lanmer, nou pe al rod drog lo lanmer. Nou pe al rod drog lo lanmer. Napa *diversion*. Napa bato ki pou fer isi. Ki pou fer laba. Napa dimoun pou koz avek.

Nou pe travay konman en lafors profesyonnèl. E se sa ki'n anmenn rezilta. Nou'n met lanfaz lo *training* bann zofisye.

Nou'n met lanfaz lo tir politik dan travay. I enportan sa.

E dan tou rankont kot Prezidan in fer avek militer, me menm lezot Lafors Sekirite. In toultan ensiste ki pou napa okenn lenterferans politik dan zot travay.

Lafason ki zot travay i profesyonnèl. Si i annan en louvraz pou al fer. Nou pa pe gete lekel ki ou pou targete. Si ou pe anmenn drog par egzanp. Zot pou target sa dimoun. E nou fer sa.

E mon krwar avek en latitud pozitif. En latitud profesyonnalizm. Sa avek en latitud anmenn latransparans dan militer, tou bann *unit* i vwar poudir keksoz i mars drwat. Ki lentansyon i kler. Ki nou anvi ganny rezilta. E se sa ozordi.

E mon osi mon profite pour mwan felisit militer dan tou zot bann reisit ziska ozordi. Sirtou zot bann reisit lo lanmer. I enkrwayab sa kantite Dav ki zot in atrape pandan sa dernyen 3 an, 4 an.

(APPLAUSE)

VICE-PRESIDENT AHMED AFIF

E mon le dir sa bann travay in ganny fer ek Seselwa ki pe travay ek lentelizans Seselwa. Me selman, byensir nou *network* avek bann lentelizans bann lazans deor. Me selman

an *grand* parti. Nou pa pe servi *Irish*. Nou pa pe servi etranze pou fer sa bann louvraz.

Se bann marmay lokal ki annan konesans; ki servi teknolozi. Ki konnen kot pou ale. E nou'n reisir anmenn en batay avek sikse. E nou fyer pour nou Lafors Defans ozordi.

So, mon krwar en pti pe sa Onorab, ki'n fer nou vin en lafors diferan. Ki Seselwa ozordi i war poudir i enportan ler ou pa zis met lanfaz lo Lafors Sekirite, ou met lanfaz lo lapolis, ou met lanfaz lo sa kolaborasyon.

E en parol ki Prezidan in kontan dir souvan se “kas *silo*”. Savedir ou annan en Lotorite isi, i pa koz ek lot Lotorite. E sakenn i fer pour li. Sakenn i annan son pti lanpir. E prezan finalman, ou vwar ki lenformasyon pa ganny pase. Keksoz i pase deor e li Gouvernman i napa lebra pour li vremen travay.

E se sa ki nou'n kase. E otan ki nou kapab, nou kontinyen kas li pou fer sir ki nou travay konman en tim. Konman en sel. En lekip Sesel, pour nou anmenn rezilta pour Seselwa. Mersi bokou.

(APPLAUSE)

MR DEPUTY SPEAKER

Mersi VP. Brigadye ti le *expand* lo la.

BRIGADIER MICHAEL ROSETTE

Wi. Mersi Mr Chair, e mersi Onorab pour ou kestyon. Mon krwar bann zenn ki antre dan militer, zot bezwen konpran byen zot rol anba Konstitisyon e anba *Defence Forces Act*. E zot konpran byen zot misyon; lentere Sesel avan. E ki Sesel i demann zot pou fer. Ki zot bezwen fer.

Konpran byen zot misyon ler zot ganny anvoye pou al fer en loperasyon. E nou met lanfaz lo motivasyon pour zot kapab anmenn rezilta dan okenn loperasyon ki zot fer.

E mon krwar ozordi mazorite sa bann zenn i konpran sa tre byen. Zot motive. E ler zot motive, zot annan lanvi e lafyerte pou fer sa loperasyon. E se sa ki ozordi nou'n fer ki'n anmenn rezilta konkret. Mersi.

MR DEPUTY SPEAKER

Mersi Brigadye. E dapre mon lalis ki mon'n *tick*, mon pa war ankor Manm ki ti'n eksprim lentansyon pou entervenir lo sa *heading*.

Donk, in ariv ler aprezan pour nou pran en vot lo Bidze pour Departman Ladefans ki trouve lo paz 32 a 37 pour en sonm R408 milyon 853 mil.

Mon ava demann tou bann Manm ki an faver pou endike silvouple? Mersi. Okenn Manm ki kont? Mersi.

Vot pour *Department of Defence* pour en sonm R408 milyon 853 mil. I annan 23 Manm ki'n vot an faver. Okenn Manm pa'n vot kont ou abstenir. Donk, vot i pase par linanimité.

I reste mwan pou mwan dir mersi bann zofisye ki'n zwenn nou pou sa enn *heading* sorti kot Departman La Defans ki'n zwenn Vis-Prezidan Ahmed Afif.

Sa delegasyon ti konpri Brigadye Michael Rosette ki *Chief of Defence Forces*; Colonel Jean Attala *Chief of Staff*, Ms Nellie Coopoomamy ki *Financial Controller* avek Ms Aselma Pilate ki *Director General*.

Mersi pour zot letan. Nou ava permet zot fer zot depar. E nou ava swet zot bonn kontinyasyon lazournen. Nou ava met pare pour nou ganny lot antite ki pe vini.

SEYCHELLES INTELLIGENCE SERVICE

MR DEPUTY SPEAKER

Mon ava dir bonn apre midi e *welcome* dan Lasanble Nasyonal Direkter Zeneral *Seychelles Intelligence Service* Mr Benediste Hoareau ki'n zwenn nou pour lot *heading* ki nou pou depouye pour Bidze 2025.

Bidze pour *Seychelles Intelligence Service* i lo paz 38

a 42 pour en sonm R22 milyon 157 mil. Donk, mon ava envit Vis-Prezidan pou fer lentrodiksyon. Apre nou ava swiv par bann entervansyon bann Manm. VP?

VICE-PRESIDENT AHMED AFIF

Mersi bokou Mr Chair. Mr Chair, en plezir pour mwan prezant Bidze *Seychelles Intelligence Service*.

Seychelles Intelligence Service parey zot konnen, son manda se esansyelman pour li rod lentelizans. Evalye sa bann lentelizans. Transform li dan lenformasyon avek en fason ki i kapab partaz avek lezot lazans dan Gouvernman, pour zot kapab efektivman redwir bann menas kont pei. E ede dan lalit kont kriminalite avek lezot – bann lezot lofans ki kapab arrive. E lezot menas ki annan avek pei.

Bidze SIS i en Bidze ki'n ogmant sorti R20.6 milyon dan Bidze Revize pour 2024, pou vin R22 milyon. Alor, en pti logmantasyon. Sa R22 milyon i re partisyonnen konm swivan;

R13.9 milyon pour lapey travayer. Answit, R8.3 milyon ki pour *Goods and Services*. Mon a donn en pti pe detay lo sa 2 konponan. E i napa okenn *capital budget*.

Pour saler i annan en logmantasyon R1.6 milyon e

sa i vin apartir - sirtou pou pran lefe apartir Avril lannen prosenn pou annan en logmantasyon dan saler. E sa pou pran R381 mil.

Answit, i annan en logmantasyon R1.1 milyon ki zot pa'n fer konman *recruitment* sa lannen. Me ki'n ganny re mete pour 2025.

Dan *Goods and Services* i annan en pti rediksyon R80 mil. In reste preski parey. E sa i annan serten anba *Goods and Services* ki'n monte. Lezot ki'n desann. Me son lefe i en rediksyon.

Alor anba *office expenses* par egzanp, in mont par R25 mil. Me transportasyon in desann par R147 mil. *Maintenance* in mont par R5 mil. *Other Uses of Goods and Services* in desann par R671 mil.

Me, par kont in annan *increase* dan sa ki zot apel *information award* R400 mil. En logmantasyon dan *software license fees* ki'n mont par R445 mil.

Zot *minor capital*, se sa ki zot aste lekipman. Bann keksoz koumsa. In redwir par R635 mil. E prensipalman – parske bokou sa bann keksoz ki zot in aste in redwir, in ganny aste deza dan lannen 2024. Alors, zot pa'n met li dan Bidze 2025. Vwala an gro en rezimen pour *Seychelles*

Intelligence Service. Mersi Mr Chair.

MR DEPUTY SPEAKER

Mersi Vis-Prezidan. Nou pou ouver laport aprezan pour bann entervansyon lo *floor*. Zis avan nou al lo la. Chairman Komite Defans avek Sekirite pa la.

Vis-Chair ou Onorab Adelaide, eski zot, konman en Komite zot koz avek Defans ouswa avek SIS lo zot Bidze avan zot?

HON FRANCOIS ADELAIDE

Mersi Mr Chair. Mr Chair, wi. Tou bann departman ki annan bann laspe sekirite. Bann ki i annan petet bann keksoz zot pa kapab koz dan Lasanble, zot zwenn nou.

E SIS i enn sa antite ki'n vini in zwenn nou. So nou annan bokou lenformasyon. Preski tou lenformasyon. So, petet i annan bann keksoz i pa pou kapab devwale la, aköz pour rezon sekirite.

Me selman nou konman en Komite nou'n zwenn zot. E nou apresye e nou satisfè. *Thank you.*

MR DEPUTY SPEAKER

Savedir i annan bann sif ki mwan mon pe gete ki mon annan lenformasyon lo la. Mon kapab demann ou? Ou kapab dir mwan, ouswa aköz

ou'n pret serman ou pa pou kapab dir mwan?

HON FRANCOIS ADELAIDE

Non, non. Mon pa pou dir ou. Akoz mon'n pret serman pou pa dir. Mersi.

MR DEPUTY SPEAKER

Ok. Very well. Premyerman mon ti'n demann laparol Onorab Richard Labrosse.

HON RICHARD LABROSSE

Mersi Mr Speaker. *VP*, bonn apre midi ankor enn fwa. E mon ti a kontan osi swet la byenveni Mr Hoareau avek son lekip.

Mr Speaker, ler mon pe al vot pour sa Bidze pour Lentelizans Sesel, i annan bokou kestyon ki bokou dimoun pe demande la deor. I annan bokou keksoz ki'n arive dan pei tou resaman, ki mon pa pou mansyonnen. E bokou dimoun pe demande, i ankor pe – bokou kestyon i ankor pe proze parmi la popilasyon.

Mon ti a kontan demann avek Mr Hoareau ozordi ler nou pe al vot pour Bidze, ki pou annan en pti pe plis diferans?

E osi, an menm tan si ou ti kapab eksplik nou si sa Bidze li menm li i pou ed zot pour zot kapab *improve* en pe plis lo zot fason travay, kot ansanm kekfwa nou ava kapab war bann *closure* pour

bann keksoz ki pe arive dan pei, ki parfwa i met bann dimoun dan lafreyer? Mersi Mr Speaker.

MR DEPUTY SPEAKER

Mr Onorab. Mr Hoareau?

DG BENEDISTE HOAREAU

Bonn apre midi Mr Speaker. Bonn apre midi tou Manm Lasanble. Bonn apre midi tou dimoun a lekout.

Onorab, mersi pour ou kestyon. Premye kestyon dan bann keksoz ki pe arive ki bann dimoun pe koz lo la. Mon krwar i byen dimoun i konsernen.

Mon'n deza fer resorti avan poudir lentelizans i pa *enforcement*. Lentelizans i travay an kolaborasyon avek tou bann lezot antite.

I annan en kantite travay ki pe *go on* avek bann antite la ki nou'n koz avek dan – en pe nou'n koz avek dan Komite. E nou pa pou kapab devwal bann detay la. Selman *rest assured* poudir i annan keksoz ki pe ganny fer.

E en keksoz ki petet bann piblik i kapab note, nou pa pibliy bann letap ki nou'n arive dan nou travay. Nou fer nou travay trankilman. Ler i pou abouti, i pou abouti.

E mon krwar i pou abouti *sooner than later*. Akoz i annan en kantite keksoz nou pe

travay lo la. E parey mon'n dir, nou pa pou kapab devwale...

Si mon Bidze i ase? Onorab, larzan zanmen pou ase. Bidze zanmen pou ase. Resours zanmen pou ase. Selman nou bezwen pran kont poudir *we need to cut our clothes according to our cloth.*

So, sa ki nou annan, nou bezwen travay avek e nou *make the most of it.* Mon prezimen, anmezir nou fer sa bon travay, i anmenn plis stabilite; i ava annan plis Bidze ki *come* kot nou. Nou a fer en pli bon travay.

Pa zis kot nou - *SPDF, Lapolis.* Akoz nou travay tre pres sa 3 Lazans. Enkli lezot; Imigrasyon, *Customs.* *Thank you.*

MR DEPUTY SPEAKER

Mersi Mr Hoareau. Mon ava donn laparol Onorab Gabriel.

HON CONRAD GABRIEL

Mersi Mr Chair. Bonn apre midi *panel.* Mon al direk lo zot *current challenges bullet No. 4; lack of equipment* ki enpakte lo loperasyon ek servis.

Petet ki nou ti a kontan konnen, zis donn nou en pe detay petet, ki kalite lekipman zot pe koz lo la an partikilye?

And then dan ou P2, Operation, Technical Security Support - uses of Goods and Services ki annan sa *information awards* ki VP in

dir in mont en R400 mil lo la. 2024 ti 1.2 milyon, la i 1.6 milyon.

Petet zis eksplik nou Lasanble en pti pe sa laliny Bidze ki i *entail* egzaktaman? Mersi.

MR DEPUTY SPEAKER

Mersi Onorab. *Panel?*

VICE-PRESIDENT AHMED AFIF

Mersi bokou Mr Chair. Mr Chair, lo kote serten bann lekipman ki zot rode, mon pa krwar i pou ed *SIS* dan son travay pour nou devwal kalite lekipman ki zot fer.

Parske pour la senp rezon ki nou pa anvi bann dimoun ki poz en menas pour nou, pou konnen ki mannyer nou – ki lekipman nou servi pour nou atak zot. E sa i standar dan nenport ki loperasyon ki annan en natir tel ki *SIS.*

Alor, lo la mon kapab dir avek ou nou kapab donn serten lenformasyon ek Komite Defans. Mon mazine zot in deza donner avek Komite Defans bann kalite loperasyon ki zot fer.

E lo kote *information award,* Onorab, ou ti pe demann sa diferans ki annan ozordi dan *information award.* Mon a zis rod sa lenformasyon - ki in ogmant par R400 mil.

E sa selman rezon ki nou bezwen plis *information award*, met larzan ladan, se parske natir sa travay ki zot pe fer, zot bezwen detanzaot ganny serten lenformasyon.

E i annan fason ki zot ganny lenformasyon. Atraver piblik, atraver lezot dimoun. I annan parey nou dir, en *reward* ou donnen pour en dimoun i donn ou en lenformasyon.

Pa neseserman en dimoun ki anvi ki ganny son non devwale. Sa i pa en keksoz nouvo, ni dan Sesel. Ni dan lentelizans. Ni dan lapolis Sesel. En keksoz ki'n la en kantite letan.

I posib i annan ki'n abize dan lepase. Selman mwan mon konfyan ki anba SIS zot pe servi sa korekteman. Rezilta i la pou prouve, entersepsyon ki nou'n fer, sirtou dan lalit kont drog, i bokou, bokou pli o ki zanmen in deza ete. *Information award* i al en gran bout dan sa bann keksoz.

Parey DG in eksplike, zot pa en lazans ki entersepte keksoz, ki aret keksoz zot. Dan pei i annan diferan lazans ki fer serten louvraz. Zot louvraz se ed sa bann lazans ganny lenformasyon. Ed zot prepar zot plan. E ed zot pou kapab entersepte pli byen, aköz zot in ganny lenformasyon ki korek.

Zot pa bezwen al fer sa bout louvraz.

Sa entersepsyon, se pa SIS ki fer. Se lapolis ki fer. Se militer ki fer. Alors zot, zot parey en travayer. I parey ou al dan en restoran, kwizinyen ki kwi manze. Ou pa war li ou, ou war *waitress*. Selman ou dir manze ti bon. I en pti pe koumsa. Mersi bokou.

MR DEPUTY SPEAKER

Mersi Vis-Prezidan. Mon a donn laparol Onorab Vidot.

HON AUDREY VIDOT

Mersi Mr Chair. Mon kestyon pour *panel*. Anba program 3 kot *External Affairs, Research and Liaison*, mon vwar ki i annan en logmantasyon dan *long service allowance*.

Dan *Revised Budget* ti R18 mil. Me pour 2025 mon war i annan R24 mil ki'n ganny bidzete. Si ou kapab donn nou en leksplikasyon. Aköz pour bann lezot program mon pa ti'n war logmantasyon. Me plizoumwen in reste parey.

Aküz ou konnen poudir *long service* ki menm si nou ti pe demande ki tou bann antite i revwar. Me mon war pour sa enn ki la in ogmante. Si i kapab donn nou en leksplikasyon *please*. Mersi.

MR DEPUTY SPEAKER

Mersi Onorab. Mon ava envit *panel* pour leksplikasyon.

VICE-PRESIDENT AHMED AFIF

Mr Chair, mon pe get anba *P1 Governance, Management and Administration; long service allowance* in sorti 60 mil revize pour 2024 pou vin 42 mil. E i annan anba *P2 Operations and Technical Security Support* in sorti zero pou vin 18. Savedir son –

Apré i annan en lot anba *P3 External Affairs, Research and Liaison* in sorti 18 pou vin 24. Alor enn i monte, enn i desann. Be selman son total an prensip, i pa devret sanz bokou.

HON AUDREY VIDOT

Mr Chairman, dan tou bann lezot antite nou'n vwar poudir *long service* i plizoumwèn reste parey. Mon ti pe demande en leksplikasyon akòz ki sa enn li in spesifikman pour anba *SIS*, pour li in monte?

MR DEPUTY SPEAKER

Ok. I annan en larepons pour...?

DG BENEDISTE HOAREAU

Mr Speaker, i annan - ler nou ti konmanse, nou ti konmans *one service*. Well, nou *still one service*. Selman la anmezir nou pe devlope nou pe kree

bann seksyon, bann departman.

So, prezan ki nou fer. Bann dimoun ki'n ariv ler pou zot, oubyen zot servis i bouz ek zot *according to* sa departman ki zot ale. So, avan i ti zis anba *SIS*. Prezan ou annan *External*. Ou annan *Loperasyon*. Ou annan *Ladministrasyon*.

So akòz nou pe met en pe lord, prezan ler sa dimoun i bouz dan sa seksyon oubyen departman, son *long service* i bouz ek li. *Thank you*.

MR DEPUTY SPEAKER

Mersi. Onorab Aglae.

HON EGBERT AGLAE

Mersi Mr Chair. Bonn apre midi Mr Hoareau. Premye kestyon, ou'n mete dan ou *challenges* konmkwa ou annan serten *lack of equipment which adverse the impact* ou *day-to-day operation*.

E letan mon pe regard ou *line budget*, ou konnen natir sa *unit* i depan bokou lo bann lekipman modern pou kapab fer ou travay.

Mon pa pe war dan Bidze la, ni pour 2025, ni pour 2026, ni pour 2027 okenn larzan ki'n ganny mete pou aste bann nouvo lekipman, ki nou konnen teknolozi i evolue. Tou le-z-an i annan en kalite teknolozi ki ou bezwen bouze.

So, mon ti a kontan demann Finans, ki plan pou sey donn zot sa bann lekipman ki zot ti a kontan gannyen, pour zot fer zot travay efektifman?

E dezyenmman, mon ti a kontan demann ou. Akoz ou'n mete osi dan ou *challenge*. I annan en persepsyon *stereotype*. Mon mazin en sa ou pe dir sa ki dimoun i panse deor.

Mon ti a kontan petet demann ou, eski zot *involved* dan okenn *illegal tapping* pou ekout telefonn okenn dimoun? Mersi.

MR DEPUTY SPEAKER

Mersi Onorab. Larepons?

DG BENEDISTE HOAREAU

Onorab, mersi pour ou kestyon. Lo kote lekipman mon krwar mon a eksplik sa byen, en.

Nou lentelizans i *mostly human source*. 90 percent *human source*. Lekipman i en *added bonus*. Mon pa pe donn sekre. *That's natural across the world*.

Now, nou lekipman *it can be anything from a computer*, en telefonn, en *iPad*, en binok. En ta ki nou kapab gannyen. Be selman, nou Bidze pa permet nou gannyen. E nou konpran sa aköz, nou bezwen konpran poudir pa zis nou ki pe fonksyonnen dan pei.

Lot keksoz, malgre nou met sa, i rezon tre valab, be selman osi nou, nou bezwen pran kont poudir, avan ler nou rod lekipman sofistike, nou dimoun in bezwen pare pou dil ek sa lekipman sofistike. E nou annan en landrwa ki byen pour nou dil ek sa lekipman sofistike.

Apre lot keksoz nou bezwen mazin en, nou en pti pei. Parey Brigadye in fer sorti taler, i annan en kantite lekipman. Sirtou an term par egzanp *counter surveyance* pou kapab servi. Pa bann ki agresiv. Me pour ou prop proteksyon.

Son kou ki i vin avek i pa abordab ni pou aste, ni pou *maintain*, ni pou *upgrade*. So, i en *challenge*, wi. Be selman nou osi get li an term realite. Nou bezwen ankore koup mannyer nou sa.

Dezyenm pwen ki ou'n fer sorti, tou le-z-an ou demann mwan sa kestyon Onorab. Mon ganny demande sa kestyon dan Lasanble. Mon'n reponn sa kestyon *extensively* dan Komite Defans le 13 la.

Mon krwar mon a les piblik pans sa ki zot panse aköz Sesel ozordi, menm ou dir nenport ki keksoz, si dimoun pa anvi tann sa larepons. I pou al krwar sa ki i anvi krwar.

So nou, nou konnen ki nou pe fer. Ki nou pa pe fer. Mon – Konmsi, *I'll leave it at that* Onorab. Mr Speaker, si ou permet mon.

MR DEPUTY SPEAKER

Mr Hoareau, mersi. Selman letan ou fer sa ou kapab senm dout ankor. Mon rapel nou'n deza reponn sa kestyon dan Lasanble poudir, anba zot Lalwa, okenn *phone tapping* i bezwen ganny otorize par Lakour.

E alor i annan en *avenue* legal pour sa bann zafer. Prosen enterven an lo mon lalis se Onorab Spiro.

HON RACHEL SPIRO

Mersi Mr Chair. Bonn apre midi Mr Hoareau. Mon ti pou kontan konnen letan ou pe koz en pti pe lo ou bann *current challenges*, ou'n dir pou dir i annan *stereotyping*. E petet mis konsepsyon bann dimoun la deor lo fonksyon Servis Lentelizans.

Mon pe demande. Mon pa war konponan petet *training* oubyen *outreach*. Ki mannyer ou sorti la deor? Mon pa dir ou sorti ou bann zofisye mwan. Akoz zot, zot sipoze la. Ki nou pa konnen.

Me ki mannyer ou *reach out* pour piblik konpran zot rol pli byen, e koumsa nou ganny konfidans letan nou pe – aköz nou tou nou bezwen vey

lentalizans. Nou bezwen protez nou pei.

Me ki mannyer ou seksyon i fer sa ledikasyon pour Seselwa la deor konpran ki; mon'n war en keksoz, mon dout en keksoz, mon kapab apros zot?

Akoz mon pa konnen, mon pa war en konponan ki pou permet zot fer sa. Ki mannyer sa i ganny fer? Mersi.

MR DEPUTY SPEAKER

Mersi Onorab. *Panel?*

VICE-PRESIDENT AHMED AFIF

Mr Chair, mwan mon le zis dir avek Onorab. Nou, nou en lorganizasyon konman SIS i travay selon son Lalwa e son manda. E son Lalwa i kler li.

Par egzanp kot i konsern persepsyon ki zot pe entersepte kominikasyon, eksetera. I annan en seksyon anba zot Lalwa ki 18(1) kler.

I dir “*Notwithstanding anything to the contrary contained in any written law, a Judge may, subject to the provisions of section 19, issue the Service with a direction authorising the Director-General, or any staff member or other person authorised thereto by the Director-General under section 20(1) to intercept a particular postal article or a particular communication which has been or is being or is*

intended to be transmitted by telephone or in any other manner over a telecommunications system”.

Sa i en seksyon ki koz lo la. Alor i kler i annan drwa fer li. Me i bezwen fer li selon en Lalwa. E selon sa ki sa Lalwa i dir. E sa Lalwa i dir i bezwen pas kot en Ziz.

Alors i par egzanp; I bezwen ekout ou telefonn. I bezwen satisfè en Ziz konmkwa i annan en rezon akòz i bezwen al ekout en telefonn. Ou bezwen entersepte ou parsel. Ou bezwen entersepte en lot kominikasyon ki pa telefonn, ki pou ou.

Li i bezwen kapab ganny permisyon. I pa kapab lo li menm al fer sa. Se pa li ki *run telecoms* tou fason. Parske *telecoms* i run par lakonpannyen prive. I napa lotorite. Mon pa konnen si lontan ti annan.

I napa lotorite ozordi pou li al kot en *telecoms company*. Ni *Cable*. Ni *Airtel*. Ni *Intelvision* e dir ek zot “mon oule lenformasyon lo tel nimerò”. E sirtou entersepsyon. Savedir mon oule ekout sa konversasyon. I pa kapab fer li.

Nou pa fer sa ban keksoz. Nou pa pe fer sa bann keksoz. E nou pou senpleman azir selon Lalwa. Si sa *telecoms company* i kapab *intercept*. Wi,

i kapab *intercept* li. I kapab *intercept*. Sa i kler sa. Li i pa kapab *intercept*.

Si li i bezwen, i a demann zot pou *intercept*. Zot a donn i lenformasyon. Zot byensir zot kapab zot. Zot kapab *intercept* tou kominikasyon parske se zot ki ofè sa servis. Me li i pa pou ganny akse avek li. I pou ganny akse selman si li i ganny permisyon ek en Ziz.

In mars koumsa tou dilon sa letan ki mwan mon’n travay ansanm ek li dan mon kapasite anba *telecommunications*. Nou’n annan bann rankont avek bann *telecoms operators*, zis pou regle ki mannyer sa i ganny fer. Zour i bezwen ganny fer.

I pe mars byen ziska konmela. Napa okenn labi. Napa okenn dimoun ki li i asize dan son biro i pez en bouton, i ekout telefonn en dimoun. Pa egziste sa. Mersi bokou.

MR DEPUTY SPEAKER

Mersi.

HON RACHEL SPIRO

En pti leklersisman. Mon krwar VP in konpran mwan en pti pe petet...

MR DEPUTY SPEAKER

Wi, mon krwar sete kestyon Onorab Aglae.

HON RACHEL SPIRO

Non, be mon'n demann kestyon...

MR DEPUTY SPEAKER

Ou ou'n demann lo *outreach* pour dimoun mye konpran zot. So, i *still* annan sa kestyon pou reponn.

Non, mon krwar i enportan pou klarifye aköz pour ledikasyon piblik i enportan e in sit Lalwa. Sa alor mon apresye. Donk Mr Hoareau ou ava dir nou en keksoz lo *outreach*.

DG BENEDISTE HOAREAU

Mersi Chair. Mon zis anvi *reiterate* en keksoz. Mon krwar dernyen *interview* ki Prezidan ti lo televizyon, i ti dir klerman. I ti adres sa size klerman. E, *right*.

So, lo kote *outreach*. *Stereotype* premye. Ler mon pe dir *stereotype*, mon pa pe neseserman *mean* ki dimoun i annan en move panse an zeneral.

Mon pe zis mazine ki i annan en kantite keksoz. En kantite lenformasyon *out there* ki donn en move zimaz. Epi osi, nou listwar lentelizans dan Sesel osi i pa'n kree en bon limaz.

Par egzanp. Ozordi en kantite dimoun i krwar lentelizans la, i parey dan *Hollywood*. Ou annan bann boug ki tay ek fizi. Sot lo loto.

I annan bann *gadget* ou met lo la. Ou war en bann kalite zafer. Ou konpran?

SIS i pa *operate* koumsa. *In fact*, *SIS* si pli ou pa war nou. Pli i pli bon. Ou konpran? Pli ou pa tann nou. Pli i pli bon. Aköz lentelizans partou i pa enn – *Hollywood is one thing*. So, sa i kree en *stereotype*.

Prezan dimoun i kree en paranoya kot i krwar poudir ou pe ekout son telefonn. Ou pe get son bann keksoz. San realize li menm larealite.

Ou konnen, ler en dimoun pa konn – ozordi avek *internet* i annan en kantite *expert* i koz lo en kantite keksoz.

Dan lentelizans nou, nou konnen ki mannyer i fonksyonnen. Nou konnen ki nou kapab fer, nou konnen ki nou pa kapab fer.

Mon'n fer bokou diskisyon avek bann dimoun, par egzanp sa zafer *tapping* telefonn. Mon'n sey eksplik zot larealite. Mon war *one-on-one*. Mon frer, al lir sa. Sey fer resers lo la gete, *realistically* si ou krwar i kapab ganny fer.

E mwan mon *happy* pou annan sa diskisyon avek zot. *Point* zot dan sa direksyon. Zot a kapab fer sa analiz pour zot menm.

Zis par egzanp, mon a donn ou en legzanp. Si mwan mon pou ekout ou telefonn.

Mon pa pe retourn lo la. Si mon pou ekout ou telefonn. Ou koz pour 3 zour, mon bezwen ekout ou pour 3 zour.

Kote mon pou ganny letan ek *manpower* pour mwan fer sa? Zis en pti kestyon mon met dan ou latet. Ekout telefonn *is almost out of mode nowadays* dan lentelizans.

I annan lezot *mode*. Bann pei ki pe ekout telefonn se bann pei ki pe servi bann gro, gro *Artificial Intelligence*. Lanmerik. Larisi. Bann pei ki annan larzan pou fer sa. Ou konpran? So, zis sa.

Prezan nou *outreach*; Nou *outreach* nou koz ek dimoun. E nou, nou pa anvi go *aggressive* pou al pibliy nou lekor. Nou go *slowly, slowly*. Nou koz ek en kantite dimoun.

You'll be surprised Onorab. Nou ganny en kantite lenformasyon avek en kantite dimoun. Sanmenm sa ki ed nou pou *build up* nou bann *pictures*.

E from all walks of life. From to the bad, the good and the ugly, tousala nou ganny lenformasyon avek. So, wi, nou annan keksoz ki nou pe fer dousman, dousman.

Me selman nou, nou ti a kontan pou dir nou pa kapab sanz en persepsyon ozordi pour demen. Pti ta pti, dimoun pou war pour zot menm. E laverite *will come to light*.

Dimoun pou vwar poudir sa persepsyon i pa li. E larealite i koumsa.

E ki *SIS* i pe travay pour Lepep Seselwa. E nou pa pou toler enn oubyen 2 dimoun ki krwar i pou – mon pe dir sa byen kler pour zot. Zot pe ekout mwan la. Zot a tande.

Ki krwar poudir zot pou servi zot kriminalite, zot drog *and whatever* pou vin *highjack* Sesel. Non. *SIS* nou pa pou tolere sa. *Thank you*.

MR DEPUTY SPEAKER

Mersi Mr Hoareau. Avan mon pas lo lot entervenans. Si mon ti kapab zis dir en pti keksoz. Mon krwar kestyon ki Onorab Spiro in demande i fer sans.

In fact, mon fek pe lir en keksoz. *CIA* i enn bann lorganizasyon ki fer en kantite *outreach*. Akoz *Hollywood* in gat zimaz *CIA*. I fer egzaktaman sa ki Mr Hoareau in dir. Zot bann boug ki sot partou. Tay deryer loto. Bann keksoz –

Prezan i annan en persepsyon dan lizye piblik *what is CIA*. So, *they go out and* zot edik dimoun. Zot annan zot *Unit* Kominikasyon ki dil avek *outreach* pou –

Aprè i ede. Bann zenn osi i kapab enterese avek sa sekter pou vin zwenn sa profesyon. Donk, *think about it* e posibelman a lavenir met en laliny dan Bidze ki – preski zot

en lorganizasyon ki egziste anba en Lalwa e la pou reste. Onorab Labonte, *you are next on the list.*

HON ANDY LABONTE

Mersi Mr Chair. VP avek DG Hoareau, mwan mon anvi dir ki mon vremen felisit zot sa louvraz ki pe ganny fer. Malgre ki nou pa pran kont lenportans SIS. Me i en departman ki vremen, vremen, vremen esansyel e enportan. Sirtou pour sekirite nou pei. Malgre ki ou Bidze pa gro i selman 22 milyon.

Me mon kestyon i al en pe lo laliny ki ti pe ganny eksplike. Mon al plito en pe pli spesifik. Ou konnen, konmela teknolozi i en keksoz ki ganny servi dan diferan fason pou manipile, pou kree konfizyon, ou menm pou kapab detri swa en pei, swa lavi en endividi.

So, eski dan sa Bidze – la mon pe koz direkteman lo AI ki parey nou konnen kot *Artificial Intelligence*. Eski i annan keksoz ki ou kapab garanti pep Seselwa ki i annan keksoz dan sa Bidze pour zot sekirite konman en nasyon e koman en endividi ki zot lavi i *safe* konman en nasyon? Mersi.

MR DEPUTY SPEAKER

Mersi Onorab. *Panel?*

DG BENEDISTE HOAREAU

Onorab, mersi pour sa mo lankourazman. E lo sa kote *Artificial Intelligence*, mon ti a voudre dir ou nou annan en larepons. Be selman, nou pou napa. Mon a eksplik ou aköz.

Sa zafer AI in *takeover the world so much* ki nou pti Sesel nou annan problemn. Bann gro pei parey Lanmerik, Langleter, menm Izrael i annan problemn avek. So, ou kapab mazine si zot, zot annan problemn avek nou...

E mwan mon pe koz ou *not from what we read*. Mon pe koz ou sa ki nou diskite lo komite ek bann dimoun lentelizans ki nou *share*.

Now, sa zafer AI avek - *Artificial Intelligence and* teknolozi, *is the new mode of terrorist*. So, demen nou pe get teroris, i pa neseserman en dimoun ki pou vin met en bonm. I pa neseserman en dimoun ki pou pran en AK shoot dimoun. En dimoun asiz ek en *iPhone*, en *tablet* i pou fer o sitan domaz ki sa – e bokou plis.

So, sa i en keksoz petet i en pti pe gro. Pli gro ki SIS. Petet i en keksoz Polisi ki tou dimoun i devret get ladan. E i en pti pe – mon pa konnen ki mon pou dir ou. Mon pa tro *technical* dan sa bann zafer.

Be selman, lannen pase, sa lannen. Boner sa lannen nou ti lo en Konferans bann

Komite Lentelizans pour Lafrik. E *AI* ti *come up as the top threat* pour *safety and security, and stability* dan Lafrik konman en problemn.

So, petet sa en keksoz ki nou devret annan bann konversasyon la. E ou kapab-ozordi nou annan bann keksoz kot ou kapab pran mon portre la *as* nou pe asize, anmenn mwan anvil. Mon pe sante devan – mon debout avek en plakar devan lorloz. En keksoz. Mon pe sante kot *National Library*. Tousala ou kapab fer *right now*.

So, mon pa konnen si *VP* kekfwa i pou annan. Be selman mwan dan tout fransiz sa ki mwan mon konnen, i en keksoz ki *beyond* en ta Gouvernman pou dil avek. E i en keksoz ki'n sap nou.

VICE-PRESIDENT AHMED AFIF

Mr Chairman, petet mon a zis azoute pou dir ek li ki – pou dir avek Onora,b i en konsern ki nou partaze. Akoz *AI* i enn parmi bann keksoz ki annan pou fer avek teknolozi ki pe devlope ozordi. Ki vreman i kapab vin en menas si ou pa konnen ki mannyer pou ou dil avek.

Mon a donn ou en senp legzanp; sa ki *DG* pe sey eksplike se ki, ozordi ou menas i pa neserman en menas fizik en boug ki vin dan

en avyon pou vin avek en leksplziv, oubyen ki vin atak ou ko ou laport pou vin kas en labank, eksetera.

Sa dimoun i kapab en dimoun teknik *IT* kot par egzanp, i tenny ou *PowerStation* akoz i mars lo en rezo lenformatik. I ferm ou *airport* akoz son sistenm ki kontrol avyon i baze lo en sistenm enformatik. I tenny *power*. I tenny pour *airport*.

I pa ni vin ek en fizi. I pa ni vin ek en group dimoun pou atak ou pou ferm tou lede. E tou lede i aret en sel kou. E tou dimoun i aret travay akoz zot napa kouran. Ou *airport* i fermen. Personn pa vini. Ou napa touris. Alor, i en menas.

Be kote sa menas i ete? Sa menas pa neserman Sesel li. I kapab pe asiz en lot landrwa. Me selman, atraver lentelizans - atraver – pa lentelizans. Atraver son teknolozi. E i posib dan sa teknolozi i pe servi *AI* pour li konnen ki mannyer pli vit pou al atak ou sistenm e ferm li.

Alor lo nou kote ki nou pe fer? Ansanm avek *SIS* nou, nou pe travay avek *cybersecurity*. I annan en *cybersecurity committee*. E *DICT* osi i partisip ladan. Kot lapolis, bann servis sekirite. Bann servis *IT* i zwenn ansanm pour zot zisteman idantifye sa bann menas kot i annan detanzaot. E pour zot

alert bann diferan lenstitisyon.

I paret i annan latak ki kapab arive lo ou. Met ou bann sistenm *firewall* an plas. Fer sir poudir i alert. Tyek tel levennman ki pe pase. Si ou en labank par egzanp. I annan en *cyber attack* ki pe arive lo ou labank. Akoz nou'n ganny 2 kliyan ki'n raporte ki keksoz in bouze dan zot kont san zot konnen. So, tousala se bann menas sa.

E ler zot war, zot enformen. Sa bann lazans i pran aksyon nesaser. E sa i anpes sa keksoz vin pli gro ki i ete.

So, i annan serten keksoz. E *SIS* i form parti dan sa lasenn tou bann lazans ki travay ansanm pour zot kontre sa bann menas ki nou gannyen detanzaot. E tou pei pe ganny sa.

Selman Onorab, mon krwar pour nou annan en sistenm pli robis, ki pli bon pou kapab dil ek sa bann keksoz. Mon krwar nou pou bezwen annan nou en pli bon kordinasyon entern.

Kot par egzanp ozordi *DICT* i vey rezo Gouvernman li. I pa pe vey nesaserman rezo en lot lorganizasyon ki pa depan lo Bidze Gouvernman li. Be zot osi zot bezwen vey zot rezo. Fodre tou dimoun pe vey son keksoz.

Be lekel ki sirvey zot tou prezan pou fer sir tou dimoun i annan menm standar? Tou dimoun i alerte ler en keksoz i arive. Zot tou, nou tou nou konnen poudir nou'n ganny alerte. Nou bezwen fer sir ki sa i ariv dan en fason kordinen. Bokou pli byen. E nou pe deza travay lo la pour nou amelyor sa lankadreman, pou fer sir ki nou redwir sa ban menas.

Me selman i en menas ki reel. *AI* ek *IT* ozordi en ta keksoz zot kapab fer. Zot kapab fer en dimoun dir en keksoz ki i pa'n dir. Zot kapab fer en *video* lo li. Keksoz ki zanmen in dir. E, se keksoz ki nou bezwen viv avek ozordi.

E nou bezwen kapab prouve poudir sa en keksoz ki'n fabrike. E nou bezwen kapab montre poudir nou annan sistenm pour nou detekte sa. Prosekit bann ki pe fer sa. E fer sir ki tou dimoun zot drwa i ganny respekte. Mersi bokou Onorab.

MR DEPUTY SPEAKER

Mersi Vis-Prezidan. Onorab Cosgrow.

HON WALLACE COSGROW

Mersi Mr Chair. Mr Chair, mon ap ti pe tro anvizaze demann en kestyon lo sa Bidze *SIS*. Me selman anmezir ki deba in ale, mon krwar mon bezwen fer en pti lentervansyon.

I annan keksoz ki pa pe mars byen la. Direkter SIS i dir ek nou poudir lentelizans, zonm. I bezwen zonm. 90poursan zonm. Be la VP i dir avek nou, nou pli gro *threat* se *cyber*. Se AI.

Konmsi, ki mannyer nou *counter* sa *threat* avek sa 90poursan zonm ki lo teren pe marse, pe anmas lenformasyon? Petet mon mal en. Petet mon mal.

Me selman nou napa sa bann lekipman. Sa bann teknolozi ki pou kapab ed sa madanm, sa *carer* ki fek ganny vole tou son larzan lo son kont kot en labank lokal. Ganny vole tou son larzan.

I *call* mwan pe plere. I dir mwan i pe rod en pti led aköz detrwa zot in ganny bage avek en *scheme* ki'n *wipeout* tou zot larzan kot en labank lokal. So sa 90poursan zonm, ki mannyer zot pou detekte sa?

So, pour mwan larepons Direkter avek ou larepons, avek ki mannyer zot pe war SIS i ale. I pa pe marye. *Ok?* E mon dakor avek ou. AI i en problem. I en gro problem.

Ozordi si nou annan nou en zafer lo *Facebook* ki apel Kokoriko i fer en zonm koz parey en madanm, e i fer en pake kalonmni lo dimoun, i en problem sa AI. I en problem. Nou bezwen *sort out*.

Mon pa konnen ki mannyer SIS i dil avek

Kokoriko. Be selman, sa en latas ki mon donn ou pour ou kapab al gete.

So, alors mon kestyon Mr Chairman, eski – vreman direk. Eski i annan *operatives* parey an Angle i dir, lezot Lazans Sekirite dan Sesel ozordi –

eski i annan kolaborasyon SIS avek bann lezot Lazans Sekirite bann lezot pei, par egzanp CIA, MI5, blah, blah, blah. *You name it* -

Eski ozordi Sesel i annan zot prezans e eski zot pe fer serten travay avek ou?

Mon dezyenm kestyon i vreman senp ankor. Mon pa pou koz lo *phone tapping*. Be mon pou dir si zot ti pe pran lenformasyon atraver telefonn. Pa neseserman ekoute. Me selman pran lenformasyon atraver telefonn; entersepte lenformasyon atraver telefonn, *computer and all*;

Eski ou konman Direkter SIS ou ti pou dan en pozisyon pou dir nou wi ou pe fer li, la ozordi dan Lasanble Nasyonal? Selman mon tant pou mwan krwar ou mwan. Aköz, sa ki mwan mon ganny en konpran se ki lekipman i *State House*. Mersi Mr Chairman.

MR DEPUTY SPEAKER

Panel, larepons?

VICE-PRESIDENT AHMED AFIF

Mr Chair, mon krwar Onorab i anvi zis fer dimoun krwar *State House* i annan en sistenm *tapping*. E zis bann lakizasyon vid parey labitid. E zanmen zot annan okenn bout fe ki pou al ek sa. E mwan mon demanti sa konpletman.

Mon pa krwar *SIS* i pou kapab reponn ou si i annan prezans bann lazans etranze, parske par zot natir zot menm zot pa anvi zot prezans ganny konnen. Dimoun konnen poudir zot prezans i la. So, mon pa krwar i pou kapab reponn ou sa.

Ou kontradiksyon. Mon pa war okenn kontradiksyon. Sa bann imen – entervansyon imen ki i pe koz lo la. *AI* i pa *AI* lo li menm li. En dimoun ki pe *operate AI*. E ou bezwen konnen, *AI* i pa zis en *computer* i deside atak *PUC*. En dimoun ki dir li. So, i en imen.

So nou, nou bezwen zis azour avek sa teknolozi. So petet mon krwar sa. Be selman mon a permet ki *DG* kekfw a i kapab donn en pti pe plis leksplikasyon.

DG BENEDISTE HOAREAU

Onorab, merci pour ou kestyon. Mon krwar ler ou – i napa okenn konfizyon ki *VP* in fer ant mwan ek *VP*. I tre kler. Mon krwar petet en keksoz ki *as part of* ledikasyon dimoun,

sa i lo *google*. Zot kapab al gete. Akoz *google* konmela en bon liniversite.

Lentelizans i ganny divize an *Human (HUMINT)*, *Signal*, *Imagery*. So, i annan en *whole branch of* diferan lentelizans. So nou, nou kapab bon dan enn. Petet pa tro bon. Akoz par egzantp nou pa pou al fer *Geospatial*. Bann gro pei ki fer *Geospatial*. Nou pa pou al fer *Geospatial Intelligence*. I annan en *whole range of* - ki fer konplet.

So, en keksoz ki mwan mon pa'n anvi koz lo la, e ki ou pou war poudir kantite fwa mon pa anvi koz lo la, se ekspoz ki nou kapasite ki nou kapab fer. Menm dan en bon fason avek piblik.

Si nou dir nou annan en tim ki pe travay lo tel keksoz, mwan fransman mon pa ti a kontan dir sa an piblik. Akoz si nou dir sa an piblik, otomatikman ou pe alert zot poudir; be alor i annan sa tim. Zot osi zot a rode lekel sa tim. Zot a fer tou sa ki nesaser.

So, *the less* ki zot konnen. *The better*. Parey *VP* in dir, *cybersecurity is one aspect* ki pe devlope. E parey in dir osi, *cybersecurity* i ganny servi par zonm. *The human factor* trwakarditan pa sorti dan lentelizans.

E lo kote travay avek bann dimoun - Onorab, sa en kestyon mon pa pou kapab

zanmen reponn an piblik. Akoz tou partner ki travay ek nou, zot kontan zot konfidansyalite i reste anonimite. So, nou pa kapab en keksoz ki ...

Nou al devwal dan Komite La Defans. Apre i a pas lenformasyon. Sa i ok. Be selman en keksoz mon kapab dir ou. Nou annan respe ek tou sa bann – akoz nou pe fer nou keksoz dan en fason profesyonnel. Fason legal. So nou annan respe ek tou sa bann lorganizasyon. Mon pa konnen si in ede.

MR DEPUTY SPEAKER

Mersi. Klarifikasyon?

HON WALLACE COSGROW

Non, Mr Chair. Zis mon pe – mon pe gete si - Non, non. Non, non. Mon pa pe al ladan. Mon ok ek sa. Mon kler lo la mwan.

Mon kestyon zafer *foreign operatives*, i pa neseserman bann ki pe kolabor avek ou. Sa i ok. *It's normal*.

Be eski i annan bann ki prezans la ki *incognito* konmsi ki petet ou lentelizans pe montre ou *that they pose en threat* pour nou pei? Sa ki mon pe demann ou. Konmsi tou lede kote.

I byen ou'n reponn mwan en bout. Me selman sa lot bout osi ki mon pe demann ou. Si i

pa posib pou reponn mwan. Ou dir mwan i pa posib. Mersi.

MR DEPUTY SPEAKER

Panel?

VICE-PRESIDENT AHMED AFIF

Mr Chairman, mon krwar nou pa kapab devwal bann *threat* ki egziste. So si i annan ki zot pe fer *countersurveillance* lo la, eksetera, zot pa pou kapab devwale.

Me selman zot pe fer zot travay. Zot santi zot pe protez Sesel e nou an sekirite. So, vwala. Mersi bokou Mr Chair.

MR DEPUTY SPEAKER

Mersi Vis-Prezidan. Onorab Gill?

HON CHURCHILL GILL

Mersi Mr Chair. Mon en Manm Komite Ladefans. Alors, mon kestyon i pou en kestyon ki fer sir mon pa al an deor ki mon pa devret.

Dan ou manda, apre dan ou bann leksplikasyon ki ou'n donner, ou'n fer konnen poudir sa *human factor* i toultan la, ki i korek.

Mwan mon ti anvi zis ganny en lasirans – sa pour menm piblik deor. Akoz dan ou manda, ou ganny lenformasyon, ou *process*. Apre ou deside ki ou fer ek sa lenformasyon.

Mwan zis sa bout *process* ki mon kestyon i lo la mwan. Akoz eski ou santi poudir kapasite sa *processing* dapre ou ek ou lekspertiz, zot kapab delivre sa travay ki pou donn ou sa rezilta?

Rezon ki mon pe demann sa, aköz, i kapab arive kot en lenformasyon i vini, i pa neseserman korek. E si sa bout *process* i ganny fer, i ganny trouve ki i korek, menm si i pa pou korek.

I posib ki en dimoun piblik i kapab ganny afekte. Aköz en lenformasyon ki pa bon in vini, me selman i pa'n kapab ganny detekte poudir sa enn pa bon pou kapab anpes en keksoz ki pa ti devret devlope, devlope. Mersi.

MR DEPUTY SPEAKER

Mersi Onorab. mon ava envit *panel* pour en larepons.

DG BENEDISTE HOAREAU

Mersi Onorab. En kestyon valab. Onorab, mon kapab asir ou, zour sa i arive, petet i ava en oversight oubyen en *mistake*. Aktyelman mannyer nou pe travay la –

Aküz nou, nou konnen. Mwan mon konnen par leksperyans. Lenformasyon in ganny servi malisyezman en kantite fwa. Ler en vwazen pa byen ek kanmarad. De dimoun ki'n byen ek kanmarad i deside separe. Zot

envant zistwar. En kantite rezon nou kapab fer. Nou, nou konsyan.

So that is why ki nou *filter* nou lenformasyon tre, tre metikilezman. En mannyer ki ler nou deside *act on it*, nou konnen poudir sa lenformasyon in ganny trete byen. E i napa okenn malis. I napa okenn faver. I napa okenn parey lapolis i dir, *favour, fear, malice and whatnot*. So, sa nou *very cautious* aköz nou pa le.

Aküz nou, nou pride nou lekor dan le sans kot nou annan en serten privez kot nou akse avek en kantite lenformasyon. Nou pa kapab abiz sa. Nou pa kapab abiz sa ditou. So, ler nou rod en leklersisman, nou demann en leklersisman, se pour nou etabli sa lenformasyon ki nou'n gannye, eski i bon ou pa bon?

Mon kapab demann en lenformasyon lo Onorab Gill. Mon pe rode, pour mwan etabli, eski i bon ou i pa bon? *Once* ki nou etabli poudir sa lenformasyon pa bon, nou *dispose* li.

E nou fer sir nou *share* avek nou bann lezot *partner* poudir; *watch out*. I kapab annan en *malicious* keksoz pe arive. So si demen i vini, nou konnen. So non, nou pa anvi servi okenn *setup*, okenn

malis, okenn lenformasyon. Sa lo kote lenformasyon.

E of course ou bezwen pran kont Onorab poudir toultan pou annan sa ki ou apel information overload. Toultan. Tou lentelizans i suffer from information overload. So, set a nou, nou bezwen triye. Fer the best avek sa ki nou annan. Me selman malice is not one of them. Thank you, Onorab.

MR DEPUTY SPEAKER

Mersi *panel*. Dernyen entervenan ki'n endike i le koze lo sa *heading* se Onorab Arissol.

HON SANDY ARISSOL

Mersi Mr Speaker. Bonn apre midi Mr Hoareau. Mon ti anvi Mr Chair, dir; taler nou ti ganny dir pou dir, alors en zour nou pa ti kontan *SDF*. *SPDF* sa letan. Be la konmela nou pe glorifye zot.

I enportan pou met dan rikord poudir anba *SDF* zot Brigadye pa ti konn naryen li. I pa ti okouran naryen e i pa ti la sa bann letan bann keksoz ti arive. *Ok?*

La ozordi nou annan nou en Brigadye ki konn tou sa ki pe pase e i pe fer en travay ekselan Mr Chair. *Ok?* Pour bann *US* konnen.

Mon ti a kontan profite konman en Manm Komite Defans pou dir mersi Mr

Hoareau avek son lekip pour sa travay ki zot pe fer pour nou pti pei.

Parske ozordi letan nou get – i enportan annan *SIS* parske letan nou get dan nou pei Mr Chair, letan nou annan en group dimoun ki anvi fer vini en *Ali, Ali*; zot anvi met bonm anba pon Grand Anse; zot anvi fer dezord dan nou pei. Bann fabrikasyon *AI* parey nou'n tann Onorab Labonte koz lo la.

E sa ki pli enportan se sa ki Onorab Wallace in dir. Kot ozordi li i koz lo *Kokoriko*. Be i bliye ti annan en *Ricky Blaster* alors en zour ki ti asiz isi kot sa Lasanble Nasyonal ki ti pas son letan maltret tou dimoun! Tou dimoun lo rezo sosyal, en? Alors, sa i enportan annan *SIS* pou dil avek sa.

Alor Mr Speaker, mon ti a kontan – Mr Chair, mon ti a kontan demann avek Mr Hoareau. Letan mon pe get ou bann *challenges*, i an relasyon avek *office space*.

Eski i annan en travay ki pe ganny fer par ou, sa dimoun ki dirize, avek Gouvernman, kekfwa ansanm avek Finans, kekfwa pour zot annan zot prop lespas?

Oubyen eski i ti pou pli meyer kekfwa *SIS* i dan menm lespas kekfwa avek bann lezot Lazans Lentelizans ki nou annan dan pei pour zot fer sa travay kolektiv ansanm, pour

zot kapab partaz byen sa lenformasyon kont bann lespri *malicieuse* ki kapab annan lo nou pei? Mersi bokou, Mr Chair.

MR DEPUTY SPEAKER

Mersi Onorab. *Panel?*

DG BENEDISTE HOAREAU

Mersi Mr Chair. Mon a remersi ou pou ankor sa konpliman. Mersi Onorab pour kestyon. Mon a remersi ou pour sa konpliman.

Mon *take it* larestan bann premye bout komantr en *joke between Assemblies*. So, mon pa pou tro, tro soz ladan.

Lo kote nou *office space*. *Office space* i en *challenge*. *Well*, i en *challenge* depi konmansman - nou'n kree. So, nou'n ganny en bout later avek Gouvernman pour nou fer sa. Be selman i in *process* la, mon krwar nou pou ganny nou *lease*. E nou'n annan *partners* ki'n pare pou ed nou pou fer sa. Be selman aköz *lease* in tarde. Sa in tarde.

Nou pe fer demars osi pour nou ganny en landrwa en pe pli konvenab. En pe pli byen ki kot nou ete la pour lemoman. Sa osi i en *challenge* aköz tou *building* ki fer Sesel ozordi, i fer pour *store* avek laboutik. I pa fer byen, byen lofis. So sa i *one of the challenge*. Apre en ta lezot

fakter an ze. Apre kou osi ki vin avek.

Lo kote *co-locate*. Non. Sa i pa en *one thing* ki konsidere aköz de keksoz; *internally* lentelizans *by* son *nature normally* i son prop zafer.

Apre dezyenm. Nou travay an *close* kolaborasyon avek bokou partener. E *once* ki ou *co-locate*, *the trust level goes down*. Aköz sa ki akse ou *building*, lekel ki la. I annan en kantite fakter.

So, nou pe *look forward* kan nou kapab ganny nou prop batiman pour nou. E mon krwar en kantite kestyon ki bann Onorab in demann mwan la, zot pou war *the next level of performance*. Mersi.

MR DEPUTY SPEAKER

Mersi Mr Hoareau. Ti dernyen entervenans sa ki ti'n endike i le koze lo sa *heading*. Donk, in arive ler pour nou pran en vot lo Bidze *Seychelles Intelligence Service* ki trouve lo paz 38 a 42.

E larzan ki pe ganny propoze pour zot pour an 2025 i R22 milyon 157 mil. Donk, mon ti ava demann tou bann Manm ki an faver pou endike silvouple? Mersi. Okenn Manm ki kont? Mersi. Mersi Madanm Clerk.

Vot pour *Seychelles Intelligence Service* pour en sonm R22 milyon 157 mil – mon ti pe zis verifie en sif.

Donk, vot i koumsa; i annan 16 ki'n vot an faver. Personn pa'n vot kont e i annan 7 *abstention*. Donk, sa vot in pase.

Mon ava dir mersi Mr Benediste Hoareau pou zwenn Vis-Prezidan pour nou kapab depouy Bidze *Seychelles Intelligence Service* la apre midi. Nou pou *adjourn* la. Si nou ti kapab konmans en pti pe pli boner, nou kapab al en pe pli boner. Akoz si nou pou -

Prosen antite i merit vin 4er. Madanm Clerk, si nou fer laranzman i vin 4 er mwen en kar? So, nou a ganny *half hour break* ki i kapab – napa trafik dan lavil la. Mer Lavil ava'n ganny letan arive. Donk, nou ava *adjourn* la e nou a rebran travay setadir 3 er 45.

(BREAK)

OFFICE OF MAYOR OF VICTORIA

MR DEPUTY SPEAKER

Welcome back tou dimoun. E mon ava dir bonn apre midi e *welcome* dan Lasanble Nasyonal delegasyon sorti kot *Office of Mayor of Victoria*. Nou annan avek nou Ms Lydia Charlie ki *Acting Mayor*. E Ms Solange Marimba ki *Administrative Assistant*.

Nou ankor annan 2 zofisye Minister Finans avek nou e Vis-Prezidan ankor la ki

pe *lead* bann *panel*. Donk, nou pou pran Bidze *Office of Mayor of Victoria* ziske 4:15.

Apre nou ava pas lo lot e dernyen antite ki pour *Seychelles Law Commission*. Mon ava envit VP pou fer lentrodiksyon lo Bidze ki trouve lo paz 43 a 46 pour en sonm R4 milyon 912 mil. VP?

VICE-PRESIDENT AHMED AFIF

Mersi bokou Mr Chair. Bonn apre midi Mr Chair. Tou bann Manm Lasanble. I en plezir pou prezant zot avek Bidze Mer Lavil.

Parey ou'n dir Mr Chair, pour 2025 i en Bidze R4.9 milyon. Sa i konpar avek Bidze Revize pour 2024 ki R3.7 milyon. Repartisyon sa 4.9 i konm swivan;

1.5 milyon pour saler travayer. 1.4 milyon pour *Use of Goods and Services*. E petet mon a donn en pe detay lo sa 2 logmantasyon.

Lo kote *Wages and Salaries*, in reste preski parey - R247 mil. En pti logmantasyon. E sa i annan pou fer avek bann logmantasyon saler ki'n ganny bidzete apartir Avril 2025.

I osi annan R200 mil ki zot pou ganny enkli dan Bidze 2025 ki pa ti dan Bidze 2024, aköz zot pa'n fer *recruitment* sa letan.

Lo kote *Goods and Services* ki li in mont par R937 mil, mon ava donn son bann diferan logmantasyon ki annan anba la.

Office expenses in mont par R333 mil. E sa sete pour *printing and stationery*. Be en kantite i annan pou fer avek *FIFA Beach Soccer 2025* ki Biro Mer Lavil pou zwe en gran par ladan lo kote dekorasyon lavil. E met bann *banners* ek *billboards* en pe dan lavil.

Transportasyon and *Travel Cost* ankor, relye avek *FIFA* lannen prosenn. En logmantasyon. Be selman zis R13 mil. *Maintenance and repairs* R36 mil. Sa pou refer en pe zot *flooring* avek *fascia board* kot zot *building*.

Other uses of Goods and Services, i annan en logmantasyon R554 mil. E sa ankor i annan pou fer avek lorganizasyon bann levennman *FIFA Beach Soccer 2025*. Dekorasyon lavil. Enstalasyon bann *banner*.

I annan kou pour zot met bann enstalasyon. Bann paviyon. E pou annan en pe *entertainment* ki zot pou fer dan lavil osi, zis pou donn sa lanbyans.

Minor capital, apenn okenn sanzman. Zis mil Roup. Sa se pour lekipman ki zot bezwen. Laplipar zot in deza rode.

E *non-financial assets* zot in – savedir *capital budget*. Li in redwir par R200mil. Annefe, napa en Bidze an 2025, se parske zot in deza fer bann travay ki annan pou fer an 2024 sa lannen. Pou al an gro, Bidze Mer Lavil. Mersi bokou Mr Chair.

MR DEPUTY SPEAKER

Mersi Vis-Prezidan. Donk, mon ava ouver lasal aprezan pour bann entervansyon lo sa Bidze. Onorab Labonte.

HON ANDY LABONTE

Mersi Mr Chair. Bonn apre midi nouvo – bann reprezantan ki'n zwenn *panel*. So, *Acting Mayor*, mon ti a kontan *congratulate* ou pour sa diferans ki ou pe fer dan Lavil Victoria. E ki nou ki *border* avek Lavil Victoria nou war poudir i pe vin plizanpli pli egeyan e dimoun pe apresye.

So, mon kestyon i vin ler mon get ou *major achievement*, mon war poudir – nou konnen poudir *Paradis des Enfants* i tonm anba ou lofis.

So, vi ki ou premye *achievement* in koz lo ou'n fini finaliz sa plan stratezik. Petet dan lespri ler zot pe fer sa plan stratezi – aköz mon'n *engage* bokou avek zot. Nou konnen poudir i en landrwa kot i annan bokou potansyel. Me selman nou santi i pa pe ganny itilize sitan bokou.

So, eski dan sa plan stratezik i annan serten keksoz ki'n ganny pran kont, pou kapab donn zot en pe plis lotonomi petet pour zot kapab *run* sa landrwa, ki kapab vin pli depandan lo son prop lekor? Mersi.

MR DEPUTY SPEAKER

Mersi. *Panel?*

ACTING MAYOR LYDIA CHARLIE

Mersi Mr Chair. Mersi Onorab, pour ou kestyon. Wi, parey ou'n dir, *Paradis des Enfants* i tonm anba responsabilite Biro Mer Laval.

Me pour sa lannen, nou ti annan en *meeting* avan sa avek Minister Finans kot nou'n fer en demann. Dan lepase nou'n ganny R3 milyon avek Minister Finans ki pou ed nou pou pey saler bann travayer.

Be epi la nou pe remarke, aköz avek bann zouzou ki pe vye, ki nou pou bezwen ranplase, i annan depans tousala pe ogmante, sa lannen nou pe ganny nou en logmantasyon sorti 3 milyon pou vin R5 milyon ki Minister Finans pe donn nou.

Alors, sa i ava kapab ed nou pour nou kapab amelyor en pe bann aktivite. Bann zouzou; ganny bann nouvo zouzou pour nou kapab met dan *Paradis des Enfants* pour

benefis tou bann marmay. mersi.

MR DEPUTY SPEAKER

Mersi.

HON ANDY LABONTE

(Off-Mic)

MR DEPUTY SPEAKER

Fer li vit.

HON ANDY LABONTE

Mersi Madanm Mayor. So, ou konnen, dan ki lespri ki mon pe mete se ki nou war poudir i annan lespas kot zot kapab vreman fer larzan en pe plis.

So, petet *in term of* aktivite ki zot fer pou fer dimoun frekant sa landrwa en pe plis. Ou konnen, *these are the thing* petet ki nou pe mazin al ladan, aköz sa i bann diskisyon ki mwan mon'n menm annan avek zot. Aköz mwan osi mon frekant ase souvan laba. Mersi.

ACTING MAYOR LYDIA CHARLIE

Mersi Onorab. Mersi Mr Chair. Wi, definitivman, parey dan nou plan stratezik ki mon kapab partaz en kopi pli tar avek zot, nou annan plan ki nou, nou ti a kontan ganny en – fer en demann pour nou kapab ganny en lot landrwa pour nou kapab fer en bon *playground* pour zanfan. Me malerezman –

E la nou kontant nou avek sa ki nou annan. Parey ou pe dir, i en landrwa ki ranpli avek potansyel. Selman tou dernyerman parey depi lannen pase, kot nou'n anmenn enn nouvo. Nouvo zouzou, nouvo latraksyon pour bann marmay.

Nou annan *The Flying Chair*, nou ti anmenn *The Tiger Pride*, nou ti anmenn *The Train*. Apre nou'n annan bann lezot zouzou statik osi. Sa osi ki nou'n anmennen.

Me apre nou pe mazine la en pe pli souvan pour nou kapab fer bann aktivite dan wikenn, pour nou kapab ganny bokou - pou atrakte bokou plis zanfan.

Be selman nou ganny lasistans mon kapab dir avek *Children's Fund*, ki ed nou preske tou le lannen pour nou kapab ganny en pe larzan, pour nou kapab fer vini nouvo zouzou, nouvo *attraction* ki pour nou kapab mete pour nou benefis tou bann lezot zanfan.

Me selman parey mon'n dir ou. Mon a kapab partaz avek zot nou plan stratezik ki nou'n travay lo la. Akoz avan sa ti napa. La nou'n ganny sans, nou'n dir be *ok*, annou travay lo en plan, pour nou kapab soumet devan pour nou konnen ki direksyon ki nou le ale avek *Paradis des Enfants*. Mersi.

MR DEPUTY SPEAKER

Mersi. Nou ava pas lo lot entervenans. Sa se Onorab Aglae.

HON EGBERT AGLAE

Mersi Mr Chair. Bonn apre midi *Acting Mayor* Madanm Charlie avek ou *accounting officer*.

Premye kestyon. I annan en pe letan ki ou pe fer sa louvraz *Acting Mayor*. Mon ti a kontan petet la *VP* i la, dir nou ki direksyon zot anvi ale avek lapwentman en *Mayor*.

E osi ti pou annan en *Bill* ki mon krwar ti pou vini. Si ou kapab petet dir nou ki direksyon? Si pou donn madanm Charlie son *post*, donn li. Sa i enn.

Dezyenm i konsern dekorasyon dan lavil. Mon pa pe war gran larzan dan sa Bidze. Eski *Mayor's Office* in pare pou antreprann sa travay an kolaborasyon avek Sekter Prive, ki nou ti koz lo la lannen pase osi pou donn en koudmen?

So eski zot in pare pou fer sa bann travay ki annan pou fer ziska lafen lannen? Mersi.

MR DEPUTY SPEAKER

Mersi Onorab. *Panel?*

VICE-PRESIDENT AHMED AFIF

Mersi bokou Mr Chair. Mr Chair, pour premye parti

kestyon kot i pe demann plan a lavenir pour *Mayor*. Mon krwar in annan en diskisyon ant Gouvernman e tou son bann lezot parti prenan pou sey trouv en fason pou annan en Mer Lavil ki reprezant tou bann dimoun ki annan en lentere dan Victoria.

Be ki mannyer ou pou fer sa? Sa i pou annan detrwa posibilite. E Gouvernman i an diskisyon avek tou bann parti prenan pou deside ki mannyer pou fer sa.

Si i annan plizyer propozisyon, enkli si sa Mer Lavil i devret ganny elekte. Si i devret ganny apwente. Ki son prosesis pou li ganny fer. E tousala i met en kestyon legal lo la.

Par egzamp; si i pou bezwen ganny elekte? Ki fason i ganny elekte? I ganny elekte anba ki Lalwa? Lekel distrik ki partisip ladan?

Tousala se bann kestyon ki nou nou'n panse pou dir nou devret annan sa bann diskisyon. Pa met li la konmela konman en *item*. Nou pa ankor finaliz li.

Me selman nou kontinyen parey nou ete pour lemoman ziska ler nou kapab trouv en solisyon ansanm avek AG's Office. Ansanm avek tou lezot parti prenan, pou fer sir ki nou annan en keksoz ki tou dimoun i tonm dakor lo la an prensip.

So, sa ki mon kapab dir ou lo la, pour lemoman i en laranzman administratif kot ou annan en *Acting Mayor*. E mon krwar bann Manm in deza eksprimen poudir zot satisfè ek travay ki i pe fer.

I pe konmans dekor lavil. I pe gard Victoria dan sa leta ki nou kapab ete, nou devret ete. Byensir, tout an prenan kont larzan ki zot, zot gannnen pour zot kapab zot osi ede dan sa zefor kordinasyon. Vwala kot nou ete.

Lo lot kote – lo lot kestyon mon a les petet *Acting Mayor* pou reponn. Mersi.

ACTING MAYOR LYDIA CHARLIE

Mersi VP. Mersi Mr Chair. Onorab, mersi pour ou kestyon. Wi, konsernan dekorasyon Nwel.

Parey zot in kapab remarke. Mon krwar tou dimoun ki'n pas anvil in war poudir sa lannen nou'n konmans vreman boner avek bann dekorasyon. Nou'n kapab met en bon pe.

Me selman nou annan en *container* osi ki pe vini ver lafen dimwan la. Nou pe espere pour nou kapab azoute to sa ki nou deza annan. Pour nou kapab anbelir, pour nou kapab fer li –

Tou le lannen nou seye pour nou kapab fer li en pe pli byen, en pe pli mye avek

larzan ki nou gannnen. Akoz nou ganny nou en Bidze R1 milyon avek Gouvernman pou nou fer dekorasyon Nwel.

I pa zis pou aste sa bann dekorasyon. I pou nou fer vini sa bann dekorasyon. Pou fer enstalasyon, retire, pey *Get High*. Pour nou pey elektrik. Pou fer *entertainment* osi pandan en mwan antye.

Me selman parey mon'n dir, preparasyon in deza komanse. E zot pou war bokou plis letan pou arive sa.

MR DEPUTY SPEAKER

Klarifikasyon?

HON EGBERT AGLAE

Zis en pti *follow up Mayor*. Eski – aköz letan ou pas dan lavil ou war bann *building* sirtou. I annan ki'n byen dekore. Me i annan ou a dir ki napa sa lentere.

Eski ou pe annan en konversasyon avek sa bann biznes, sirtou bann ki annan sa bann *building* dan lavil, pour zot osi partisipe? E petet a lavenir fer en konpetisyon. Mon pa konnen mon, dan sa ki i avi fer sa lavil fleri parey nou ti a kontan? Mersi.

ACTING MAYOR LYDIA CHARLIE

Mersi Onorab. Mersi Mr Chair. Wi, parey ou'n dir. Nou, nou toultan ankouraz bann marsan. Tou bann dimoun ki

annan en batiman anvil, pour zot kapab dekor zot vitrin - dekor zot batiman.

Nou lo kote Biro Mer Lavil, nou, nou responsab plito bann batiman Gouvernman. Parey ou war kot *Liberty House*. *Independence House*. Apre osi nou ganny en *sponsorship* avek *DBS*. Sanmenm ou war ki nou dekor *DBS*. Apre tou bann lezot landrwa.

Me selman nou ankouraz tou bann marsan pour zot kapab dekor zot batiman zot menm. Pour lemoman nou napa okenn – nou napa okenn konpetisyon. Aköz parey ou konnen, avek okenn konpetisyon son reminerasyon i kapab vin an term larzan. I kapab fer dan en lot fason.

Be selman pour lemoman nou pa pe travay pou fer konpetisyon. Dan lepase nou ti deza annan en *projet* kot nou ti demann bann landrwa, bann diferan biznes pou adopte en landrwa pou dekore.

Ti konmanse enn, detrwa lannen, be apre bann biznes, pour en rezon ou en lot - mon krwar pandan bann letan *COVID* kot zot arete. Be epi la nou pa'n kontinyen lo la. Prezan nou ti war nou pe dekor partou.

Me selman petet lans en lapel avek bann dimoun ki ti a kontan vin devan pou kapab donn nou en koudmen.

La parey mon pe dir ankor. Mon pe ankouraz tou bann marsan - dekore. Dekor zot batiman - zot vitrin ki zot annan, pour nou kapab met en pli bon lanbyans pou *add up* avek sa ki nou, nou mete. Mersi.

MR DEPUTY SPEAKER

Mersi *panel*. Mon ava pas laparol avek Onorab Gabriel.

HON CONRAD GABRIEL

Mersi Mr Chair. Mon a dir en bonn apre midi *panel*. mon al direk dan zot *current challenges*. Premyerman *bullet number 1*. Zot in dir i annan en *inability* pour zot kontrol *rodent* - lera dan lavil.

Malgre lavil i prop li menm, eski dan sa Bidze la zot in fer provizyon pou kapab idantifye ki zot pou fer *next*? *Because* nou pe koz dekorasyon. Selman i pou vilenn si dekorasyon lavil i zoli, nou ranpli ek lera. So, zis dir nou ki zot annan lentansyon fer?

And then, number 2. "delays by some tenants in paying their monthly rental". So, *en d'autres mots* nou pe dir i annan bann dimoun ki pa pe peye? Zis donn nou en nide apepre en dedikasyon bann *debtors* kantite ki annan pou anmase la deor? Mersi.

MR DEPUTY SPEAKER

Mersi Onorab. *Panel*?

ACTING MAYOR LYDIA CHARLIE

Mersi Mr Chair. Mersi Onorab. Wi, parey ou'n war lo nou *challenges* kot nou pe dir i annan – mon krwar sa i pa - ti en keksoz ki tou dimoun i konnen poudir i annan lera partou anvil.

Dan lepase nou tou nou'n fer en zefor ansanm avek *LWMA* avek *Public Health* kot i annan en program – i annan en program ki ganny fer ki ganny met bann pwazon partou. Me selman sa i kontinyelman annan.

Kwa ki fer sa? Akoz i annan sa bann *litter bins* ki annan partou anvil. Sa bann *litter bins*, tou keksoz i ganny met ladan; i met *pet*, i met restan manze, i met pake *juice*. Tou keksoz.

Prezan, malerezman sa bann dimoun ki anmas bann *pet* anvil, zot vini, zot met zot lanmen ladan, zot fouye. Si zot bat avek bwat manze zot kit lanmenm deor. Zot pran sa ki pour zot, zot al avek. Me prezan *by the time* ki landmen bomaten pour *LWMA* kapab vini vin netwaye, vin balye, *then* parey ou konnen, lera i vini.

Me selman i annan en zefor ki nou pe fer. Nou kot nou Biro *Mayor's Office* nou

menm nou, nou napa en Bidze pour nou kapab fer sa program. Akoz sa i tonm plito anba *Public Health* pour zot kapab fer sa louvraz.

Konsernan bann dimoun ki annan – ki pa pe pey zot *kyosk*. Wi, sa ti date depi rafal *COVID* ki nou ti donn bann dimoun en *grace period*, aköz pandan sa letan biznes pa ti pe marse.

I annan ki peye. Me malerezman i annan ki aköz zot biznes in vremen *slow* - i vremen *slow*. Sirtou sa bann dimoun ki vann *craft*. Zot biznes i vremen *slow*, alor zot in ganny en pti pe retar, en pe difikilte pour zot kapab pey nou.

Sa ki nou annan an total la aryera, nou annan en *kyosk* ki drwa nou apepre R24 mil. Sa aköz i date depi *juillet* 2003 ziske Oktob sa lannen. Aköz sa bann *kyosk* nou pa ti sarz zot bokou larzan, i selman R1500 par mwan.

MR DEPUTY SPEAKER

Mersi. Mon a donn laparol Onorab William.

HON WAVEN WILLIAM

Mersi Mr Chairman. Bonn apre midi *Mayor* avek ou delegasyon. Madanm *Mayor*, mon pe regarde anba *challenges* la, sa premye *bullet point*, eski zot pe –

Sirtou aköz nou pe al *host Beach Soccer* lannen prosen. Me mon mazine poudir i annan bann serten bann mezir ki bezwen ganny pran pou kapab dil avek sa sityasyon.

Par egzanp, eski nou pe revwar lafason salte pe ganny tire? Pe ganny tir bomaten ouswa nou pou fer li osi aswar ki i kapab *relieve* en pti pe sa sityasyon?

Epi, mon anvi demann avek ou si zot in konmans sa konversasyon boner avek Sekter Prive, sirtou vizavi zot langazman anver preparasyon pour sa *Beach Soccer in terms of* organiz bann aktivite?

Aküz mon'n war poudir dan rafal Zournen Lagrikiltir avek Festival Kreol, in annan bokou aktivite in ganny organize. Konmsi i en, mon kapab dir, i en bon siny.

So, ti a bon ki letan nou bann viziter pe vini lannen prosen, sirtou pour sa levennman. E nou ava annan otan osi. Me selman i annan bann preparasyon ki bezwen ganny fer davans. Mersi.

MR DEPUTY SPEAKER

Mersi Onorab. Mon ava en vit *panel* pour larepons.

ACTING MAYOR LYDIA CHARLIE

Mersi Mr Chair. Mersi Onorab. Wi, parey ou'n dir.

Definitivman nou annan en diskisyon ki nou deza pe diskite ansanm avek LWMA pour nou gete ki mannyer nou kapab pli byen travay ansanm, pour nou kapab dil avek sa tel sityasyon. Sa i *ongoing*.

Nou pe menm mazine petet pour nou annan en pe plis *bin*. Me selman lakantite fwa ki *bin* i ganny tire osi. Tousala i annan en diskisyon ki nou pe fer ansanm avek LWMA. Definitivman nou pou bezwen fer keksoz avan le 1er Me i arive.

Apré konsernan preparasyon. Pour lemoman non, mon pa ankor antre avek okenn diskisyon avek bann biznes. Me selman mon ava pran ou propozisyon ki nou a kapab diskite avek zot pour nou kapab anmenn en pe plis lanbyans. Pli bon lanbyans dan Victoria pandan sa letan. Mersi.

MR DEPUTY SPEAKER

Mersi Mer Laval. Nou pou pas lo lot enterven, Onorab Vidot.

HON AUDREY VIDOT

Mersi Mr Chairman. Mon kestyon pour *panel*. Bonn apré midi. Prenan kont ki letan nou pe regard zot Bidze, zot pe kontinyelman ganny bann latas pour zot letan i annan serten bann levennman ki ganny fer dan pei.

Se zot ki bezwen administre pou fer sir ki serten bann, swa dekorasyon, oubyen serten lozistik ki bezwen ganny prevwar. Espesyalman si i konsantre dan laval.

Eski sa Bidze pe permet zot annan ase resours imen pour zot kapab fer sa bann travay? Sa i enn.

Apré dezyennman, i annan bann Bidze presedan ki mon'n deza koz avek *Seychelles National Institute of Culture Heritage & the Arts* lo size, *why not* ki annan en serten kalite program ki Gouvernman i kapab konsidere?

Pour ki dan nou laval nou annan serten bann, swa bann *sculptures* ki en pe parey kot lapos, kot ou vwar i annan serten nou bann leritaz i ganny *display*.

Mon krwar Madanm Charlie ou pou konn tre byen. Nou'n deza ganny loportinite ler nou ti al *Kenya*. I annan serten landrwa kot ou debarke otour zot *airport*, ou vwar ki i annan zot bann *sculpture* zot bann zannimo dan zot pei.

E nou osi nou war zis lo nou larzan. Me dan laval li menm, napa. Petet atraver ou lofis, si zot kapab konmans en konversasyon avek *Seychelles National Institute of Culture*, war ki mannyer zot kapab konsider sa, pour ki nou laval

osi nou montre nou bann antite. Nou bann aki.

Pour ki i vin koman en latraksyon touristik osi. Me pour osi pour nou bann zanfan vwar e apresye nou bann leritaz. Mersi.

MR DEPUTY SPEAKER

Mersi Onorab.

ACTING MAYOR LYDIA CHARLIE

Mersi Mr Chair. Mersi Onorab. Mersi bokou pour ou bann propozisyon ki mon ava *take onboard*, mon a kapab diskite avek Lenstiti Kiltirel. Mersi.

Aprè ou ti pe demann mwan lo kote *Human Resources*. Parey ou konnen, resous pour ou fer en keksoz zanmen i ase. Me selman nou toultan – mon annan en bon kolaborasyon avek bann lezot sekte.

Parey avek *SNYC*, nenport ki ler ki mon pou tap zot laport pou demann en led, en lasistans pour nou kapab fer keksoz bouze. Fer keksoz avanse. Definitivman mon ganny zot sipor.

Aprè okenn bann lezot lorganizasyon. Menm bann endividi ki mon toultan tap zot laport, demande pou donn en koudmen pour nou organiz keksoz. Sa nou kapab – mon asire mon kapab gannnen. Zanmen zot refize.

Me selman parey ou'n dir, nou ava vwar. Nou ava kapab diskite avek tou bann lezot lazans pour nou kapab fer keksoz en pe pli byen. Mersi.

MR DEPUTY SPEAKER

Mersi *Mayor*. Onorab Loizeau.

HON NORBERT LOIZEAU

Bonzour Madanm *Le Maire*. Mr Speaker, mon anvi demann Ms Charlie vi ki i konnen preski 3 kar lavil i tonm dan distrik Bel Air. E mwan mon ti a kontan en lavil ki animen - kolore. Pa zis ler i annan en levennman anvil, me toulezour pandan lannwit.

Vi ki, nou konnen parey bann lavil deor i pa neserman ki bann *streetlights* ki alim sa lavil. Me plito bann lansenny ki bann biznes i mete, ki alim bann koridor partou. E nou anvil nou napa.

Eski i annan en travay ki ou konman Mer Lavil ou ki pe fer an relasyon ek bann biznes, pour zot kapab fer sa pou fer lavil en pe pli alimen aswar?

E en dezyenm kestyon, vi ki parey dan tou lezot lavil. Parey ler nou al *Londres* nou war dan bann Stasyon Tren bann lanmizik pe ganny zwe. I annan bann pwen *power* kot en dimoun i kapab *plug*, zwe

son lanmizik 2erdtan, lot i sorti.

Eski i annan en konversasyon ki pe ganny fer pour ki en pe partou anvil, parey kot lapos - pa zis ler i annan en levennman ki nou war sa. Me tou dilon lannen.

I kapab annan en artis i kapab vini pour li promot son lekor. I vini i *plug* son pti lenstriman. I perform en kou. Touris i war. I kapab sorti la al Lari Bazar. *Move* en lot landrwa.

Eski i annan en konversasyon dan sa laliny pou fer ki i ava annan sa a lavenir dan Victoria? Mersi.

MR DEPUTY SPEAKER

Mersi Onorab Loizeau. *Panel?*

ACTING MAYOR LYDIA CHARLIE

Mersi Mr Chair. Mersi Onorab. Konsernan lalimyer; Wi, parey ou konnen, ou osi ou'n vwayaze partou. En kantite bann landrwa se bann batiman ki normalman zot bann lalimyer ki zot annan ki pou ede ekler semen oubyen sa landrwa zot ete.

Petet ti a byen. Mon ti pe mazine dan mon bann diskisyon ki mon pou annan avek *Planning Authority* pour nou vwar kekfwa letan bann dimoun i *submit* zot plan – zot plan, kekfwa i ava en demann pour sa bann dimoun ki pe fer

sa bann devlopman, pour zot kapab annan lalimyer lo zot batiman ki pou ekler – ki ekler semen.

Be selman Onorab, sa ki mon kapab dir ou se ki tou dernyerman la, preski tou le mwan *i make it a must* ki mon fer letour lavil dan aswar ansanm avek Mr Wilson Denis *from Road Transport*, nou get partou bann *blind spot*. Landrwa kot nou krwar -

I annan lalimyer, me selman avek sa bann *solar*, i pa pe alim ase. I pa pe kler ase. Kot nou kapab tire, kot nou kapab met nouvo lalimyer, i annan bann landrwa kot napa ditou, nou mete.

Sa nou fer en letour nou de Mr Denis, sanzekspeksyon. Kontrer mon le remersye li pour sa - ki nou fer letour aswar pour nou kapab konnen kote pour nou kapab amelyor bann landrwa kot i en pti pe fernwar.

MR DEPUTY SPEAKER

Konsernan *plug* kot bann dimoun i kapab fer performans artistik?

ACTING MAYOR LYDIA CHARLIE

Ok, sa Onorab, parey ou konnen. Zanmen nou'n annan sa kalite latraksyon dan Sesel. Parey dan lezot pei kot en dimoun zis i vini i *plug*. I vini i perform i fer en pti – i promot

son biznes; zanmen nou'n annan sa.

Me selman kot *waterfront area* kot *La Passerelle*, nou deza annan nou en *stage* la ki apel Akoustik Kafe, ki sa i la. Nou met li a la dispozisyon bann dimoun. Sirtou bann *emerging artist*. Si zot le zot kapab vin la aköz i annan en *green area* tou devan, zot kapab vini aköz nou pa demann naryen pou sarze. Zot kapab vini, vin *plug in*. Sante. Atrakte en lodyans.

Nou konnen kekfw a i an deor. I an deor lavil. Me selman dan lavil li menm nou napa sa tel fasilite. Kekfw a nou a kapab diskite avek bann dimoun si nou krwar poudir sa i en bon pratik, si nou anvi anmenn en tel kalite pratik isi dan lavil. Mersi.

MR DEPUTY SPEAKER

Mersi *Mayor*. Dernyen entervenan lo sa *heading* pour nou kapab fini *just in time*, se Onorab Georges.

HON BERNARD GEORGES

Mersi Mr Chair. *Very briefly* Mr Chair. Mon kontinyen kot Onorab Vidot in kite.

Eski i annan - Mer Lavil E Vis-Prezidan, eski i annan en pti Bidze *somewhere* dan sa lannen ki pe vini, oubyen si non, eski zot annan okenn propozisyon pou zot met en Bidze pour 2 keksoz dan lavil?

Enn, bann landrwa en pti pe partou kot i annan en lespas kot zot kapab met en parasol avek detrwa ban pour bann dimoun ki manz *takeaway*. Mon war en kantite pe asize lo en bor miray, lo en peron en batiman *or whatever*, pou zot manze, kot zot a kapab fer li dan en latmosfer en pe pli *conducive*.

E dezyenmmman, pour zot annan - e sa prensipalman pour nou touris. Me osi pour bann zanf an lekol - en landrwa kot zot kapab met en plak pou dezir bann landrwa enteresan anvil. Pa zis Lorloz, Zarden Botanik, eksetera.

Me mon pe mazin bann keksoz parey - e mon konnen ki lot kote latab pou aplodi mwan. Biro Mr Rene par egzanp; Biro Mr Mancham. Bann dimoun ki'n fer en kontribisyon dan nou lavil. Kabare Lari Bazar. Bann keksoz koumsa pour ki nou pa perdi sa bann parti nou listwar. Mersi Mr Chair.

MR DEPUTY SPEAKER

Mersi *LGB*. *Panel*, en larepons?

ACTING MAYOR LYDIA CHARLIE

Mersi Mr Chair. Mersi Onorab. Wi, konsernan bann ban oubyen bann landrwa pour bann dimoun kapab asize pran en *take-away*, en keksoz

koumsa. I dan mon plan ki mon ti pe diskite. Se pour nou –

Ou konnen i annan sa pti landrwa pres kot *Mayor's Office* pour bann dimoun. I deza annan ban. I annan bann dimoun i vini i asize i manze. I fim en pti sigaret. Oubyen zot zwenn zot asize, koz koze.

Me mwan mon ti a voudre *turn* sa landrwa *into a small garden*. Ki nou pou apel li *Mayor's Garden*. Kot dan mon lide se pour nou refer sa *mural*. Nou ava annan *additional benches*; bann landrwa kouver - 2 pti latab. Sa i ava enn.

Apre, mon'n deza konmans en diskisyon avek *LWMA*, pour nou kapab al fer en letour partou pour nou gete kote bann lezot landrwa dan lavil ki nou krwar nou kapab mete *additional benches*.

Parey nou ti annan en propozisyon. I annan sa bout – sa *walkway opposite* larivyier *Kingsgate House* avek *Gordon Square*. I annan sa feray la. Sa *pergo* la. Ki nou ti pe mazine pour nou fer plant bann plant ki file la. Apre, met bann ban.

Met bann ban la anba la ki dimoun i a kapab ganny en landrwa asize. Ou konnen, avek loder lanmer, larivyier letan pe plen. Sa i en keksoz adisyonnell ankor ki nou'n diskite. Me selman i annan en diskisyon osi ki nou pe fer

avek *LWMA* pour nou kapab fer plis – met en pe plis fasilite.

Apre – wi, sa nou a kapab definitivman nou ava diskite. Nou ava kapab diskite lo la. Mersi Onorab.

MR DEPUTY SPEAKER

Mersi bokou Madanm *Le Maire*. Nou ti pe diskite Bidze Mer Lavil. E Onorab Georges ti dernyen entervenans lo sa *heading*. Donk, in ariv ler pour nou pran en vot lo *Office of the Mayor of Victoria* ki trouve lo paz 43 a 46 pour en sonm R4 milyon 912 mil, mon ava demann tou bann Manm ki an faver pou endike silvouple? Mersi. Okenn Manm ki kont? Mersi Madanm Clerk.

Vot lo *Office of the Mayor of Victoria* pour en sonm R4 milyon 912 mil, i annan 16 Manm ki'n vot an faver, 8 Manm in *abstain*, okenn Manm pa'n vot kont, Donk, sa vot in pase e ganny aprouve par Lasanble.

Nou ava remersi bann *panellist* ki'n zwenn nou pour sa enn sesyon. Sa ti enkli *Acting Mayor* Ms Lydia Charlie avek Ms Solange Marimba ki *Administrative Assistant*. Mersi pour zot partisipasyon.

Nou ava permet zot fer zot depar e swet zot bonn kontinyasyon pour lafen lazournen. E tou de bon pour bann travay zot annan pou fer

an term dekorasyon Nwel pour sa lannen. Mersi.

ACTING MAYOR LYDIA CHARLIE

Mersi Mr Chair. Mersi tou dimoun pour zot sipor. Mersi.

SEYCHELLES LAW COMMISSION

MR DEPUTY SPEAKER

Bon nou ava demann *Hansard reporter* pou kriy dernyen delegasyon ki pou zwenn nou pour ozordi apre midi. E zot sorti kot *Seychelles Law Commission*. Pou met zot pare, zot Bidze i lo paz 151 a 154.

Mon ava dir byenveni delegasyon ki fek zwenn nou. Dernyen delegasyon ki nou pe vwar pour ozordi pour Bidze. E sa i *Seychelles Law Commission*.

E sa ki'n fek zwenn nou se Direkter sa Komisyon Mr Yohan Liyanage. E osi Ms Nathanielle Julie ki *Assistant Accountant*, e Ms Natasha Jeanne ki *Human Resource Budget Management Officer*.

Vis-Prezidan ankor avek nou. Zot Bidze i trouve lo paz 151 a 154 pour en sonm R5 milyon 120 mil, mon ava envit VP pou fer lentrodiksyon lo sa *heading*.

VICE-PRESIDENT AHMED AFIF

Mersi bokou Mr Chairman. E Mr Chairman i en plezir pour mwan prezant zot avek Bidze pour *Seychelles Law Commission*.

Parey ou'n dir, i en Bidze R5.1 milyon. E sa i preski parey Bidze ki zot ti gannyen an 2024 ki ti R5 milyon. Me selman zot Bidze Revize pour 2024 ti'n desann pou vin R4.2 milyon. E nou ava eksplik bann diferans.

Alors, sa Bidze R5.1 milyon i repartisyonnen ant 2 konponan mazer. Enn se; *Compensation of Employees*. Savedir saler pour travayer ki R2 milyon. E lot se *Goods and Services* ki li i R3.1 milyon. E mon ava zis profite pou donn detay sa bann diferans ant sa ki'n revize e sa ki'n ganny revize pour 2024 e sa ki annan la pour ozordi.

Wages and Salaries parey zot a vwar, in mont par R552 mil. E ladan sa 522 i annan pou fer avek en logmantasyon pour bann azisteman pour bann *staff*.

I annan R20 mil ki an relasyon avek sa logmantasyon saler apartir Avril lannen prosenn. I annan R600 mil ki zot pe entrodwir dan zot Bidze an 2025 ki zot pa'n servi pandan 2024 aköz ti annan *delays* dan *recruitment*.

Goods and Services li in mont par R340 mil. E R340 mil esansyelman i annan *housing* ki in ogmant par R191 mil. E sa i annan pou fer avek *recruitment* ki zot pe *plan* fer an 2025.

Office expenses li in redwir par R7 mil. Mon pa pou al dan bann detay, be selman i annan en bann ki'n monte, en bann ki'n desann. Selman efektifman in redwir par R7 mil.

Transportasyon in ogmant par R113 mil. Answit, *maintenance and repairs* in redwir par R28 mil. Sa ki nou apel *Other Uses of Goods and Services*, en logmantasyon an tou R331 mil. E sa i vin - son *breakdown* i konm swivan:

I annan *other service agreements* en logmantasyon R181 mil. Vi ki zot pe met an plas en sistenm lo zot web sit ki pou annan tou bann Lalwa Sesel. I annan *training* ki zot pe peye. I annan *allowance* pour bann manm *Board*. I annan *rent* ki'n ogmant par R50 mil an tou lo *Link Building* kot ete an se moman.

Apré nou annan *minor capital outlays* ki annan en rediksyon R260 mil, parske *minor capital* souvandfwa i annan bann lekipman.

E pour laplipar zot, zot in deza rod an 2024. Alor ki fer ki 2025 zot pa pou bezwen sa. E alor i ganny reflekte konman

en rediksyon. Vwala an gro Bidze *Seychelles Law Commission*. Mersi bokou Mr Chair.

MR DEPUTY SPEAKER

Mersi Vis-Prezidan. Mon pou ouver lasal aprean pour bann entervansyon. E mon annan Onorab Rocky Uranie lo lalis.

HON ROCKY URANIE

Mersi Mr Chair. Bonn apre midi *VP* avek *panel*. Byensir, bonn apre midi tou koleg Onorab e tou zabitan ki a lekout.

Mon pe get dan *current challenges* mon vwar ki zot annan zis en *challenge*; difikilte pour zot ganny kandida ki soutenab, ki nesaser pour zot *fill* bann – pour zot *fill vacant positions*. *This is the only challenge you have*.

So, nou pe demande apepre konbyen kandida i mank zot? Akoz *VP* in dir la ki i annan en logmantasyon dan *housing rent* R191 mil ki tonm apepre R15 mil par mwan pour en *housing*, ki zot pe plan recruit?

E ler mon pey R15 mil i tonm zis pour en lakaz ou pe dir, ou pe *rent*. So, konbyen dimoun zot pe *plan* pou recruit lannen prosenn? Mersi.

MR DEPUTY SPEAKER

Mersi Onorab. *Panel*?

VICE-PRESIDENT AHMED AFIF

Mersi Mr Chair. Mersi Onorab. Mon konpran poudir i annan en bezwen pour 2 dimoun. Enn ki pou *compile* bann laws. En lot pour en *counsel*. En *legal counsel*.

Zot pe an se moman zot pe *advertise* pour sa bann pozisyon. Selman efektivman mon larepons se 2 dimoun ki zot santi zot pou bezwen.

HON ROCKY URANIE

Mr Chair, *sorry*. Non, parey mon pe get demann pour lakaz R191 mil *increase*. Pary mon pe dir, sa i tonm zis apepre R15 mil par mwan. So, mon pe mazine sa i en lakaz.

Sa 2 dimoun pou reste dan menm lakaz zot, oubyen zot pou vin avek plis demann apre pou *increase* dan *housing*? Mersi.

MR DEPUTY SPEAKER

Onorab, *unless* mon pe mal gete, mon'n war 540 mwan. Be si ou diviz li par 12, i tonm R45 mil par mwan, non? Ouswa mwan ki pe mal regarde?

VICE-PRESIDENT AHMED AFIF

Mon krwar logmantasyon ki nou'n koz lo la ki'n vin R180...

MR DEPUTY SPEAKER

Yes, but the total is 540.

HON ROCKY URANIE

Yes, the total is 540. The increase is 191 thousand. Meaning, the previous sum was already being used for housing rent. This is the new rent.

That means this is equal to about 15 thousand per month. Which is equal to one house. So, they are recruiting 2 more personnels to work. So, will you become - is this money going to be enough for 2 housing? Or you'll be coming for more money later? Thank you.

MR DEPUTY SPEAKER

Panel in ok avek en leksplikasyon?

PS ASTRIDE TAMATAVE

Mr Chair, *currently* sa provizyon 2024 – 25 *sorry*, pe fer provizyon pour 3 – 3 lakaz. Sa R540 mil. R540 mil pe fer provizyon pour 3 lakaz pour 3 *expat* lannen prosenn.

Ladan i annan 2 ki pou lo *level* direkter en provizyon 12 mil 500 par lakaz in ganny fer pour sakenn. E apre i annan enn en provizyon R20 mil in ganny fer pour lakaz. So, i pou 3 lakaz. Mersi.

Me selman si Onorab petet letan nou, letan *Law Commission* i rod akomodasyon i santi zot pa pe ganny en akomodasyon R12

mil 500, zot pe ganny *let's say* R15 mil.

Nou ava regard Bidze dan *Mid-Year Review* si nou bezwen fer *virement*. Selman, baze lo *budget costing*, R12 mil 500 in ganny fer pour 2 lakaz, avek enn R20 mil. Mersi.

MR DEPUTY SPEAKER

Mersi PS. Mon a donn laparol Onorab Gill.

HON CHURCHILL GILL

Mersi Mr Chair. Mon kestyon i lo latab 5 pour bann mezir performans. Pour kantite poursantaz *Laws of Seychelles Revised*, pour 2024 mon ti a voudre ganny en pe leklersisman ki mannyer zot in ganny sa poursantaz.

Akoz 2024 zot dir 20poursan; 2025 zot osi dir 20poursan; 2026, 80. Apre 2027 zot dir 100poursan. Si ou get sa sif, i pa paret i pe donn en bon leksplikasyon.

Eski i pe dir nou 2024 sa ki in fer i reprezant 20poursan, e 2025 i ekspekte fer ankor 20poursan?

Mon dezyenm kestyon, menm parey pour bann *reports*. Partou son – 2024 i 2. 25 - 2. 26 – 2, 27 - 2. Eski sa i kantite *report* ki i devret donner pandan en lannen? Si i koumsa *then* i ava dir nou.

Apre *New Draft Bills*. I osi 10 pour 24. 10 - 25, 26, 27. *Likewise* pour bann

instrument drafted. Eski pour sa bann kalite statistik anba sa 2 dernyen ki mon fek nonmen, zot deza gannyen pour en lannen?

Par egzanp pour lannen 2025 zot in deza konnen ki kantite ki zot pou gannyen, sanmenm ki tou sa bann sif i egzakteman parey lannen dernyen? Mersi.

MR DEPUTY SPEAKER

Mersi Onorab. Leksplikasyon *panel*?

MR-VICE-PRESIDENT

AHMED AFIF

Mersi bokou Mr Chair. Mr Chair, mon ava al lo premye kestyon. Premye bann endikater performans.

Lo poursantaz Lalwa ki'n ganny refize. Sa ki mon annan se ki zot in idantifye anviron 423 fayl an tou ki zot ti a kontan fer revizyon lo la. E zot in donn zot en target 4 an pou fer sa bann revizyon, ki 2024 zot in *achieve or* zot target ti 20poursan.

Prezan zot met ankor en 20poursan son lannen ansuit. E zot pou ariv 80poursan ver 2026 e 100poursan ver 2027. Se sa ki zot pe dir. So, zot pa'n met konbyen fayl i pou vini. Be selman si ou pran poursantaz 423, se sa ki zot pe dir.

Number of Seychelles Law Reports ki zot in met 2, sa se bann rapor ki zot prodwi.

Zot pa ankor prodwi rapor ziska konmela. Selman zot pe planifye annan en *Law Report* tou le lannen.

Sa *Law Report* mon mazine i pou koz en pti pe lo bann sanzman ki'n arive dan sa letan. Dan sa peryod letan revizyon ki zot pe fer. E zot in program omwen 2 rapor par an. So, mon mazine tou le 6 mwan zot a prodwir en rapor. Bann *Law Reports*.

Answit, sa bann *New Bills drafted* se bann estimasyon ki zot krwar i realistik. Wi, *estimated* ki zot krwar i realis pour zot mete. E parski i difisil pour ou konnen dan en lannen konbyen *S.I.* Selman baze lo leksperyans se sa ki zot pe eksperyanse, e zot krwar poudir i realis sa ki zot in mete. Mersi Mr Chair.

MR DEPUTY SPEAKER

Mersi VP. Mon a donn laparol Onorab Woodcock.

HON WAVEL WOODCOCK

Mersi Mr Chair. Bonn apre midi VP e bann *Commissioners*. Mon premye kestyon Mr Speaker.

Avan mon konmanse, fodre note ki i vreman trankil ozordi dan Lasanble, ozordi apre midi, napa okenn malelve. Mon prezimen aköz *Leader* Lopozisyon pa la ozordi apre midi. So, i vreman,

vreman trankil. Travay pe deroul byen normal.

(Interruption)

HON WAVEL WOODCOCK

Mr Speaker – Mr Chair, mon premye kestyon; manda *Seychelles Law Commission* se pou reviz bann Lalwa Sesel, ki en louvraz vreman teknik.

E mon note anba *current challenges* ki Onorab Rocky Uranie osi in koz lo la ki zot pe ganny difikilte pour zot ganny bann *suitable candidates to fill* bann *vacant position*.

Biro Atorni Zeneral i annan en pratik kot zot pran bann zenn ki'n fek fini zot letid Liniversite. Eski sa i en keksoz ki petet *Seychelles Law Commission* osi i kapab antreprann pou pran bann marmay *fresh out of University*?

Or secondly, si parey Biro Atorni Zeneral pe fer, si zot pe osi konsider si an ka zot pe ganny difikilte pou *recruit*, pour zot osi pran - anploy bann etranze pou travay avek *Seychelles Law Commission*? Mersi bokou.

MR DEPUTY SPEAKER

Mersi Onorab. *Panel*?

VICE-PRESIDENT AHMED AFIF

Mersi bokou Onorab. Onorab, mon konpran sa pwen ki ou pe

sey fer. Sa ki mon konpran se ki natir sa travay *Law Commission* se reviz Lalwa. Me pour ou kapab fer sa travay, i demann en bon pe leksperyans.

E normalman sa kalite travay se en dimoun ki deza familye ek tou sa bann travay. Deza familye ek bann lamannman ki'n pase. I konn en pe sa ki ou apel tou sirkonstans otour sa bann Lalwa, kwa ki'n pase. Ki rezonnman ki par deryer bann sanzman ki souvandfwa ou pa war li direkteman ler ou pe lir en Lalwa. E sa i demann bann dimoun ki ase eksperyanse normalman.

E alor, pour sa kalite travay ki zot pe fer, parey ler ou pou al ekrir sa *Law Report*, ler ou pou fer – ou pou regard keksoz ki'n ganny dir. Amannman ki'n ganny pase, ki mannyer ou pou met li dan term legal pou zisteman reviz Lalwa. I demann en dimoun eksperyanse.

E zot pa krwar ki en marmay ki fek sorti – en profesyonnel ki fek sorti lekol i neseserman kapab fer sa kalite travay. Sa i demann en lekspertiz en pe spesyalize.

Pa anpes zot pran dimoun pou travay pou ed sa dimoun ki vin fer sa louveraz. Sa byensir i annan en posibilite. Selman parey ou'n

vwar ou menm, zot Bidze i deza limite.

So, zot pe deza *advertise* pour sa bann pozisyon. E mon konpran zot pe trouv en pe difikilte pou ganny Seselwa ki enterese pou vin pran sa bann pozisyon. Me zot pou kontinyen fer sa zefor pou gete si nou napa bann Seselwa avek abilite ki kapab ranplas sa bann – ki kapab pran sa bann *vacancy* e ganny anploye. Mersi Mr Chair.

MR DEPUTY SPEAKER

Mersi Vis-Prezidan. Mon pou donn laparol Onorab Cosgrow.

HON WALLACE COSGROW

Mersi Mr Chairman. Mr Chairman, mon pou koz sa pti bout la an Angle pour ki *gentleman in front* i konpran nou.

Ok, so basically one of the mandate of the Seychelles Law Commission is to reform and update Laws in line with the social, cultural, economic needs and values of Seychellois asset.

Now, following on from what VP has just said in regards to the candidates that they look for, in terms of fulfilling positions at the Law Commission, the requirements are that you have to be familiar with the Seychelles Culture and everything.

No disrespect to you sir, but you are recruiting from overseas. The gentleman in front of us, next to you is not a Seychellois.

So how does the Law Commission fulfil this very important mandate? So, tell us how you're going to fulfil this very important mandate, when you don't have the qualified people to deliver on this mandate?

Now, this ties in with the second bit of my question. The second question actually, that I have.

E sa mon pou koz an Kreol. I will say it in Creole because it concerns all the local legal people. Well, lawyers and draftspersons.

Now, i fer 3enm Bidze ozordi ki nou war ki konsern bann dimoun legal. Nou'n war Atorni Zeneral. Nou'n war Anrezistrasyon. La nou war Seychelles Law Commission.

Ler mon get Bidze Law Commission, zis en avoka etranze ACCS sa ki i anmanse par lannen - R17 mil par zour. I plis ki Bidze Law Commission. R17 mil par zour en avoka ACCS etranze i bokou plis ki Bidze Law Commission ozordi.

Mwan Mr Chairman, sa i en lensilt pour tou sa bann zenn dimoun ki pe dedye zot lavi dan travay Lalwa isi Sesel.

Si nou santi ki poudir travay Law Commission i sitan enportan, e mon krwar poudir i annan serten lenportans. Nou devret pe met plis resours atraver bann imen, bann lawyers, bann draftsperson ki pe travay dan sa domenn. E non pa – pour nou kapab war rezilta.

Akoz dan lepase nou'n konplent about Irish isi laba. Me ozordi, sa Gouvernman pe fer menm zafer avek ACCS. Pe pran larzan pep Seselwa e pe pran tou pe met dan ACCS. Kan i annan lezot louvraz enportan kot Seselwa, bann zenn Seselwa kalifye i kapab osi travay. E pey zot R17 mil par zour zot osi.

So Mr Speaker, eski i annan en posibilite ki nou fer sa avek Law Commission? Mersi.

MR DEPUTY SPEAKER

Mersi Onorab. Panel?

VICE-PRESIDENT AHMED AFIF

Mersi bokou Mr Chair. Mr Chair, mon krwar Onorab in dir en keksoz ki mon pa'n dir.

Mwan mon pa'n dir pou dir rezon nou bezwen ganny bann dimoun eksperyanse pou travay pou ranpli sa bann pozisyon anba current challenges la, se parske zot bezwen annan – zot bezwen konn kiltir. Mon pa'n zanmen

mansyonn kiltir dan mon lentervansyon taler.

Mon'n dir pou dir zot bezwen konn konteks. Konteks sa ki Lalwa i sanze Sesel. Pa detourn sa ki mon'n dir. E pour ou konpran konteks Lalwa, fodre ou annan leksperyans. Pa bezwen konn kiltir pei sa. Napa naryen pou fer si ou en etranze, si ou en Seselwa sa. I sa konteks.

Se sa ki ou'n sey dir poudir mwan mon'n dir kiltir. E alors, la ozordi ki mannyer nou pe pran etranze ki vin Atorni Zeneral. Mon krwar ou pe anmenn menm pwen - menm vye zistwar pe roul ankor - en rikord reye.

Nou nou'n swazir en Atorni Zeneral baze lo rekomandasyon CAA ki Mrs Esparon i lo la.

(Interruptions)

VICE-PRESIDENT AHMED AFIF

Jessy Esparon i lo la; Ki Mr Confait i lo la; ki annan lezot dimoun. Si sa i fatig zot, al koz ek sa bann dimoun.

(Interruptions)

VICE-PRESIDENT AHMED AFIF

Mr Chair, mon pa konnen ki sa bann leksitasyon, kot i sorti. Mwan mon pa eksite. Mon byen kalm. Mon pou

eksplik ou. Nou nou'n rod nou en Atorni Zeneral selon prosedir ki Sesel i demande.

Si ou war i annan enn de etranze dan Gouvernman ki pe travay. Sa bann etranze pa'n ganny swazir aköz nou kontan zot konman en etranze. Nou prefer Seselwa. Non. Nou'n swazir zot parske nou'n *advertise* pour nou ganny Seselwa. Nou pa'n gannye.

Sa bann zafer ki pe pase kot ACCS se bann *one-off* ki pe ganny fer. Eski ou'n demande konbyen avoka lot kote sa ki pe ganny prosekite pe peye?

(Interruptions)

VICE-PRESIDENT AHMED AFIF

I enportan pour ou gete! E si zot, zot ti fer zot louveraz koman en Gouvernman serye sa letan, zanmen sa problemn ti pou leve ozordi!

(APPLAUSE)

VICE-PRESIDENT AHMED AFIF

Se parske zot pa'n fer zot louveraz! Zot pa'n fer zot louveraz, larzan in perdi! Ozordi nou pe depans milyon pou al rod larzan, parske nou bezwen *match* sa kalite konpetans!

(Interruptions)

VICE-PRESIDENT AHMED AFIF

E mon anvi fer ou konnen ki sa bann dimoun ki pe ganny peye, sa kalite larzan i en *one-off*. Zot Kontra i fini.

(Interruptions)

VICE-PRESIDENT AHMED AFIF

E ler sa ka i fini zot ale. Sa bann dimoun ki nou pe anploye isi la, i reste la. Si zot pa anvi ekoute parske laverite i ofans zot. Reste ek bann fe. Mon konnen i fermal lo zot, selman zot bezwen aksepte zot in fer fot. E se nou apre 2020 ki vin koriz zot bann fot. Mersi bokou Mr Chair.

(APPLAUSE)

MR DEPUTY SPEAKER

Mersi Vis-Prezidan. Mon pe donn laparol Onorab Aglae.

(Interruptions)

HON EGBERT AGALE

Mr Chair. Mr Chair, mon kestyon. Me selman avan, mon krwar i en pti pe *unethical* pou nonm non manman en Manm. Akoz isi dan sa Lasanble i annan fanmir ki lo bann *Board* Lapwentman. Anou pa servi non!

(Interruptions)

HON EGBERT AGALE

Nou pa servi non. So, annou respekte – annou annan en pti pe respe lo sa laliny.

(Interruptions)

HON EGBERT AGALE

Mon kestyon ki mon anvi –

(Interruptions)

HON EGBERT AGALE

Mon kestyon ki mon anvi demann Vis-Prezidan ouswa Finans li menm, depi bomaten nou'n koz lo 3 antite ki annan en laspe legal avek. E nou pe war bann konsern ki atase avek bann reminerasyon ki pa atrakte kliyan pou reste.

So, mwan mon kestyon i petet ki direksyon a lavenir Gouvernman i anvi pran pour enn fwa pour tou met en balans, ouswa *level the playing field* parey Angle i dir, pou kapab annan bann kandida ki pou santi li atrakte, pou vin devan dan servis piblik pou form par okenn antite ki annan pou fer avek bann laspe legal?

Ki zot pa zis vini apre *transit to private sector* akoz i pli atiran. So, petet – parey zot kontan dir, letan lespas fiskal i permet, eski zot annan en plan pou fer sa? Sa ki mon anvi fini *bottom line*. Mersi.

MR DEPUTY SPEAKER

Mersi Onorab. *Panel* mon ava envit zot pout larepons.

VICE-PRESIDENT AHMED AFIF

Mersi bokou Mr Chair. Mr Chair, si kontansyon se nou pa pey dimoun ase ozordi. Me i annan serten landrwa nou pe pey plis. Mwan mon pou dir ek Onorab, regard bann fe parey ki i ete.

Si dizon ozordi aköz en *case* spesifik nou, nou pe pey *legal fees* ki pe kout de milyon Roupï - petet de dizenn de milyon Roupï, konpar sa avek pa tro lontan, e pa tro lontan mon pe koz ant 2016 ek 2020, kan Gouvernman ti pey R211 milyon ek bann *Irish*.

(*Interruptions*)

VICE-PRESIDENT AHMED AFIF

Non, non. Tousala ti *legal fees*. *Legal fees*. In fini desot sa sonm ki zot, zot pe koze. E dir mwan lekel ka ki zot ti pe prosekite zot ler zot ti pey R211 milyon?

(*Interruption*)

VICE-PRESIDENT AHMED AFIF

Zot pa ti demande si ti annan – ki konparezon ti annan sa letan?

(*Interruptions*)

VICE-PRESIDENT AHMED AFIF

Akoz zot pa ti demann sa bann kestyon sa letan? Ti napa ni en *case*. Ozordi larzan ki'n perdi anba zot *watch*! Anba zot *watch* ki nou, nou pe depans en pe larzan la ozordi pour nou al trouve.

E sa bann larzan i pa fasil. I pa fasil pour ou *match* avoka sa bann dimoun. Nou pe met menm nivo ek menm nivo pour nou ganny sa lager. E zot annan problem avek sa? Eski zot pa anvi nou *win* sa *case*?

(*Interruptions*)

VICE-PRESIDENT AHMED AFIF

Eski zot pa anvi nou *win* sa *case*?! Nou, nou pe met tou pour nou fer sir nou *win* nu *case*. Se sa ki nou pe sey fer. E zot, zot pe fer krwar poudir nou, nou pe gaspiy larzan.

Nou, nou pe al rod larzan ki anba zot *watch* de 100tenn de milyon Dolar in perdi. Se sa ki nou pe fer ozordi. Mersi bokou.

(*APPLAUSE*)

MR DEPUTY SPEAKER

Mersi *panel*. Ti dernyen kestyon lo sa *heading*. In ariv ler aprezan pou pran en vot lo

Bidze pour *Seychelles Law Commission* ki trouve lo paz 151 a 154 pour en sonm R5 milyon 112 mil.

Mon ava demann tou bann Manm ki an faver pou endike silvouple? Pre 5 milyon. Sonm ki nou pe vot lo la i R5 milyon 120 mil.

Tou Manm ki an faver endike silvouple? Mersi. Okenn Manm ki kont? Mersi. Mersi Madanm Clerk. Donk, vot pour *Seychelles Law Commission* pour en sonm R5 milyon 120 mil, i annan 15 Manm ki'n vot an faver, napa Manm ki'n vot kont, 9 Manm in *abstain*. Donk, sa vot in pase.

(APPLAUSE)

MR DEPUTY SPEAKER

Mon pou remersysie – mon pou remersysie *panel* ki'n vin zwenn nou ozordi apre midi sorti kot *Seychelles Law Commission*; ki enkli son Direkter Mr Yohan Liyanage. I annan osi Ms Nathanielle Julie ki *Assistant Accountant*. E Ms Natasha Jeanne *Human Resource Budget Management Officer*.

Donk, avan nou ale ozordi, mon ava zis dir zot bann antite ki nou pou dil avek demen. Sa i konsern *PSB and Other Wages and Salaries (Gratuity, Compensation for continuous service)*

Nou pou osi vwar Bidze

Seychelles National Institute of Culture, Heritage and Arts. Department of Information and Communication Technologies. SBC - Seychelles Broadcasting Corporation. Seychelles Media Commission. E osi Lasanble Nasyonal.

Nou pou osi pran vot lo Komisyon Lenformasyon avek *Seychelles Communication Regulatory Authority*.

Zis avan nou ale. Ozordi ki mannyer nou'n travay, mon'n les zot fer sa ki zot anvi. Zot in fer en pe tapaz. Sa bann tapaz, lo televizyon zot pa pou tro tande. Lo radyo i terib. I terib e mwan mon'n reste trankil. Se zot ki'n fer tapaz, pa mwan.

Demen it will be totally different. Mon tann ou pe dir nenport kwa. So, reflesir tanto nou tou letan nou al dan lakour. Mon tann ou pe dir en keksoz *off-mic*, mon la anler, mon pa sourd mwan, mon pou demann ou pou kit lasal. *Ok?*

So, annou reviz byen nou fason ki nou pe travay, parske nou'n vin travay. E mon pa'n apresye zot *behaviour* ozordi. Mon a dir sa. Donk, nou ava *adjourn* la. Nou pou rezwenn demen bomaten 9er.

(ADJOURNMENT)